

PHILOSOPHIÆ  
POLITO-  
BARBARÆ  
SPECIMEN,

IN QUO

*De ANIMA & ejus*  
HABITIBUS INTEL-  
LECTUALIBUS,  
*Quæstiones aliquot,*  
LIBRIS DVOBVS,  
Illustrantur à

BARTENIO HOLYDAY

OXONIÆ,  
Excudebat *Guilielmus Turner*  
cl<sup>o</sup> 16c xxxiii.

MVSEVM  
BRITAN  
NICVM

628

AIN 370

AIN 370

AIN 370





## PRÆFATIO.



*Non semper Imprudentia,  
quandoque Officij est,  
sensus animi exponere.  
Quod ipsum nunc exigit  
instituti mei ratio: quæ,  
ut inutilis non est, sic nec molesta sit.  
Specimina juventutis meæ hic dedi,  
ante annos duodecim jucundè elabora-  
ta, cum in Æde Christi primùm Rhe-  
toricæ, deindè Philosophiæ Prælecto-  
ris munere, non sine severa studiorum  
amœnitate,ungerer. In dissertatio-  
nibus verò hisce Philosophicis (qua-  
rum nonnullas fateor incuriâ meâ in-*

P R A E F A T I O .

tercidisse, non dicam desiderari ) difficultates paucas tantum, sed selectiores, de iisque pauca tantum, sed selectiora edidi. Cum enim pro more disputantium, Quaestionis statum pro viribus, si minus viriliter, Respondens explicaret; Analecta tamen, seu Paralipomena addenda superessent; talia tantum attuli: nisi quod Nunquam etiam Summam rei collegerim lectissimam ( quam potui ) veritate, perspicuitate, brevitatem. Et forsitan felicius cum re literaria literatisque ageretur, si, ad eundem modum, rerum veritas non tanquam à Procuratoribus, sed velut à Iudice traderetur. Quae enim accuratiora iudicavi, unam aut alteram saepe paginam, ut sine verborum, sic sine rerum dispendio, consummatim depingo. Philosophorum Synodum non superbe

---

P R Æ F A T I O.

---

superbè consului ; ab vno verò vel altero si quandoque dissentiam, non confestim, quasi ob devictum hostem, trophæa erigo: Rationibus enim, non Nominibus, res transfigitur. In Sensuum tamen Anatomia ( liberè dicam ) Philosophos plerumque nonnihil errasse ; ut in Philosophia sensuum, nec paucos, nec rarò, Anatomicos. Veritatem claram elicere tentavi : neque enim tam chalybem filicemque hic paravi, quàm excussum ignem. Habituum Intellectus doctrina, quàm ferè ignota, languida saltem & distracta diù jacuerit, quis adeò hospes in Philosophia, qui nesciat ? Absyrtus aut Hippolitus vix funestiora schismata passi sunt. Partes præcipuæ hic adsunt omnes, id est, corpus non sanguine, utinam nec spiritibus, destitutum. Et ne



---

P R A E F A T I O .

---

*Philosophia in se sana & formosa ingenijs delicatioribus quasi facie Hippocraticâ (vt cum Medicis loquar) infœliciter videretur, vultus ei, Rhetoricæ liberalitate, si non elegantiores, mitiores saltem adaptavi; vnaque ostendi, quàm facili familiaritate Philosophia & Rhetorica vnâ hospitentur. In Oratione, quam subtexui, de Aristotele, Rhetoricâ Animique Passionibus, præcipuas Rhetoricæ Elegantias (quas Figuras vocant) adhibui; eoque novo saltem Conatu, vt in eadem plerumque periodo, non tantum Figuræ Nomen, sed & Ipsa occurrat: vt ita non-infœlici compendio, pro præcepto simul & praxi Iuuentuti Academicæ inserviat. Non dissimiliter de Passionibus egi, non vt ipsarum nomina aures afficiant, sed vt passionis cuiusque imita-*

---

P R Æ F A T I O.

---

imitatrix descriptio passionem ipsam  
non tantum exprimere, sed & excitare  
conetur. Vt verò quisque dehinc tum  
Philosophiâ tum Rhetoricâ, rectius  
utatur, id est, fruatur, observare licet,  
immò oportet, Philosophiam non  
dissimilem esse pharmaco Paracelsi-  
co: quod, si ritè administretur, medela  
est, secus verò mors ipsa est. Sic, cum  
omnis Veritas vel Testimonio divino  
aut humano, vel Ratione constet; Hæc  
velut in medio cautè ponenda est. Si e-  
nim Testimonio Divino anteponatur  
Ratio, errores in Theologia; ut, si Te-  
stimonio Humano <sup>at</sup> præponatur, errores  
in Philosophia oriuntur. Dissiteri item  
non licet Rhetoricam facile equivo-  
cam esse, immò in mendacia (ut latini-  
us loquamur) quandoque elegantia,  
sæpè gratissima, quàm citissime intum-  
escere.

---

P R A E F A T I O.

---

mescere. Cuiusmodi ~~et ad usum~~ fateri  
non pigebit, cum in orationibus in-  
frequentibus aliquoties occurrant. vel An-  
tiquorum infœlicia illa & inscita voca-  
bula, Fortuna, Fatum, Dij, Numina,  
vel Nimia Philosophorum aut Philo-  
sophiæ Encomia (vehementiæ oratoriæ,  
præsertim juvenilis, exuviae): quæ ideò  
tantum non rejicienda iudicavi, ut alij,  
quæ rejicienda forent, fidelius dignos-  
cerent; mihiq; primo libuit sic potius  
ea transfigere, quàm vel Consuetudinis  
jure, vel Hyperboles humanitate artifi-  
ci excusare. Rhetorica verò, ut et Phi-  
losophia, in se pura & castigata: qua-  
lem alijs optat, & quali solà dehinc  
gaudebit.

BARTENIUS HOLYDAY.



# SERIES RERVM

## Libri primi, DE ANIMA.

**O** Ratio habita, cū Aristotelis librum secundum  
de Anima interpretaturus essem. Pag. I.

*Quaestio*

- 1<sup>a</sup> *An Anima recte definiatur ab Aristotele? aff.* 10.
- 2 *An Sanguis & Spiritus informantur ab anima? neg.* 18.
- 3 *An detur unus omnium hominum intellectus? neg.* 24.
- 4 *An omnes anima rationales natura dignitate sint pa-  
res? aff.* 27.
- 5 *An potentia anima vegetativa inter se realiter distin-  
guantur? neg.* 31.
- 6 *An species sensibiles sint divisibiles? aff.* 35.
- 7 *An humor chrySTALLINUS sit organum visus? aff.* 42.
- 8 *An, ad videndum colorem, lumen requiratur ex parte  
objecti, scilicet ipsius coloris? neg.* 47.
- 9 *An solum species soni ad auditum perveniat? aff.* 51.
- 10 *An aer innatus sit organum auditus? aff.* 55.
- 11 *An Echo sit sonus reflexus? aff.* 59.
- 12 *An processus mamillares sint organum olfactus?  
aff.* 62.
- 13 *An medium & organum olfactus ab odore immu-  
tentur*

---

## INDEX.

---

- tentur tantum per speciem intentionalem? aff. 66.  
14 *An somnus sit affectio sensuum? aff.*  
*Oratio habita, disputationibus vespertinis; cum O-*  
*ponentis partes supplerem, & Moderatoris mu-*  
*nus annum deponerem.* [72.
- 

### Series rerum Libri secundi, DE HABITIBVS INTEL- LECTVALIBVS.

**O**ratio habita, cum Aristotelis Ethicorum Librum  
sextum interpretari inciperem. 79.

#### Quaestio

- 1<sup>a</sup> *An detur Habitus Principiorum? aff.* 87.
  - 2 *An habitus principiorum sit acquisitus? aff.* 94.
  - 3 *An, pro diversitate specificâ principiorum, diversitas  
habituum sit statuenda? aff.* 98.
  - 4 *An Experientia requiratur ad cognoscenda prima  
principia? aff.* 102.
  - 5 *An Evidentia sit de essentiâ Scientiæ? aff.* 107.
  - 6 *An formido sit de natura Opinionis? aff.* 112.
  - 7 *An distinctio scientiarum desumenda sit ab objecto  
formali? aff.* 117.
  - 8 *An Sapientia distinguatur ab intellectu & scien-  
tiâ? aff.* 123.
  - 9 *An Prudentia sit habitus intellectualis? aff.* 131.
  - 10 *An prudentia pertineat tantum ad rationem practi-  
cam? aff.* 137.
- 11 *An*

---

## INDEX.

---

- 11 *An intellectus practicus determinetur ad verum per  
rectitudinem appetitus ? aff.* 142.
- 12 *An prudentia cognoscat singularia ? aff.* 145.
- 13 *An prudentia praestituat finem virtuti morali ?  
neg.* 149.
- 14 *An prudentia sit una tantum circa objecta omnium  
virtutum moralium ? aff.* 152.
- 15 *An Actio & Effectio contradistinguantur ? aff.* 155.
- 16 *An Ars sit habitus intellectualis ? aff.* 159.
- 17 *An Prudentia distinguatur ab Arte ? aff.* 162.
- 18 *An Artes liberales sint proprie dicta artes ? neg.*  
166.
- 19 *An habitus contemplativus sit nobilior practico ?  
neg.*  
*Oratio habita, cum Opponentis partes sustinerem, &  
Auditoribus meis Munerique Philosophico valedi-  
cerem.* 170.
- Oratio habita, cum Aristotelis Rhetoricorum librum  
secundum auspicarer.* 175.
-



INDEX

1	1
2	2
3	3
4	4
5	5
6	6
7	7
8	8
9	9
10	10
11	11
12	12
13	13
14	14
15	15
16	16
17	17
18	18
19	19
20	20
21	21
22	22
23	23
24	24
25	25
26	26
27	27
28	28
29	29
30	30
31	31
32	32
33	33
34	34
35	35
36	36
37	37
38	38
39	39
40	40
41	41
42	42
43	43
44	44
45	45
46	46
47	47
48	48
49	49
50	50
51	51
52	52
53	53
54	54
55	55
56	56
57	57
58	58
59	59
60	60
61	61
62	62
63	63
64	64
65	65
66	66
67	67
68	68
69	69
70	70
71	71
72	72
73	73
74	74
75	75
76	76
77	77
78	78
79	79
80	80
81	81
82	82
83	83
84	84
85	85
86	86
87	87
88	88
89	89
90	90
91	91
92	92
93	93
94	94
95	95
96	96
97	97
98	98
99	99
100	100

INDEX



LIBER PRIMVS  
DE ANIMA.

*Oratio habita, cum Aristotelis Librum Secundum De  
Anima interpretaturus essem, c. 1. 10 CXVIII.*

**S**I interneratâ veritatis sancti-  
tate ( Auditores Aristotelice  
animati ) aut credere liceret,  
aut optare animam harmo-  
niam ; aspernaretur Philoso-  
phia supersticiosam Oratorum ambitio-  
nem, qui artificio exordij benevolentiam  
captant. Ea enim foret orationis nostra ab  
animâ profluentis imperatrix vis, quæ aut  
mitissimâ violentiâ animos vestros impel-  
leret,

leret, aut vocalissimâ suavitâte incantaret. Sed cum Empedoclea symphonia veritati philosophicæ sit parum symphona: pro argumento erit Anima; pro exordio Aristoteles; quo nomine, qui non excitatur plus quàm universâ Rhetoricâ, miraculum erit majus Aristotele. Quem qui laudaverit, aut admiretur, aut disputet: neque enim ille celebrandus nisi silentio, vel argumento. Amplissima dicendi facultas impar est illius laudibus: cujus operosa encomia famam enecârunt; ut illius nomen jam sit ipsius Famæ Epitaphium, ipse sepulchrum animatum. E cujus sacris marmoribus nulla unquam exijt exitiosa caprificus, sed fortunatæ violæ, spirantes croci, & superbum ver: præ cujus odoribus, Orientis invidi suffitus evilescent. Pelian dissectum & emortua funera poësis olim vagientis mundi credulæ infantæ obtrusit. Quæ tamen fabulæ, etsi naturam & fidem superent, pro historiâ erunt, dum Aristotelem cogitamus: cujus historia ita infra veritatem consistit, ut tamen universam superet poësin. Hic enim dissectus



dissectus est ab hostibus & interpretibus : à quibus tamen vitam viresque accepit : & dum in varias orbis partes, in omnes distrahitur. Inepiunt Critici dum bibliothecarum originem nimio naso indagare solliciti sunt, Aristotelem interea prætereuntes bibliothecam omnium humanarum quasi antiquissimam. E cuius archetypis monumentis aliarum omnium manuscripta volumina mutuatitiam desumunt scientiam & veritatem eëtypam. Hunc qui non novit, nihil novit ; qui novit, omnia novit ; ut de Deo suo Aquinate Thomistæ poëti gloriantur. Bibliothecæ verò hujus instructissimæ pulchritudinem aspecturi, è tantâ voluminum multitudine introspicite hoc opus, cui omne epitheton impar est, nisi ab Aristotele deductum ; introspicite ergo hoc opus Aristotelissimum. Reliqua sunt cædaver Aristotelis ; hoc ipsum verò Anima ipsa à qua originem ducit, quicquid in naturâ, quicquid in arte eximium est. Nomina & verba, alijque elementarij sonorum articuli, à quo nisi ab Animâ efformantur ? Voces

Porphyrianæ opere plus quàm Arachnæo conformata, à quo nisi ab animâ sunt fabricata? Decurionatus Prædicamentorum, annon in ordines suos artificiosè ab animâ disponitur? Certitudo demonstrationis architectonica, à quo nisi ab anima demonstratur? Virtutes, quas Ethicorum humilicas superbè jactitat, quid aliud sunt sine anima, quàm extorres sine lare & patriâ? Naturæ principia, quid aliud sunt, quàm gymnasium hujus Academix? Regna politica ancillatur animæ, ad cujus exemplum, administrationem suam efformat. Etenim & hîc respublica, immò, sine hac nulla. Si enim sine anima corpus rei publicæ constituere velitis, Rempublicam Platoniam, sed & poëticam novo artificio & vinculo jungetis, & pro republica constituetis Utopiam. Sed ecce animam triumphantem, & tumultuantes Deos ad creandam hanc Pandoram; quam dum ornârunt Dij, ita se exuêrunt, vt numina sua quasi prodegerint; nec gratius cœlum, imò vix aliud præter animam agnoscant. Quælibet

libet herba, quæ sentire nequit, nedum lo-  
qui, clamat Deum; suamque animam, quam  
non intelligit, profitetur. Evigilat heliotro-  
pium & gratissimâ quadam cœcitate Soli  
occurrit, matutina sacra persolvens. Pru-  
dens natura! quæ, cùm os non possit, ex-  
pandit folia; vnâque patronum agnoscit &  
munus; Deum & animam. Minima plan-  
tarum secretis suis & quasi fallacibus incre-  
mentis assurgens, opus est animæ & enco-  
mium. Fructus producit & contemnit; quo  
& virtutem suam & luxuriam ostentat; &  
quasi generis humani æmula immortalita-  
tem cogitans hæredem futuram sibi creat,  
quâ posteritati propagata intersit. Denu-  
dantur arbores suis comis, cumque pru-  
dentiam senilem conari non possint, vene-  
randam calvitie imitantur. Ista verò cui  
ignota, immò cui nota? nisi eidem, cui no-  
tus & Aristoteles? qui acie intellectus &  
novâ anatomîâ intam exiguas partes ani-  
mam disseccuit; vt penè illud Democriti,  
quod refutavit, persuaferit, animam ex ato-  
mis esse constitutam. Sed ingerunt sese sen-



sibus vestris sensus ipsi : dumque plantarum præconia pænè inaudita *Auris* percipit, *ardet & odit* ; suamque officinam & reipublicæ animæ armamentaria hostibus minatur; licetque ipsa crebris fragoribus obtundatur : tympano tamen ipsa excitata inimicos sonos malleo suo contundit. At videormihi videre *oculum* magno supercilio indignantem, dum imperium sibi præreptum intuetur; suumque cœlum orbibus suis pulcherrimè distinctum superbè volutat. Etenim & oculo cœlum est ChrySTALLINUM: quo & prælucet corpori, & præest; gaudetque aurem tanquam satellitem à latere seponi. Sed non elatiùs superbit supercilium, quàm *nasus*; qui infelici virtute contemptum suum ex contentione istâ subodorans, ronchos indignabundos fortissimè trahit. Statim tamen suum, ab ipsa natura, oculis & auribus, aliquâ ex parte submissiorem castigatiùs perpendens, sannas suas deponit & superbiam. Sapienter sanè; nasutus est nasus jam, non polyposus. *Gustum* vindicare superfluum foret: cùm ipsa *lingua* ei ancilletur;

tur; à qua officium & laudes exigat. Adest  
verò *tactus* subtilissimus, *cubito* qui tangat,  
& philosophum suum hortetur, ne præco-  
nia sua intacta prætereat; quæ certè ratio  
est, cur gustûs encomia ne extremâ saltem  
linguâ prælibetis. Quoniam verò optimè  
tactum laudat, qui leviter tangit; levissimè  
prætereo; ductumque sequar *sensus commu-  
nis*: qui tanquam præfectus aliquis oppi-  
danus de reliquis sensibus iudicium suum,  
seu potius opinionem solide & crasse pro-  
fert. Sed ecce agili pede exiliens occurrit au-  
lica *phantasia*: qua solâ juvenus animæ con-  
servatur. Hæc est hippodromus animæ, &  
theatrum; in quo ludi, somnus, infomnia,  
& amores immemores dominantur. Sed  
hanc sublequitur & premit *Memoria* Satur-  
nina, omni odio constantior & gravior;  
quæ *Thesauraria* est hujus reipublicæ. Sub-  
sequitur vulgus, seu turba *Affectuum*, quas  
ducunt Tribuni plebis, *Appetitus* et *Locomo-  
tiva*. Præeunte hoc agmine intuemini, tan-  
quam Iovem aliquem, Imperatorem *Intel-  
lectum*, ejusque Iunoniam *Imperatricem*  
*Volun-*

\* Superioris  
anni disputationi-  
onibus, de Caelo.

*Voluntatem*, magnâ comitante catervâ Idea-  
rum. Quo cœlo majestatis excitemini nobi-  
lissima pectora? Cœlum \* nuper superastis,  
non reliquistis: in cœlum nuper ascendi-  
stis, jam descendite in cœlum; in vos ipsos.  
Cœlum est, ubicunque est anima, quæ se-  
ipsam intelligit. Compellat vos Philoso-  
phia, Satagite: compellat vos Aristoteles,  
Satagite: ipsumque mane juventutis vestræ  
compellat vos, Satagite. Sed video vos ad  
vigilias & philosophiam excitatos: ut gra-  
tuler sanè tum fortunæ meæ, tum muneri,  
meo dicam an vestro (Viri benignissimi)  
quibus agnosco me debere Aristotelem,  
Animam, Comitesque hos meos gratissi-  
mos; quos cœlum attigisse & virtutem vi-  
di, eâque veneratione animam prosequutu-  
ros credo, qua pietas vel humilior super-  
stitio Deos colit. Equidem alliciet vos  
(Comites dilectissimi) serenitas animæ.  
Seria hîc sunt, & amœnitates: consilia &  
joci. Phantasia \* ludos proponit, Intelle-  
ctus disputationes, quas si quandoque illa  
interrumpat, credite tamen vos philoso-  
phari,

\* Post aliquot  
septimanas ha-  
bita est coram  
Academicis Co-  
media mea,  
περὶ ἁρμονίας  
sen de Artium  
Conjugijs.



phari, dùm in theatro phantasiæ ludos agitis. Est & Philosophiæ sua scena; risûque concussa est barba Democriti. Non semper pugnat philosophia, aliquando ludit, dùmque laxatur animus, reparatur, virésque colligit, dùm remittit. Vnâ tantùm parte intelligimus, quinque sentimus; priûsque sentimus, quàm intelligimus. Sic plûs est sensibus, sic priûs indulgendum. Sensibus inquam indulgendum est; sed non propter sensus; Intellectus verò meretur otium, quo fruitur. Vtrâque fælicitate vos frui-  
amini; sic tota erit in toto anima, dum ludos agitis, & philosophamini.

C

QVÆST.



## QVÆST. I.

*An Anima rectè definiatur ab Aristotele? Aff.*

**I**Nitium indè disputationes desumunt, vndè & nos, ab anima; argumento miræ fecunditatis & erroris: vtpotè in quo audacissima ingenia insanâ subtilitate sese exercuêrunt. Quod magnum naturæ ænigma, animam, plurimi dissolvere conati sunt, pauci enodârunt. Infantissima veterum philosophia, modò ex divina mente, modò ex elementorum concretâ fæce animam constituit. Democriti atomos quis non Democriti cacinno jam diù excepit? necnon tibicines illos philosophiæ, qui animam harmonicam statuêrunt? Empedocles eam sanguinem esse, errore tamen exanguî existimavit; & Plato, ad numerum errorum adaugendum, putavit animam esse numerum. Cùm Varro innumeras pænè de anima opin-

pini-

piniones diversas recitasset, diversam addidit. Marcus Tullius Cicero post naturam animæ accuratis periodis explicatam, & sententijs pænè philosophicis deprædicatam, eloquentissimè erravit. Qui sanè si opinionem suam, quâ animam perennem motionem esse statuit, de ipsa contentione de anima statuisset, propiùs proculdubiò à veritate abfuisset. Cùm tamen plerique antiquorum putaverint nihil nisi à simili cognosci potuisse, quid mirum, si animam ignoraverit inanimata antiquitas? Fatemur tamen haud aliud per vniversam philosophiam argumentum reperiri, in quo aut variùs, aut fæliciùs erratum est. Neque enim errores illi naturam animæ tam obscurârunt, quàm adumbrârunt. Etenim ex ijs quamplurimæ elucet proprietates animæ, quæ aliàs in corpore, velut in puteo, ignoræ delituissent. Sed & errorem & veritatem, dum animam ipsam, sic eruit & illustrat Aristoteles.

Anima est actus primus corporis naturalis organici vitam habentis potentiâ, Arist. 2. de Anima. cap. 1. text. 6.



*Actus aliquando sumitur pro*

- 1 Omni re actualiter existente.
- 2 Formâ actualiter inhærente; sic albedo est actus.
- 3 Operatione procedente ab ipso agente.
- 4 Principio alicujus operationis; sic specialius in hac definitione.

*Anima est actus, quia*

- 1 Actus distinguit animata ab inanimatis.
- 2 Est primum principium operationum vitalium; omnia enim agunt, ut sunt in actu.

*Rejiciuntur per hunc terminum*

- 1 Materia prima, quæ est pura potentia.
- 2 Composita materialia & artificialia.

*Primus sumitur vel pro*

- 1 Simpliciter primo; sic solus Deus est actus primus.
- 2 Eo actu, qui primò inhæret materiæ; sic qualitates disponentes materiam ad introductionem formæ substantialis sunt actus primi.
- 3 Actu perfectiori in ipsa materia existente.
- 4 Actu productivo operationum vitalium.
- 5 Illo, ratione cujus aliquid dicitur primò tale.

His tribus modis anima est actus primus.

Anima

Animæ  
convenit  
*præcognitas*  
duplex,

- 1 Naturæ ; quia res prius habent esse per formam substantialem, quàm operentur.
- 2 Perfectionis ; vt ostenditur ex duplici acceptione Actûs, qui

- fumitur
- 1 Materialiter, secundum entitatem rei.
  - 2 Formaliter, in ratione actûs ; quia perfectiùs actuar, quàm actus secundus.

Rejiciun-  
tur

- 1 Operationes.
- 2 Alijque actus secundi ; qui tamen dupliciter possunt comparari,

- vel ad
- 1 Formam substantialem compositi : & sic sunt secundi.
  - 2 Operationes (suas) ab ipsis procedentes ; & sic sunt primi ; quomodo se habet *Calor* inter *Ignem* & *Calefactionem*.

*Corporis* ; hæc particulâ excluduntur *Angeli*, vtpote actus completi ac per se subsistentes ; nullius ergo corporis sunt forma.

*Naturalis* ; particula hæc excludit

- Corpora
- 1 Mathematica, seu quantitativa.
  - 2 Artificialia.

*Organici* ; Corpus verò organicum à nonnullis accipitur

pro { 1 *Materia organizada*, quia corpus dicitur  
subjectum animæ.  
2 *Corpore animato*, seu toto composito :  
quia melius videatur definiri per finem  
proximum ;

{ 1 *Finis autem proximus est constitutio* corpo-  
ris animati potentis habere operationes  
vitæ ;  
2 *Informatio verò materia organizada so-*  
lùm est *medium* vt constituatur compo-  
situm.

Corpus organi- { 1 *Certæ figuræ compositio-*  
cum duo includit { nem cum tempërie accom-  
modatâ; sic antecedit animam.  
2 *Potentiam, quæ est forma or-*  
gani.

*Habentis Vitam* ; quæ aliquando sumitur

pro { 1 *Actu formali*, seu radicali : sic est anima  
ipsa.  
2 *Duratione animæ* : sic accipitur in libr. de  
de longit. & brevit. vitæ.  
3 *Actu accidentali* : sic est operatio ; & hoc  
modo hîc sumitur. Nam, ridiculum esset  
dicere, Anima est forma corporis quod poten-  
tiâ habet animam ; sed sensus est, Anima est  
forma corporis naturalis, quod per se nutritur  
& operatur.

*In Potentiâ*. Aliquid verò potest habere vitam in po-  
tentiâ



- tentiâ  
vel
  - 1 Essentiali, prout est tunc cùm caret animâ, sic semen dicitur habere vitam potentiâ essentiali; non enim actu animam habet.
  - 2 Accidentali, cùm habet quidem animam, sed est in potentiâ ad operationes ipsius, vt augeatur, vel moveatur.

Idem ergò valet apud omnes ferè interpretes *Organicum & potentiâ vitam habens*, per quod re-

- jiciuntur
  - 1 Corpora homogenea, vt Elementa.
  - 2 Formæ naturales aliæ, vt lapidum, &c.
  - 3 Angelorum assumpta corpora, quæ sunt
    - 1 Veræ res.
    - 2 Non vera organa: cùm non habent vitales potentias, atque ita nec actus.
  - 4 Formæ cadaverum.

Si quisquam verò miretur definitionem Aristotelicam tautologiâ indecorâ laborare, sciat non Aristotelis culpâ, sed interpretum hoc evenisse. Apud Aristotelem libr. 2. de Anima. text. 6. (qui est paulò longior) occurrit hæc definitio, hisce verbis, *Anima est actus primus corporis naturalis vitam habentis potentiâ*. Circa finem verò ejusdem textus 6. repetit eandem definitionem verbis non prorsus ejusdem, cum dicit, *Anima est primus actus corporis naturalis organici*. Prius dixerat *Vitam habentis potentiâ*, posteriùs verò *Organici*; sic Aristotelis exemplo vtrumvis licet in definitione animæ adhibere,

bere, at non vtrumque. Vtrumque admittit definitio vera, at non accurata; qualis Aristotelis esse debeat, esse soleat.

Si vlteriùs quærat<sup>ur</sup> vtrum horum præstet adhibere, posterius iudico, nempè *Organicum*, licèt enim *Potentiâ vitam habens* secundum Interpretes sit explicatio *organici*, cùm *vitam habere* idem sit quod *Operativum esse*: & sic *potentiâ vitam habere*, idem sit, quod *Potentiâ habere operandi* sive *operationes edendi*, quæ non sine organis perficiuntur, atque ita explicant quò tendant organa, *Organicum* tamen naturam animæ fæliciùs exprimit;

quìa

1 *Organa*, vt & anima, sunt *causa* respectu Operationum; *operationes* verò vt effectus tùm respectu animæ, tùm organorum; atque ita includantur in illorum notione; cùm enim corpus dicitur *organicum*, aptissimè subinnuitur per modum causalitatis, quòd sit *potens ad operandum*.

2 Particula *Potentiâ* facilè occasionem errandi præbeat. Qui enim dicit corpus *organicum* esse in *potentia* ad operandum, (licèt potentia non neget actum) dicere in *sola potentia* aliquibus videatur: cùm tamen corpus *organicum* respectu aliquarum operationum (vtpote vitalium) sit semper in actu.

3 Aristoteles ponit *Organicum* in definitione repetitâ, seu posteriori, tanquam perfectiori.

Hæc

Hæc verò adnotanda judicavi, ne interpretes ut se, ita & Lectores suos juvenes philosophos dehinc amplius torqueant in particulâ illâ exponenda *Vitam habentis potentiâ*: eoque magis hæc animadvertenda, cum vix quisquam interpretum sit, qui hujusmodi scrupulum non injecerit, nemo verò qui hætenus exemerit.

Cum verò quidam particulam illam postremam ad perficiendam animæ definitionem retinerent, ad *excludenda cadavera*, quæ organis dicunt esse distincta, sed non *vitam habere potentiâ*, frustra sunt: cum cadavera excludantur per *Organicum*. Quis enim cadaver nisi æquivocè organicum dicat, cum desit potentia illa, quæ est forma Organi?

Anima ergò ab Aristotele sic perfectè definitur; *Anima est actus primus corporis naturalis organici*, id est, Anima est principium productivum operationum in corpore naturali organis instructo.

Si quis verò, explicationis causâ, ultimam illam particulam *Vitam habentis potentiâ* pertinaciùs adjecerit, sensus erit, (si paulò effusius explicemus) Anima est principium productivum operationum in corpore naturali ita instructo Organis; ut non solum aliquot operationes actu exerat, sed etiam in potentia sit, seu potentiam habeat, multas alias operationes, tanquam certissima vitæ indicia, edendi.





## QVÆST. II.

*An sanguis & spiritus informentur ab anima?*  
*Neg.*

**T**in plerisque naturam ars imitatur, ita in nonnullis natura artem. Ars est plerumque ænigmatica, aliquando natura. Quid enim hoc? Corpus est : in corpore est : corporis tamen pars nulla. Anima non est : animatum non est : sine quo tamen nihil animatum. Quid inquam hoc? Certè nec corpus vivum, nec cadaver exangue, sed sanguinem intelligimus : de quo certamus, sed sine sanguine, tuto prælio, & audaciâ philosophicâ, præsertim cùm etiam certetur contra ignavam pituitam. Sed periculosius forsân reliquis humoribus bilem commovere: ne aut flava bilis nimis intumescat, aut atra illa memori odio nos prosequatur. Pleni tamen animâ animosè pugnamus etiam contra spiritus; quorum

quorum inanimes impetus ne pili aestimamus: neque enim magis quàm pili sunt animati. Motum, fatemur, habent, sed aliundè; & agili cursu feruntur potius, quàm eunt. Magnum certè est ingenium animæ, quæ spiritus subtiles produxit, vt potenti- am ostenderet: at inanimes produxit, vt po- tentiam servaret. Imminuit illam cœca mor- talitas, quæ fallaci intuitu spirituum subti- litatem suspiciens pro anima ipsa illos acce- pit: sic animam non coluit, sed temeravit. Sed Spiritus & Humores castigabimus ani- mæ & ratione.

Cùm anima sit actus corporis organici, mirum videatur Humores Spiritusque corporis partes, ab anima totius non informari.

Difficultas ferè tota est de sanguine; cæteros enim humores fatentur Philosophi non esse anima- tos: spiritusque cùm sint sanguinis pars defæcatior, ejusdem rationis sunt cum sanguine; de hoc ergò præcipuè quæstio instituitur.

Quare sciendum est, quòd

*Sanguis* (vt dividitur se-  
cundum accidentalem  
perfectionem) est vel

1 Purior, in	} Vterque verò hîc intelligi- tur.
arterijs.	
2 Impurior,	} Præterea,
in venis.	

Præterea, secundum nonnullos

Sanguis } 1 Imperfectè concoctus, quem *Nutri-*  
est vel } *mentalem* appellant.  
          } 2 Perfectus, quem dicunt esse partem  
          } integram.

At distinctio hæc non est admittenda, cum omnis sanguis sit alimentum; cumque vnum sit continuum corpus, necesse est ut vnaui tandemque formam habeat.

Sanguis item à quibusdam

consideratur vel } 1 In se, & ita dicitur pars corporis in  
                          } actu.  
                          } 2 Quatenus est convertibilis in pri-  
                          } marias partes; & sic appellatur pars  
                          } in potentia.

Alij subtilius sic; Sanguis

} 1 Non est actualis pars Corporis, (scilicet  
                          } actualitate Ultimâ, quia est in potentia ad  
                          } naturam Carnis.)  
                          } 2 Sed Naturæ Humanæ.

At natura Partis etiam consideranda est; quæ ab Aristotele. 7. Polit. c. 8. hunc in modum definitur: *Pars* corporis animati est omne id, in quod idem corpus divisum, totum vel bene esse nequit.

Pars verò in communi accepta, est

          } 1 Contenta, ut Humores & Spiritus.  
vel }  
          } 1 Similaris, quæ in partes  
          } ejusdem naturæ dividi  
          } potest, ut Os, cartilago,  
          } &c.  
          } 2 Continens,  
          } quæ est vel

2 Diffi.



- 2 Dissimularis, quæ in partes diversæ  
substantiæ dividi potest, ut caput,  
truncus, &c.

Hinc apparet Sanguinem, utpotè Humorem,  
esse partem *contentam* scilicet corporis vasibus.  
Cum ergo Aristoteles libr. 3. de hist. anim. c. 2.  
sanguinem partem *similarem* vocet, quæ est pars  
*continens*, sciendum est philosophum sic loqui, sci-  
licet improprie, tantum ob similitudinem partium  
sanguinis, cum non constet ex partibus dissimilari-  
bus.

Ulterius notandum, quod pars

Integralis  
est vel

- 1 Primaria, & constitutiva, ut partes  
solidæ, ossa, nervi; atque hæ præci-  
puè informantur ab anima.

- 1 Simpliciter, sine qua  
partes primariæ non  
possunt naturalem ha-  
bere consistentiam; ut  
Sanguis, &c. & hæ par-  
tes *formas* suas *proprias*  
inferiores habent.

- 2 Secundaria, ne-  
cessaria  
tamen, vel  
2 Secundum quid, seu  
ad ornatum, ut capilli,  
ungues: & hæ partes  
nonnullis ab anima in-  
formari videntur.

Sanguis verò non informatur animâ,

quia 1 Non crescit, sed sicut aqua infusione au-  
getur.

2 *Sanguis* in terra fluxu continuatus à corpore *non vivit*, estque vnum continuum; & omnis forma infra vegetativam est inanimatorum.

3 *Est alimentum* corporis *animati*; ideoque diversæ naturæ ante conversionem.

4 Non est organis affectus.

Alij alias rationes addunt, dicentes sanguinem non esse animatum,

quia { 1 Sine dolore separatur; at hæc ratio & de ossibus valeret, quæ *ratione sui* sine dolore separantur.

2 Non est continuus cum corpore; at idem dici potest de carne & ossibus, quæ non requirunt continuitatem mathematicam, sed tantum Physicam ratione ejusdem formæ & compositionis.

Quidam acutè dicunt sanguinem humanum informari animâ

rationali { 1 In hypostasi. } haud tutò satis, etsi  
2 Non secundum hypostasim. } tantum intelligant

1 *In corpore*, at formâ propriâ.

2 *Non formâ corporis*; quomodo enim tunc informatur animâ?

Vna

Vna verò superest nec exigua difficultas ; si enim sanguis, utpote humanus, habeat formam propriam, nec non reliquum corpus formam suam, quomodo erit vna subsistentia totius ? Breviter dicendum est, quòd

Subsistentia erit vna  
identitate {  
1 Non Simpliciter,  
2 Sed Connexionis & Ordinis ; ex  
subsistentia enim partiali sanguinis  
& corporis oritur vna subsistentia  
totalis humanitatis vnitate connexi-  
onis & ordinis.

Quod ad motum sanguinis attinet, dicendum est, eum moveri non à forma sua, sed tantum ab anima, tanquam à principio externo, per virtutem scilicet attrahentem, expultricem, imaginativam, appetitivam, &c. Quæ verò moventur à se, sensu prædita sunt.

Eodem modo statuendum est, Spiritus

{ 1 Non propriè nutriri ;  
2 Sed auræ afflatu refici.

Ex prædictis ergò elucent hæ veritates,

- 1 Solæ partes continentes informantur ab anima.
- 2 Corpus integratur

ex partibus { 1 Primarijs,  
&  
2 Secundarijs.

3 Sanguis pertinet ad { 1 Non primariam ;  
corporis integritatem { 2 Sed secundariam, tamen  
necessariam.

4 Formæ partium secundariarum sunt incomple-  
tæ ;



tæ; & ita aptè ordinantur ad constitutionem totius.

5 Vbi vnum est propter alterum non plura esse censetur.

6 Vita non est formaliter in sanguine ( à quo tantum fovetur ) sed in corpore animato.

7 Totus sanguis in morte hominis (vtpotè decolati) effusus, in resurrectione restituetur, ob integritatem corporis.



### QVÆST. III.

*An detur vnus omnium hominum Intellectus? Neg.*

**S**I ex opinione istâ, qua vnus statuitur intellectus, nova dissidia orta non fuissent; credideram sanè philosophos (mirum dictu) vnanimè reddi potuisse. Sed dum audaci artificio novus homo creatur, intellectus catholicus, & animal cosmopolitanum, non individuus statuitur intellectus, sed vagus. Figmentum sanè vltra Ovidiana, vel Æsopi: & vt monstrum sciatis, ex Africa est, vnde parentes duxit

duxit Averroës. Nec mirum certè si intellectu-  
tum vagum statuerint Arabes, cum & ipsi  
vagi. Credidit Averroës intellectum ab a-  
nima separatum: credo certè loquutum  
fuisse de intellectu Averroïs. Quis enim,  
nisi qui intellectus expers, adeò dissona in-  
tellectui pronunciaret? Non magis ab ani-  
matis obsonijs abhorruerunt Pythagoræi,  
quàm à ratione hæc fabula. Expectabam  
equidem Arabem hunc Pythagoricum Py-  
thagorico forsàn numero delatatum, no-  
vem intellectus affirmaturum: qui bellis-  
simâ quadam stultitiâ aptè respondere po-  
tuisset novem Musis, aut novem primis  
figuris radicalibus. Hæc digna fuissent tam  
sublimi delirio! Sed, ecce non progredien-  
tem Arithmeticam, quæ procedere non au-  
sa est ultra unitatem. Sententia tamen hæc  
stolidè excogitata (quod sæpè fit) acutè de-  
fenditur.

Fingit Averroës intellectum Unum singulis cor-  
poribus virtutem non per informationem, sed ad in-  
telligendum perphantasmata; sic quasi duo speci-  
erum intelligibillium subjecta statuens, ipsa phantas-  
mata, à quibus instrumentaliter producantur, &

*intellectum*, in quem recipiantur. Sic dum intellectus intelligit, homo intelligit, & quia diversa sunt phantasmata in diversis, diversa intelligunt. Ratio verò, seu potius occasio errandi fuit, quod puraverit phantasmata, non intellectum, esse principalem causam intelligendi. Quod verò non detur ejusmodi intellectus vnus in omnibus, facile patet; quia

1 Idem numero non potest esse in diversis subjectis indistinctis secundum suppositum; ergo multo minus in distinctis secundum suppositum.

2 Forma, quo minus habet entitatis, eo magis dependet à subjecto: sed alia forma majoris entitatis dependet à subjectis, & multiplicatur cum ijs.

3 Si daretur, ubi esset?

Patet etiam ex hisce incommodis; sequeretur enim

1 Intellectum separatim intelligere per species abstractas à phantasmatibus; atque ita propriam operationem animae separatae dependere à nostro phantasmate; quod absurdum est.

2 Communicaretur actio immanens, utpotè intellectio, diverso supposito.

3 Intellectio posset communicari Bucephalo; cum ejusdem speciei phantasmata tum Alexandro, tum Bucephalo communicari possint; & sic sequè intelligerent Averroes & alius.

4 Illud diceretur intelligere, in quo non est principium intelligendi. Neque enim Socrates magis diceretur intelligere, et si species intelligibiles

les



les transmitteret ad intellectum separatum, quàm paries videre diceretur, quia species sensibiles ad visum transmittit.



## QVÆST. IV.

*An omnes animæ rationales natura dignitate sint pares? Aff.*

**V**T in corporibus, sic & in animis, nimia virtus est infœlicitas; nec beneficium confert, sed fatum. Ruit & ipsa anima viribus suis, quæ, si beatiori naturâ aliam superet, ab infœliciori superbiâ superatur, nec magis victoriam patitur, quàm paritatem. O exitiale dissidium animarum, & æqualitatem pugnam! Dij immortales, & vos Philosophi superbientes, animæ anima quid præstat? stulto intelligens quid interest? ut corpora pulchritudine, non materiâ, sic animæ non naturâ, sed virtute distant. Ecce tamen cerussam philosophiæ; quam quidam sophi-

ita sic animæ obducerent, ut non fucata, sed aliam redderent. Sed quis ferat politicā istam philosophorum poësin, quā instituerent animarum Utopiam? in qua, animæ dominatrices non imperium exercerent, sed tyrannidem. At excitatur ad vindicias suas reliqua animarum turba Democratica, nec Dictaturam agnoscit, aut Consulares fasces; nec vindicat se ingenio, sed innocentia. Cum tamen bellum indictum sit, animæ pauperiores Corporeis organis militant, quibus fatentur se debere & promptitudinem agendi & exercitium. Animæ vero elatiore tale subsidium dedignant, Virtutum panopliā & onere induuntur. Sed quoniam pugna est umbrarum, pugna erit umbratilis; & verborum tanquam armorum æquali vi, animarum æqualitatem vindicabimus.

} 1 Quantitate.  
 } 1 Accidental.  
 } 2 Essentialis, de  
 } hac sola. queri-  
 } tur.  
 } 2 Perfectione.  
 } quæ duplex est.  
 Quod vero omnes animæ rationales sint ejusdem.

dem perfectionis substantialis, ostenditur

1. Tum ex autoritate Aristotelis, qui

- 1. Metaph. 3. text. 11. dicit, non dari prius & posterius (i. perfectius & imperfectius) in ijs, quæ continentur sub eadem specie.
- 2. Phys. 7. text. 5. asserit, naturam generis esse analogicam, non speciei;

2. Tum ex incommodis sequentibus; si enim animæ non essent æquales, tunc

1. Si anima hæc esset mutabilis, substantialiter esset mutabilis; si immutabilis, semper esset ijsdem virtutibus instructa.

2. Individua specie differrent.

3. Substantia susciperet magis & minus.

4. Omnes aliæ formæ essent inæqualis perfectionis; omnesque effectus degenerarent à suis causis; cum æquales non sint, nobiliores verò esse non possint.

Ad obscuritates verò quæstionis illustrandas, veritates hæ notandæ sunt;

1. Operationes præstantiores ejusdem potentiae non oriuntur ex varia perfectione potentiae sed organorum; sic idem homo diversis temporibus operationes varias exercet; eadem tamen est illius animæ perfectio.

2. Animæ non differunt numero per diversas commensurationes ad diversa corpora; neque est illa proportio ad hoc corpus de essentia hujus animæ.



- 1 Prius est naturâ in se per creationem,  
quàm insit materiæ.
- 2 Prius ipsa informat materiam, deinde  
consequuntur accidentia ; ergò anima  
hæc respicit singularem hanc materiam  
*sic perfectam ex consequenti tantam, quâ  
perfectam.*

Nonnulli acutissimè distinguunt perfectionem, in  
specificam & individualement : illam communem esse  
asserunt omnibus individuis ejusdem speciei, hanc  
verò esse modalem & cujusque individui propri-  
am. At acumen hoc est nimis tenue, cum differen-  
tia individualis hoc modo accepta contineatur  
virtualiter in essentia specifica. Certè si in substan-  
tia hujus animæ daretur gradus aliquis, qualis non  
esset in substantia alterius, sequeretur istas duas  
animas differre specie. Cui objectioni ipsi hujus di-  
stinctionis patroni occurrere potius videntur, quàm  
satisfacere.

QVÆST.

## QVÆST. V.

*An potentia anima vegetativa inter se realiter distinguantur? Neg.*

**N**ulla est adeò composita foelicitas, quam non divisit aut turbavit acumen invidiæ : neque adeò stabili concordia potentia animæ à natura ligata, quin viribus subjiciantur aut conatibus inquietæ opinionis. Hæc primò divisit animam ; nunc potentiam aggreditur : & numerum tantum diversitatem, varietatem facultatum interpretatur. Audaci mehercle inimicitia ! Animata tamen in se vna vnam ex se potentiam effundit, qua se nutricem & matrem exhibet prodigâ pietate, & impotenti munificentia indulgentia. Haud secus nutricula sedulo ore lac præmollium infanti præbet : quam alimenti molem facultas nutrix indigestam excipit, exceptam subigit, subactam in sanguinem vertit ; quem demùm

demum mirabili artificio elaboratum novam metamorphosi beat, & carnem reddit. Sed ulterius exilit vis eadem superba naturæ, nec se quicquam fecisse existimat, si non maximum: cæco igitur incremento sese dilatat, nec alium agnoscit terminum hic impetus, quam naturam. Hæc sola terminos posuit augmentationis ambitioni: quæ tamen ingenio superbiæ etiam naturam eludere videatur; & cum ad seipsam augendam non ulterius sufficiat, sobolem cogitat, & sic audacter vel augebit potentiam suam vel diffundet. Pertinaci virtute, quod impotenter perdit in individuo, in specie reppendit. Hic est hujus virtutis progressus, non divisio. Varia dici potest, non diversa; neque enim ipsa tam gloriatur, quod tanta sit, quam quod una.

- Est verò potentia
- 1. Nutritiva, quæ fit reparatio ejus, quod in corpore animato à calido vitali est absumptum.
  - 2. Augmentativa, quæ fit deductio à minori quantitate ad majorem.
  - 3. Generativa, quæ corpus animatum sibi simile producit.

Potentia



Potentia nutritiva & augmentativa non differunt realiter : quod patet

- 1 *Non ex subordinatione actuum* vtriusque, ut nonnulli vellent, (quemadmodum à vi lucis progrediuntur Illuminatio & Calefactio, quarum hæc illi subordinatur) *quia* actus sensuum & intellectus subordinantur, potentias tamen diversas postulant;
- 2 *Sed ex inadæquatione* vtriusque *actuum*; cum actus inadæquati, quales sunt nutritio & augmentatio, potentiam non multiplicent; ergò
- 3 *Ex sufficientia* etiam *potentie*; cum productionem partialis substantiæ productio quantitatis necessario sequatur.

Differunt tamen hæ potentie ratione & formaliter, quia

- 1 Nutritiva respicit alimentum, ut substantiam; augmentativa verò ut quantum.
- 2 Nutritio fit æqualiter secundum omnem latitudinem; augmentatio verò magis secundum longitudinem viventium.
- 3 Nutritio non tanto calore indiget, quanto augmentativa.
- 4 Actus nutritivus semper manet; non verò augmentativus; nisi sumatur pro eo actu, quo vivens quantitatem acquirit, five majorem, quam perdit; five æqualem, five minorem.

Probabilius etiam est non distingui realiter Nutritivam, augmentativam, & generativam, quia

- 1 Ab eadem potentia provenire potest generatio

totalis & partialis ; præsertim cùm

vtrâque } 1 Similibus accidentibus disponat  
materiam.  
2 Vniat formam materiæ, & in hanc  
illam introducat.

2 Per eundem calorem *gignitur* de novo ignis, &  
*post aggeneratur*, conversâ in ipsius substantiam  
materiâ combustibili.

3 Aristoteles lib. 2. de Anima cap. 4. text. 42.  
hoc expressè asserit.

Nonnulli dicunt facultatem nutritivam & genera-  
tivam ipso subjecto differre ; nutritivam scilicet per  
omnes corporis partes sparsam esse, generativam  
verò sedem definitam obtinere. Sciendum verò est  
potentiam etiam generativam per totum corpus si-  
militer diffusam esse ; etsi actus ejus, ratione de-  
fluxûs superflui alimenti, in parte definitâ reperia-  
tur. Sic ergò eadem potentia est nutritiva, augmen-  
tativa & generativa, tria hæc officia habens diversa  
circa idem objectum, scilicet alimentum.

QVÆST.

## QVÆST. VI.

*An species sensibiles sint divisibiles? Aff.*

**M**ira sunt, quæ sensus percipit: immò  
mira sunt quæ sensus non percipit.  
Dum colores intuemur, superbit  
natura: dum species verò intueri non vale-  
mus, triumphat. Hæ sunt exuviæ & trophæa  
naturæ: hæ sunt idola philosophiæ; quæ  
superstitiosa cura ignorat & colit. Vt ocu-  
lus, sic species, illud est, quod non vide-  
mus; per quod tamen nihil non videmus.  
Quod Anima, id species; quasi separata  
existit; immò, quod anima non præstat, di-  
vidua existit: sic potentiam suam exerit, &  
modestiam; dum subtilitatem ostentat, &  
fatetur originem. E materia ortæ sunt, cum  
materia extensæ: neque hoc imbecillitatis  
est, sed imperij; quo aëri & sensui sibi sub-  
jectis impertitâ virtute dominantur. Ludi-  
bunda corpuscula & saltantes atomi specie-



rum naturam haudquaquam exprimunt, ipso sole iudice & cachinno Democriti: qui risu exciperet, non censurâ, adeò insanientem philosophiam. Solis ambitiosam magnitudinem percipit oculus: sed an imagine sine magnitudine? Lunæ maculosam varietatem dignoscimus: numquid verò beneficio fecundissimo puncti picturati? An tam nullo simulachro se repræsentari patientur tot diversarum specierum tanta systemata? Strictiùs agendum est, & invocandæ rationes Aristotelis, qui omne tulit punctum, immò qui sustulit.

Genus  
specie-  
rum sè-  
sibili-  
um

1 Non est Substantia, quia

1 Substantia non potest produci ab accidenti tanquam à causa principali.

2 Nec 1 Spiritualis; cum producat species ab accidenti materiali.

2 Corporea; tunc enim daretur penetratio corporum.

2 Non Quantitas, ob eandem rationem;

3 Sed Qualitas;

Illarum

Illarum  
genus est  
*Habitus*

1 Quia enim ordinantur species ad operandum, sunt primæ vel secundæ speciei qualitatibus;

2 Et, quia non dant primam vim agendi, sed illam supponunt & determinant, non sunt secundæ, sed primæ speciei;

3 Et, quia non actuant potentiam, ut ultimi actus ejus, sed ut actus primi, ideò in ea specie sub *Habitibus* comprehenduntur.

1 *Non denominent subjectum*, ficut oculus & aer non dicuntur colorati, quia recipiunt species coloris. Respondetur enim; Reipsa denominationem conferunt, sed innominata est, quod in multis alijs qualitatibus accidit, & præsertim in ijs quæ non sunt per se sensibiles, & solum fiunt, quasi ad deferendam instrumentariam virtutem. Nihilominus respectu potentiarum aliquo modo explicatur hæc denominatio, quatenus potentiæ dicuntur constitui in actu primo per species.

2 *Non sint permanentes, sed facile mobiles*. Respondetur enim; Hoc non fit secundum suam naturam ut sunt habitus; sed quia dependent

Nec ob-  
stat quòd

*Intentiona-  
les dicun-  
tur*

ab extrinseco agente, per cuius ab-  
sentiam desinunt esse.

1 Non Logico sensu, ac si illarum  
natura dependeret ab operatione  
intellectus ;

1 *Imperfectionem* naturæ  
degenerantis à sua cau-  
sa .

2 Sed ob 2 *Subtilitatem*, cum pro-  
pè accedant ad naturas  
imateriales.

3 *Intentionem* ; quia mo-  
vent sensum ad inten-  
dendum rebus, & sen-  
tiendum.

*Causa  
illarum*

1 Efficiens, est objectum à quo produ-  
cuntur ; sed est causa æquivoca, cum  
specificè differant ab objecto.

2 Formalis, sua propria natura, quæ  
est { 1 Non formalis } imago objecti.  
      { 2 Sed virtualis }

3 Finalis, Operatio.

4 Materialis (vt in alijs accidentibus) est  
subjectum, quod est tum medium, tum  
organum in quo est.

*Modus productionis.* Species sensibiles educuntur  
de potentiâ subjecti, scilicet sensorij & medij per  
actionem objecti, quod potens est suâ virtute im-  
mutare subjectum per productionem harum speci-  
erum, vt per eas, tanquam per proprias virtutes  
concurrat.



concurrat cum potentia ad sensationem.

Probatur primò ;

- 1 Sunt accidentia realia :
- 2 Accidentia realia non possunt esse extra sub-  
jectum :
- 3 Quæ non possunt esse extra subjectum, depen-  
dent ab eodem in suo esse.
- 4 Quæ dependent à subjecto in suo esse, depen-  
dent ab eodem in suo fieri :
- 5 Quæ dependent à subjecto in suo fieri, ab il-  
lius potentiâ educuntur.

Probatur secundò ;

Si non sic educerentur, tum crearentur, id est,  
producerentur ex nihilo, seu ex nullo præ-  
supposito subjecto concurrente ad producti-  
onem in suo genere materialis causæ. Nul-  
lum enim aliud est subjectum, præter superius  
assignatum, ex quo educantur.

*Natura Educationis.* Ut verò formæ accidentariæ  
educantur de materiæ potestate, non requiritur  
prævia alteratio aut transmutatio successiva, sed  
fatis est, quòd datur in subjecto naturalis potentia  
ad illas recipiendas, & quòd pendent quoad suam  
effectiorem & conservationem ab eodem subjecto,  
seu tempore seu momento producantur.

Notanda,

- 1 Quoad *subjectum* ; Plures possunt esse species  
in eodem subjecto ; quia
  - 1 Non sunt contrariæ vt objecta à qui-  
bus producuntur.

2 Sunt

*Intentiona-  
les dicun-  
tur*

ab extrinseco agente, per cuius ab-  
sentiam desinunt esse.

1 Non Logico sensu, ac si illarum  
natura dependeret ab operatione  
intellectus ;

1 *Imperfectionem* naturæ  
degenerantis à sua cau-  
sa.

2 Sed ob 2 *Subtilitatem*, cum pro-  
pè accedant ad naturas  
imateriales.

3 *Intentionem* ; quia mo-  
vent sensum ad inten-  
dendum rebus, & sen-  
tiendum.

*Causa  
illarum*

1 Efficiens, est objectum à quo produ-  
cuntur ; sed est causa æquivoca, cum  
specificè differant ab objecto.

2 Formalis, sua propria natura, quæ  
est { 1 Non formalis } imago objecti.  
          { 2 Sed virtualis }

3 Finalis, Operatio.

4 Materialis (vt in alijs accidentibus) est  
subjectum, quod est tum medium, tum  
organum in quo est.

*Modus productionis.* Species sensibiles educuntur  
de potentiâ subjecti, scilicet sensorij & medij per  
actionem objecti, quod potens est suâ virtute im-  
mutare subjectum per productionem harum speci-  
erum, vt per eas, tanquam per proprias virtutes  
concurrat

concurrat cum potentia ad sensationem.

Probatur primò ;

- 1 Sunt accidentia realia :
- 2 Accidentia realia non possunt esse extra sub-  
jectum :
- 3 Quæ non possunt esse extra subjectum, depen-  
dent ab eodem in suo esse.
- 4 Quæ dependent à subjecto in suo esse, depen-  
dent ab eodem in suo fieri :
- 5 Quæ dependent à subjecto in suo fieri, ab il-  
lius potentiâ educuntur. ~

Probatur secundò ;

Si non sic educerentur, tum crearentur, id est,  
producerentur ex nihilo, seu ex nullo præ-  
supposito subjecto concurrente ad producti-  
onem in suo genere materialis causæ. Nul-  
lum enim aliud est subjectum, præter superius  
assignatum, ex quo educantur.

*Natura Educationis.* Ut verò formæ accidentariæ  
educantur de materiæ potestate, non requiritur  
prævia alteratio aut transmutatio successiva, sed  
satis est, quòd datur in subjecto naturalis potentia  
ad illas recipiendas, & quòd pendent quoad suam  
effectiorem & conservationem ab eodem subjecto,  
seu tempore seu momento producantur.

Notanda,

- 1 Quoad *subjectum* ; Plures possunt esse species  
in eodem subjecto ; quia
  - 1 Non sunt contrariæ vt objecta à qui-  
bus producantur.

2 Sunt



2 Sunt subtilissimæ materialitatis, quæ ideo intentionalis appellatur.

2 Quoad *multiplicationem*;

1 Vna species cum actuali dependentiâ ab objecto potest multiplicare aliam speciem tum in medio, tum in organo, ut in *reflectione speculi*, & in oculo; (quod etiam insigne argumentum est ad probandum *species esse*.)

2 Species in *medio* est ejusdem speciei cum eâ, quæ est in *organo*.

Speciebus convenit *Extensio*,

1 *Subjectiva*,

1 Non quia educuntur de potestate materiæ; nam animæ brutorum animantium perfectorum exeunt è materiæ potestate, nec tamen sunt divisibiles;

2 Sed quia accidens corporeum seu materiale receptum in subiectum mediâ quantitate eidem subiecto coextenditur.

Nec obstat, quòd, scilicet in visione, in quolibet puncto mediij terminetur pyramis; etsi enim vertex pyramidis sit in puncto, species tamen, cum sit accidens physicum in subiecto divisibili modo divisibili recipitur.

2 *Objectiva* verò extensio an speciebus conveniat, quæritur; Nonnulli enim dicunt, quòd sint

1 Divisibiles in Essendo.

2 Indivisibiles in Repræsentando.

*Status*. An species coextendatur objecto in repræ-

præsentando illud ; Quod asserendum est. Cum enim objectum sit divisibile & extensum, species ipsa modo divisibili illud repræsentabit, ita vt tota repræsentet totum, & pars partem, & consequenter indivisibilia speciei indivisibilia ejusdem objecti ; quia Repugnat ab agente divisibili, vt tali, procedere effectum indivisibilem.

Repræsentare verò modo indivisibili est, si tota species repræsentet totum, & quælibet pars totum, & non pars partem ; quod accidenti materiali attribui non potest.

Ad extensionem objectivam hæc tria requiruntur ;

- 1 Quælibet pars subjecti immutari potest à toto objecto, & ab omnibus partibus ejus ; vnde sequitur, In toto subjecto & qualibet ejus parte tot reperiantur partes objectivæ extensionis, quot sunt partes objecti.
- 2 Quælibet pars extensionis objectivæ specierum tot habet partes extensionis subjectivæ, quot sunt partes subjecti.
- 3 In qualibet parte mediij & organi omnes & singulæ partes extensionis objecti producunt partes specierum, per quas quælibet parte organi omnes & singulæ repræsententur.

Probatur verò objectiva quantitas, quòd scilicet tota repræsentet totum, & pars partem,

ab { 1 Augmento objecti & specierum ; si enim nova pars objecto addatur, & nova pars speciei eam repræsentanti additur.

G

2 Ex.

2 Experientia, in objecto heterogeneæ figuræ, cujus pars speciei, quæ capitis figuram repræsentat, figuram manus nequit repræsentare.



## QVÆST. VII.

*An humor ChrySTALLINUS sit organum visus? Aff.*

**Q**Uod in majori mundo cælum, in microcosmo id oculus exhibet. Lucidum est cælum, & oculus: orbibus distinguitur cælum, & oculus. Mystica illa planetarum heptarchia non magis in cælo dominari gaudet, quàm in oculo. Cujus ipsa forma Saturnum confite- tur, dum figurâ suâ circulari æternitatem exprimit. *Iupiter* etiam *Ammonius* hîc colitur, cujus & hîc reperitur simulachrum corneum. *Martem* abesse quis affirmabit, cùm etiam in oculo rete reperiatur & multam *Venerem*. Qui *Solem* oculo denegabit, neutrum meretur. *Mercurius* & furta hîc sua exercet & facundiam, dum nimis blanditijs & tutissimâ eloquentiâ eodem tempore &



& filet & loquitur. *Lunam* in illo negare non possumus, dum necesse est confiteri humorem aqueum. Si verò Musicam oculi audire cupiatis, non dulcior est (credite mihi) inter ipsas sphaeras. Habet cœlum Intelligentias suas, quibus rotatur: habet & oculus suos musculos, immò & spiritum. Vnico motu circumgyratur cœlum; oculus verò varietate æquat cœlum & superat. Sol nihil videt, oculus omnia; Sol sine oculo frustrà ferè conderetur: oculus verò nonnullorum animalium, solis beneficio vix indiget aut fruitur. Cœlum, fatemur, magnitudine oculum superat: sic Polyphemum laudabo, non hominem; scopulos non gemmas; & certè magis miramur horologium, quod pulex trahit, quàm quòd bos; nec immeritò, cùm in minimis istis materia priùs defectura sit, quàm artificium. Ecce ergò oculi cœlum sublunare solemque chrySTALLINUM: cujus vigilijs, tanquam philosopho multis penulis & tunicis involuto, multa cognitio debetur & videnti ratio. Quod, explicatâ oculi astronomiâ, ex anatomiâ ejusdem explicabitur.

\*

**Figura 1. Oculi partes exprimit.**

- a b i* Oculus.  
*a* Major seu internus oculi angulus, vbi caruncula lachrymalis & foramina duo.  
*b* Minor seu externus oculi angulus.  
*cc* Oculi album.  
*d* Palpebra superior mobilis.  
*e* Palpebra immobilis inferior.  
*f* Pupilla cum iride.  
*g* Tarsi, molles cartilagine semicirculares, quibus Cilia infixuntur.  
*h h* Cilia, pili tarsi infixi.  
*i* Cavum superioris palpebræ.  
*k* Supercilium.  
*l* Subcavum inferioris palpebræ.  
*Am m* Musculi recti oculorum.  
*n n* Inter musculos adeps.  
*o* Nervus opticus.

- m n* Musculi duo obliqui oculum in gyrum moventes.  
*ll* adeps intra musculos.  
*rr* nervus opticus.  
*s* Tenuis cerebri membranæ portio nervum circumambiens.  
*g* Duræ cerebri membranæ portio tenuem membranam circumambiens.

**Figura 3. exprimit tunicam corneam cum optici nervi parte aliquâ.**

- g* Minor oculi circulus seu pupilla, quæ tamen accuratissime sumitur pro ipso humore Chrystallino.  
*f* Iris oculi.  
*b* Vasa dispersa per duram meningem.  
*a* Nervus opticus.  
*b* Tenuis meninx nervum circumvestiens.  
*c* Dura meninx nervum circumvestiens.

**Figura 2. membranas ( seu Tunicas ) Humores & musculos accuratius exhibet.**

- a* Humor chrySTALLINUS.  
*b* Humor vitreus.  
*c* Humor aqueus.  
*r* Tunica adnata, seu *extima*; Album oculi vocatur.  
*d* Tunica cornea.  
*e* Densior pars corneæ.  
*f* Tunica vicia in qua Iris; & in cujus anteriore parte est foramen, intra & extra quod (vsque ad corneam tunicam) est humor aqueus.  
*g* Tunica retiformis.  
*h* Tunica vitrea, hyaloides.  
*i* Tunica aranea humorem chrySTALLINUM continens.  
*k k* Processus ciliares seu filaments, quibus humor chrySTALLINUS cæteris partibus neitur.  
*oo, pp, u, x* Musculi quatuor recti sursum, deorsum, introrsum, extrorsum oculum moventes.

**Figura 4. tres humores simul exhibet.**

- a* Hic vicia tunica aqueo humori innatat.  
*b* Aquei humoris amplitudo.  
*c* Vitrei humoris amplitudo.  
*d* Hic vitreus humor distinguitur ab aqueo interpositione hyaloidis, seu vitreæ tunicæ.  
*e* Humor chrySTALLINUS punctulis (explicationis gratiâ) circumscriptus.

**Figura 5.**

- a* Processus ciliares (instar pilorum, vel radiorum) sparsi per anteriorem partem hyaloidis, seu tunicæ vitreæ.

**Figura. 6.**

- aa* Processus ciliares alio modo scilicet à latere seu dimidiatim (cum vasibus etiam) descripti.

His præmissis,

Organum

Organum visus est

I Non

1 *Cornea* tunica ; quia licet conus pyramidis visualis in illa terminetur quoad concursum laterum in angulum, non tamen quoad processum laterum ; postea enim concurrunt ad chrySTALLINUM vt parallela.

2 *Vnea* tunica, vt ex ipsâ facilè patet.

3 *Aqueus* humor ; quia ab illo species tantum recipiunt firmitatem & vnitatem, vt potentiùs moveant chrySTALLINUM.

4 *Aranæa* tunica ; quia licet imagines in illâ reluceant, tanquam in speculo, vt rectè observat Galenus, tamen illud fit non in rectâ sed reflexâ visione, & sic est non formalis imago per quam videmus, sed objectiva quam videmus.

5 *Nervorum opticorum concursus* ; quia

1 Non semper concurrunt ; quod in aliquibus hominibus accidisse Anatomicorum experientia testatur.

2 A simili, Nervi *Auditorij* nunquam concurrunt.

3 *Vno* oculo possumus videre, & acutiùs ; quia virtus animæ applicatur per vnam potentiam ; & secundum experientiam amplificatur pupilla alterius oculi ad maiorem concursum & receptionem spirituum & specierum.



6 *Spiritus* ; quia spiritus est tenuissimus sanguis, ergò non vivit ; ergò nec potest esse pars.

- 2 Sed 7 *ChrySTALLINUS* humor, quod satis patet
- |  |  |
|--|--|
| { 1 Ex materia<br>ejus quæ est<br>pars | { 1 Non lucida, sed<br>vt aqua ferè con-<br>gelata & viscosa.<br>2 Spermatica.<br>3 Quæ augetur.<br>4 Quæ aptè circum-<br>scribitur. |
|--|--|
- 2 A situ ; est enim in medio, vt in annulo gemma.
- 3 A pelluciditate.
- 4 Ab authoritate Aristotelis, Gale-  
ni & Opticorum.

Notandum vltèriùs, quòd

- 1 Potentia visiva duplex est pro multiplicatis organis ; quia organum est pupilla, & hæc duplex, ( pro numero oculorum ) quarum vna non continuatur cum altera. Nam distinctio numerica accidentium efficaciter probatur ex subiectorum distinctione.
- 2 Vnitas visionis ( licèt sint duo oculi ) desumitur ex vnitate objecti, & animæ judicantis.

## QVÆST. VIII.

*An, ad videndum colorem, lumen requiratur ex parte objecti, scilicet ipsius coloris? Neg.*

**Q**Uod diù Affectus perturbavit, id Sensus etiam jam inquietat, dominandi cupido. Nec certè funestiùs cum cæteris sensibus de principatu visus pugnat, quàm illa etiam inter se, quæ huic sensui subjiciuntur, Lumen & Color. Lumen, ut pulchritudinem suam & imperium ostendet, ostendit cælum solium suum & diviniore naturæ ornatissimum emblema. Domicilia terrena & quæ infra lunam contemnit, nisi dum in columbæ collo aut lignis putridis superbè exhibet ludicra miracula; aut in præstigiatrice iride sophismata creat; sic producit colorem & ridens. Color verò, ut jus suum sibi vendicat, blandissimâ quâdam varietate amorem unâ & stuporem excitat: &, ut superbiam superbè excipiat, lumen

lumen pallidum & vnâ semper facie, parùm gratâ constantiâ, apparens negligit; utpote quod Albedine & exprimere novit Color & ludere. Pugnatur vtrunque : cui verò victoria debetur, solius est Aristotelis judicare, qui vniversæ philosophiæ summus Criticus. Ferunt tamen sententias suas & reliqui, at ille sententiam.

Sunt verò hâc de re opiniones præcipuè duæ; quarum prima, pro natura erroris, est admodum varia.

*Prima opinio* asserit lumen requiri ex parte obiecti, quia Impossibile est ut illuminetur medium, quin illuminetur etiam color existens in superficie corporis opaci; aliter, daretur extensio luminis sine vllò termino.

Sed secundum nonnullos requiritur lumen, ut

1 *Res* prorsus eadem cum colore formaliter sumpto; neque enim aliud colorem esse asserunt quàm lumen ipsum in varijs corporibus receptum. At hujus opinionis absurditas facilè patet, quia

1 *Lumini* opponitur tantùm *privatio*, utpote tenebræ; *Colori* verò color *contrarius* opponitur.

2 *Lumen* habet virtutem producendi calorem; *non* verò *Color*.

3 *Lumina* omnia sunt ejusdem speciei; non



non verò colōres.

4 Veri colores nec extinguuntur absentiâ luminis, nec ejusdem reditu producuntur.

2 *Causa formalis* coloris, quatenus visibilis ; qui ex potentia ad actum reduceretur à lumine : sic objectum totale cujuslibet visionis coloris consisteret ex colore vt ex materiali, ex lumine verò, vt ex formali.

At rejiciendus & hic error : quia

1 Sequeretur, colores specie non differre ; cum lumen à lumine specie non differat.

2 Lumen est actus diaphani ( secundum Aristotelem ) ; color verò præsupponit actu diaphanum.

3 Vna species non potest esse forma alterius.

4 Color est per se & ex propriâ naturâ suâ visibilis, & per se motivus perspicui in actû ; ergò est talis *formaliter*.

3 *Causa partialis efficiens* ; atque ita cum colore produceret speciem coloris. Agnoscunt tamen speciem repræsentare solum colorem, seu solum colorem esse causam objectivam speciei.

Cujus sententiæ pars prima de partiali concursu luminis falsa est, quia

H

1 Color

- 1 Color est per se visibilis ( secundum Aristotelem ); ergò sine lumine.
- 2 Ex specie, quæ est virtus solius objecti, & potentiâ concurrente constituitur vnum principium sufficiens sensationis; ergò non opus est concursu luminis.
- 4 Licèt non vt forma, tamen vt *aliquid necessarium*, non secundum naturam, sed *in ordine ad visionem*, per modum vnius objecti per vnam speciem, vel per vnitas partiales, repræsentati. Talis verò modus non est admittendus, quia
  - 1 Lumen & Color sunt species visibilis distinctæ: ergò non possunt per vnam speciem repræsentari.
  - 2 Color, cùm sit per se visibilis, atque ita visibile completum, habens naturam completam & independentem ab alio visibili, per speciem partialem non potest repræsentari.
- 5 *Dispositivum*; atque hæc opinio distinguit speciem coloris à specie luminis: sed ponit simultatem speciei & visionis luminis cum specie & visione coloris. Atque hic modus est probabilior; *nec* tamen admittendus, quia  
 Nulla ratio sufficiens assignari potest ad probandam necessitatem talis concursus.

*Secunda opinio* negat lumen requiri ex parte ob-  
jecti ; quia

1 Color est per se visibilis, id est, suâ solâ vir-  
tute potest movere perspicuum in actu, id  
est, diffundere sui speciem ;

2 Et quoniam hoc præstare potest per se, ergò  
sufficienter, & sic non per lumen.

Licèt ergò illustrato medio illustretur etiam &  
objectum, illustratio tamen ipsa *necessaria* est, ex-  
acte loquendo, non *ex parte* objecti, sed *tantum*  
*medij*: cum lumen non concurrat ad productionem  
speciei coloris, sed tantum producat suam propri-  
am speciem à specie coloris distinctam.



## QVÆST. IX.

*An solum species soni ad auditum perveniat ? Aff.*

**C**Um aurem tenerrimam nimio im-  
pulsu aliena encomia toties contu-  
derint, num auris vicissim semper erit au-  
ditor tantum ? Eâ tamen est & arte & mo-  
destiâ, vt summi instar Oratoris, dum offi-  
cinæ suæ artificium præstructis anfractibus  
celare studet, & artem suam prodat & mo-  
destiam.



destiam. Propriâ laus sordet in aure. For-  
san verò expectetis aurem, post Pythagorici  
silentij septennium, mirè opificem exitu-  
ram, & magistram artis. Exeat sanè ; sed  
post tantum silentium, vnicam profiteatur  
Eloquentiam. Styloꝝ enim omnium  
iudex sanè acutus & gravis : nisi quòd non-  
nunquam ob similitudinem, quam cum  
stylis habet, similitudinem laudet, non ve-  
ritatem. Sic auribus longis solus semperque  
stylus longus placet ; alijs verò pro re &  
tempore etiam & alius. Omnes tamen in  
hoc conveniunt, quòd præ se ferant spe-  
ciem soni, non ipsum. Delicata res est auris  
& superbit. Onus non patitur, nisi gemma-  
rum : nec soni immodestâ magnitudine,  
sed imagine gaudet. Faceſſat igitur Avicen-  
na, qui sonum sagittæ comparavit, cùm in-  
terim sagittarius iste scopum ne tetigerit.  
Simplicius putavit sonum in aëre tanquam  
lignum moveri, cujus vnam si moveris  
extremitatem, totum movetur. Sententia  
digna ligneo capite ! Alexander asseruit  
multiplicari sonum percussionibus crebris  
&

& progredientibus, vt ex projecto lapide in aquam multiplicantur circuli, At vertigine laboravit rotatum caput. Apud Philosophos ergò hi malè audiunt; vtpotè & doctrinæ auris & beneficij expertes. Cujus officinæ Dædalææ tot ferè laudes inauditas possem congerere, quot epitheta occurrunt in officinâ Rhetorum. Sed iuvat potius strictâ ratione & severioris philosophiæ — mordaci radere vero Auriculas —.

Auditio non fit vel aëris in quo sonus fit, vel soni in aëre facti vsque ad auditum, impulsu; quia

1 Percussio sæpè parva est, & non tantæ efficacix; vti constat de voce humanâ minimis instrumentis in ore factâ, quæ tamen ad magnam distantiam auditur.

2 Cùm perveniret ad auditum motu locali, non statim audiretur; quod falsum esse experientia testatur.

Talis procursus aëris vel in aëre soni *nec unâ* percussione fit, *nec pluribus*; quia

1 Parva percussio non potest movere tantum aërem; (vt priùs dictum est.)

2 Immo aëre circa nos percipimus sonum à longè factum, immò *propè* factum.

3 Ab his qui *propè* sunt, & ab his qui *longè* sunt simul auditur.

4 *Sonus factus extra locum clausum auditur in eo;*  
 & sonus factus intra magnum vas æneum  
 clausum auditur extra illud. Et frustra dicunt  
 nonnulli realem sonum produci in corporis  
 densi poris; nam

1 Si sint pori, pauci sunt & nimis angusti.

2 Non sunt rectâ viâ tendentes, sed inter-  
 rupti per partes densiores, à quibus vndi-  
 que circumdati sunt; ergò sonus realis  
 non potest penetrare.

A sono primo non ad aliqualem distantiam, seu  
 non omnino producitur sonus secundus; neque  
 enim tale aliquid fit vel

1 A virtute aliquâ activâ soni prioris; cum nemo  
 afferat sonum producere sonum, quo modo  
 calor calorem producit.

2 Agitatione aeris insequentis; vt supra osten-  
 sum.

Sonus realis vt primùm producitur, multiplicat  
 species suas intentionales, per quas auditur; nam

1 Sensibile proprium sentitur per speciem.

2 Sonus in profundioribus aquæ partibus à pis-  
 cibus auditur, etiam in summâ aquarum qui-  
 ete, quando sonus realis illuc ferri impulsu  
 aliquo non potest.

3 Integer sonus percipi non potest nisi per spe-  
 ciem. Immò

Siqua esset pars mediij, cui inesset sonus, & non  
 species, sequeretur in illo spatio sonum non au-  
 diri; &



Producto sono illicò species ejus producitur; nam  
Aliter dignoscere non possemus, vndè sonus  
veniret.



## QVÆST. X.

*An aer innatus sit organum auditus? Aff.*

**Q**Vod in Poëtarum cœlo fabula fuit,  
in natura & aure historia est, Vulcani  
conjugium & Veneris. Quàm pulchra e-  
nim in aure officina fabrilis! in quâ instru-  
menta omnia adeò delicatæ sunt molis &  
formæ, vt hæc non tractent fabrilia fabri.  
Vulcani hîc reperiatis rete viscosum, quod  
omnia vim Martiam auri illatura irretiat.  
Furoris procacis Vulcanus fuit; auris verò  
silentij (meherclè) inauditi. Si convitia pa-  
titur, ne verbum reddit; tutissimâ forsan  
patientiâ timet, ne auriculas perdat ob ma-  
ledicta. Iudex est integerrimus, qui vtram-  
que partem audit æquali jure. Si quando  
vel maximè commovetur, immurmurat  
tantum

tantùm & tinnit. Belli & vndarum fragoribus non gaudet, sed superbo recessu labyrinthi, in quo ad aurem filo specierum deducuntur. Oculus pulcher est, sed & fastuosus: auris verò, dum non superba est, sacra est, eamque non intuemur, sed veneramur. Iactet oculus chrySTALLINUM humorem; auris verò ipsum aërem; Auris pro cunctis Fama loquatur opus. Et quidni aurem fama magis celebret, quæ parum oculo, seipsam verò totam auri debet? Cùm ergò auris fabricam oculis vestris subijcere non possim, auribus subijciam.

- |  |  |  |
|--|--|--|
| In aure internâ sunt                         | 1 <i>Ossiculum.</i>  | } Ad distinctionem sonorum; ut dentes ad per |
|  | 2 <i>Foramen</i> in eo anfractuosum.                                       |  |
|  | 3 <i>Cavitas</i> (seu <i>pelvis</i> ) ejus in extremitate cerebrum versus. |  |
|  | 4 <i>Tympanum</i> , seu tunica à cerebro procedens, quâ cavitas tegitur.   |  |
|  | Deinde tria sustentia hanc tunicam, nempè                                  |  |
| 5 <i>Incus</i> duobus quasi pedibus innixa.  | } Ad distinctionem sonorum; ut dentes ad per                               |  |
| 6 <i>Malleolus</i> inter incudem & tympanum. |  |  |
| 7 <i>Stapes</i> (motus ab incude)            |  |  |

per quem species defertur | vocis expli-  
(vt lumen in oculo per fo- | cationem.  
ramen vueæ) .

8 *Aër innatus* in hac cavitate ultra seu intra tympanum.

9 *Nervus auditivus*, cuius extremitas circumambit foramen clausum tunicâ.

10 *Spiritus* in nervo procedentes à cerebro in tunicam.

Organum auditûs est

I *Non*

1 *Ossicula* illa, quæ intra tympanum includuntur; sicut nonnulli vellent; qui asserunt aërem movere tympanum, tympanum movere malleum, malleum movere incudem.

Nam { 1 Talis motus non potest probari.  
2 Sic sonus aliquis internus impediret auditionem.  
3 *Ossa* non sunt disposita ad sensationem.

2 *Nervus*; quia

Nervus non potest distinguere species, nisi solius tactûs; organum verò debet habere talem peculiarem naturam.

3 *Spiritus*; quia

Spiritus nihil est aliud, quàm purissimus sanguis, qui non vivit; ergò neque capax est potentiæ vitæ.

4 *Tympanum*; quia

Non est receptaculum cognatæ naturæ



2 Sed

5 *Aër innatus* ; vt ex aptissima eius dispositione satis patet ; quippè

1 *Contegitur* omnibus alijs partibus auris, vt pupilla in oculo ; vt tradit Aristoteles.

2 Est aptissimum *receptaculum specierum* ; quia habet cognationem quandam cum aëre.

3 Est *substantia*, (nec tantæ subtilitatis ac spiritus) & *immobilis* ad distinguendum motum omnium sonorum ; & cum cæteris corporis partibus continuatur.

4 Est *pars similis* orta ex aëreâ parte seminis, & aërea parte materni sanguinis.

5 *Nutritur* ; vt enim per venas sanguine nutritur humor vitreus, qui postea alimentum chrystallino præparat : sic in tympano sunt venæ, per quas ipsum sanguine nutritur, & postquam alteratur à natura sanguinis, in hunc aërem convertitur. Immo in structuram huius organi auditûs derivantur arteriæ, per quas vitam etiam arterialem habet ; vt exploratores nonnulli subtilius tradunt.

6 *Expurgatur* per canaliculum (ductum


Etum quendam cartilagineum ) ab  
aure ad palatum.

*Modus audiendi.* Species soni per tympanum (tenu-  
issimam pelliculam ) multiplicatur ad aërem in-  
ternum ; seu, per tympanum alia similis species  
in aëre interno producitur.



## QVÆST. XI

*An Echo sit sonus reflexus? Aff.*

rimè eum philosophari credebatur antiquitas, quisquis explicatè omnia ante oculos auditorum poneret. Sed dum de sono concertatur, ille philosophatur optimè, qui omnia auribus auditorum proposuerit. Exemplum tamen illorum cautè imitabimur : dum enim de natura Echûs disputamus, etiam & hîc — reparabilis adsonat Echo. Quicquid Opponens profert, illicò Respondens repetit : & quasi ludibundis, ingratis tamen amplexibus voces exciperentur, illarum — offensa resultat imago. Subtile agnoscetis naturæ

2 Sed

5 *Aër innatus* ; vt ex aptissima eius dispositione satis patet ; quippè

1 *Contegitur* omnibus alijs partibus auris, vt pupilla in oculo ; vt tradit Aristoteles.

2 Est aptissimum *receptaculum specierum* ; quia habet cognationem quandam cum aëre.

3 Est *substantia*, (nec tantæ subtilitatis ac spiritus) & *immobilis* ad distinguendum motum omnium sonorum ; & cum cæteris corporis partibus continuatur.

4 Est *pars similis* orta ex aëreâ parte seminis, & aërea parte materni sanguinis.

5 *Nutritur* ; vt enim per venas sanguine nutritur humor vitreus, qui postea alimentum chrySTALLINO præparat : sic in tympano sunt venæ, per quas ipsum sanguine nutritur, & postquam alteratur à natura sanguinis, in hunc aërem convertitur. Immo in structuram huius organi auditus derivantur arteriæ, per quas vitam etiam arterialem habet ; vt exploratores nonnulli subtilius tradunt.

6 *Expurgatur* per canaliculum (ductum




Etum quendam cartilagineum ) ab  
aure ad palatum.

*Modus audiendi.* Species soni per tympanum (tenu-  
issimam pelliculam ) multiplicatur ad aërem in-  
ternum ; seu, per tympanum alia similis species  
in aëre interno producitur.



## QVÆST. XI

*An Echo sit sonus reflexus ? Aff.*

 Primè eum philosophari credebat  
antiquitas, quisquis explicatè om-  
nia ante oculos auditorum pone-  
ret. Sed dum de sono concertatur, ille phi-  
losophatur optimè, qui omnia auribus au-  
ditorum proposuerit. Exemplum tamen  
illorum cautè imitabimur : dum enim de  
natura Echûs disputamus, etiam & hîc—re-  
parabilis adsonat Echo. Quicquid Oppo-  
nens profert, illicò Respondens repetit : &  
quasi ludibundis, ingratis tamen amplexi-  
bus voces exciperentur, illarum — offensa  
resultat imago. Subtile agnoscetis naturæ  
I 2 mira-

miraculum, quo -- didicit vox missa reverti.  
Facile credam aurita saxa & nemora se-  
quacia ab Orpheo olim animata, cum ad-  
huc etiam vocalia sint & remittant voces.

*Consonat omne nemus : vocemque inclusa volutant  
Littora, pulsari colles clamore resultant.*

Si for-  
san quæritis, quid sit Echo, Echo respondet;  
verissimè : mentiri enim non potest ; quod  
maximum miraculum, cum sæpè etiam vo-  
cis humanæ sit filia. Sic nomen vnà profite-  
tur & fidem: quæ antiqua videatur, cum ad  
antiquorum morè vallibus gaudeat & ne-  
moribus. Humilis enim est, & quæ, si vel in-  
fimus hominum eam invocaverit, certò re-  
spondebit: si quisquam suspiria sua altè in-  
geminet, & illa tam altis suspirijs congemis-  
cet. Amica est poetarum, philosophorum a-  
mica: quam illi meliùs laudabunt, hi meliùs  
expriment. Si vultis ergò, more philosopho-  
rum veritatem ejus, hoc est, philosophiam  
explicabo. Si quid novi adducam, ideo gra-  
tum sit: si verò priùs dicta tantùm repetam,  
Echo tamen non ingrata fuero.

Soni reflexio aptè possit intelligi reflexione

1 *Pila* ad parietem projectæ.

2 *Radiorum solarium* corpori opaco occurrentiũ.

Ratio

Ratio verò dubitandi, seu quæstionis, hæc est;  
Inter directum & reflexum sonū mediat tempus: vbi  
ergò est

Sonus ? { 1 In aëre ? tūc sæpius audiretur ante re-  
flexionem.  
2 Nullibi ? tūc nec posset producere spe-  
cies, per quas fieret reflexio; cū species  
dependeant in conservari ab exi-  
stentia objecti, quo extincto illicò eva-  
nescunt.

Circa productionem soni reflexi hæc imprimis  
sunt observanda;

- 1 Producitur sonus realis ad aliqualem di-  
stantiam.
- 2 Producitur species ad corpus resistens.
- 3 Corpus resistens debet esse
  - 1 Firmum, ad resistendum.
  - 2 Concavum, ad vniendas species.
  - 3 Siccum, ad acuendum sonum.
- 4 Resilientia, quâ cum verberato aëre re-  
percutiuntur species.
- 5 Aliquandò repercussionum multiplicatio,  
quæ fit ad multiplicationem corporum  
resistentium.
- 6 Articulatio reflexi soni, quæ fit per con-  
tinationem similium specierum; (re-  
flexus ergò non est novus sonus.)
- 7 Repræsentatio dimidiata vocum, ob pri-  
mas partes à sequentibus turbatas.
- 8 Sphæra auditûs, intra quam sonus auditur  
vnâ auditione continuatâ; at extra eam, li-  
cèt sit in aëre, non auditur. Sciendū enim  
quòd

Sonus realis productus in aëre producit speciem, quæ cum transiit sphæram auditûs progreditur usque ad corpus resistens, à quo resiliens ad sphæram auditûs revertitur: quo interstitio (licet brevissimo) dum *extra sphæram* est tum eundo, tum redeundo, non auditur sonus. Et hinc fit quod

Auditio recta & reflexa non fiant simul; præterea enim, licet species in instanti producantur, deferuntur tamen in aëre successivè.

Secundum nonnullos verò, ut species visibiles in profundo speculi apparent, sic species audibiles non omnes cum aëre resiliunt, sed aliquæ in partes porosas corporis concavi, seu resistencis, recipiuntur;

Nec tamen accidens sic transibit à subjecto in subjectum; quia species cum illa aeris parte, in quâ defertur, in poros concavi recipietur;

Vel forsan species in puncto reflexionis producant alias species in corpore concavo.



## QVÆST. XII.

*An processus mamillares sint organum olfactûs?*

*Aff.*

**A**rgumentum aggredimur superbissimum, Nasum: quem tangere temeritatis est, ludibrio excipere nefas;



fas ; tàm delicatâ est superbiâ, tàm critico fastu. Ea tamen est anatomix ars severa, quæ eruditâ crudelitate nasum, quasi reum, dissecuit ; vnâque infamix & admirationi exposuit. Neque enim alius est sensus, cui plus debeat nasuti microcosmi respublica : cuius nasus adeò emuncti est iudicij , vt omnes malè olentium ciborum conjurationes fidei prudentiâ patefaciat. Visus muliebris est sensus, olfactus virilis : ille pulchritudinem respicit, hic sanitatem ; vix magis distant sensus & ratio. Visus ab acie ferri nos tuetur, olfactus verò à venenis ; O subtilissima vis & morbi & medicinæ ! Tactus, quod propè est, vi facili percipit : olfactus verò odoribus etiam remotis æmulâ superbix dominatur. Regia eius posita est in sublimi naso : à quo per canales foecundissimos Cerebro, tanquam Numini, gratissimæ thure sacra peraguntur. Nec tamen nasum coscinomantem putetis, quòd cribro vtatur ; hoc enim non superstitiosum reddit sacrificium, sed purgatum ; Hoc non est artis sed pietatis opus. Sacraria olfactûs referre.

rare singulis non licet, sed cui datum est habere nasum. In auditore ergò jam nasum poscimus, non proboscidem. Qui enim nasutus, nec Tongilianus est, nec Rhinoceros; cui verò nimius nasus, ei nihil magis optare debemus, quàm maiorem modestiam nasumque minorem, aut, si mavultis, brumam Moscoviticam. Peracto ergò priùs Odorum sacrificio, sic nasum vobis perita Anatomix audacia referabit.

Ad naturam olfactûs meliùs intelligendam hæc observari debent;

- 1 Anteriores cerebri ventriculi.
- 2 Duo canales à cerebri dextrâ & finistrâ parte, qui desinunt in formam mamillarum.
- 3 Rami nervorum expansorum per hos canales; qui à nonnullis dicuntur membranarium.
- 4 Os cribrosum propè concavitates oculorum, quod subjicitur processibus, & ossi frontis inferitur: in quo duo meatus insignes.
- 5 Meatus bini in suâ origine divisi; duo scilicet ad fauces, duo ad nasum.
- 6 Cartilago procurrens inter hos meatus.
- 7 Membrana porrecta his meatibus secundum

dum nonnullos, seu potius *caro spongiosa*,  
quasi *operculum mamillarum* tantum in re-  
spirantibus.

1 Nonnulli *anguste* statuunt organum olfactus in-  
ter nervos & processus;

2 Alij in *Ventriculis*; sed malè, quia

1 Substantia cerebri non est apta ad sensati-  
onem.

2 Debet *ante* cerebrum collocari vis ejus-  
modi exploratrix.

3 Delectatio & dolor, quæ odores inferunt,  
non in cerebro sentiuntur.

3 Alij in *Nervis*; at malè, quia

1 Tunc perciperemus odores sine respirati-  
one: cum nervi hi diffundantur ad extre-  
mas partes nasi.

2 Experimur nos sentire odores in parte ali-  
qua secretiori.

3 Instituti sunt ad tangendi, non olfaciendi,  
munus; nec eandem temperiem organa  
tactus & olfactus requirunt.

4 Alii sensus (qui habent medium exter-  
num) non consistunt in nervo, ut Auditus  
in aëre, Visus in humore.

4 Alij in *interiore parte nasi*, atque etiam in tota  
respirationis via, ad ipsa usque interna viscera;  
sed malè, quia

1 Non est in Offe; cum sit sensus externus.

2 Cartilagine; quia tunc non opus

opus esset inspirare ad olfaciendum.

3 Tunicâ, cùm hæc porrigatur ad linguam aliasque partes, in quibus constat odores non sentiri.

2 Tunc fieret olfactio in intimis visceribus.


5 Alij in *processibus mamillaribus*; verè, quia

1 Nihil aliud est organum, vt ostensum est.

2 Nullum apparet aliud munus ad quod processus hi à natura instituantur.

3 Aristoteles ( licèt nonnullis hâc in re dubius videatur ) c. 2. de sens. & sensil. statuit organum olfactûs esse *circa cerebrum*; & lib. 2. de Gen. Animal. cap. 4. docet illud à cerebro *originem habere*.

4 Processus mamillares sunt naturæ odori cognatæ, scilicet calidi & sicci; atque ita organum aptissimum.



## QVÆST. XIII.

*An Medium & Organum olfactûs ab odore immutentur tantùm per speciem intentionalem? Aff.*

**R**arum est, quod vel vni potest placere: mirum, quod omnibus: miraculum, quod & Homini & Numinibus. Virtus hoc



hoc præstare non potest, quæ Dijs grata, invisâ est hominibus : non aurum, quod hominibus gratissimum, vilissimum Dijs. Hoc præstat solum Odor suavis : hoc facile præstat Deorû Thus ; cuius odor, cuius pietas laudatur & ardet. Hoc maximè est in hominum votis, immò in Deorum. Quàm beata ergò Indorum patria, immò ara ! quæ nativis precibus & suffitu supplici incalescit, quasi incolarum crimina sollicitè expiaret. Et certè magnæ sunt virtutis odores, qui non blandâ fide sæpè etiam ad sepulchra nos comitantur, neque ipsa --- ossa in odora relinquunt. Inter omnes prisce ævi jejunos philosophos haud quisquam alius odores magis amâsse videatur, quàm Pythagoras ; amârunt eos & alij, nisi in cibis : ille verò olentia olera & nefastum alium procacis fortitudinis deamavit. Quid mirum tamen, cum unusquisque hodiè sit Pythagoras ! & ardentius inflammetur amore Nicotianæ ! cuius odor gravissimus imitatione audaci, ut gravissimus Cato in theatrum, intrat tantum ut exeat. Sed ma-

vultis, scio, purgatiores rosarum delicias, aut violarum: sic enim vel severissimis placere novimus; immò quo magis nasuti estis, eò magis odorum suavitate capiemini. Et quoniam odores calefacti gratius redolent, sic eos agitatione philosophicâ calefacimus.

*Odor est secunda qualitas ex certo temperamento primarum, in quo siccum comprehendit humidum: ergò*

- |   |   |
|---|---|
| 1 Est in solis mixtis; nam  | 1 Arist. ait de sens. & sensil. c. 5. In Elementis nullus est odor.<br>2 Terra post nimiam siccitatem madefacta redolet ex permutatione humiditatis aquæ. |
| 2 Res odoriferæ, dum calefiunt, magis redolent calore augente siccum, & decoquente humidum; & magis redolent tempore verno, quàm hyemali. |   |
| 3 Aliquid requiritur humiditatis; nam   | 1 Rebus odoriferis, quas incendimus, humiditatis aliquid permiscemus.<br>2 Si nimis torreantur, parum vel nihil odoris emittunt.                          |

*Causa ejus* { 1 *Efficiens* est calor externus, à quo humidum attenuatur & superatur;

2 *Mate-*

{ 1 Humidum } eâ proportionem, ut  
 { 2 Materialis } & { 2 Siccum } comprehendat humidum.

Medium { 1 Aer; ut patet.  
 est { 2 Aqua; cum compertum sit pisces escam  
 olfactu explorare, antequam vorent.

Modus deferendi odorem; qui secundum nonnullos fertur

1 Realiter in exhalatione; at hæc opinio reiicienda, quia

{ 1 Non semper datur exhalatio, nempe si  
 { 1 Res odorata ita sit *concocta*, ut non oporteat resolvi.  
 { 2 Ita *compacta* sit, ut non possit resolvi; (etsi hoc rarius accidat.)

2 Pisces in aqua olfaciunt ad magnam distantiam; & tamen non potest per aquam similis exhalatio ferri, quin destruat.

2 Realiter sine exhalatione, per multiplicationem realem; & ad aliquam distantiam; sed & hæc opinio reiicienda; quia

1 Qualitates secunda non sunt invicem activæ; ut ergo color non producit colorem, sic nec odor odorem: quod immerito nonnulli (magni nominis) negant contra notissimam philosophiam. Instantiam tamen dant in sono, qui sonum producit; at malè, quia

1 Non est qualitas secunda, sed prima; etsi non una è quatuor tangibilibus.

K 3

2 Ne-

- 2 Negandum est producere alium sonum; sed multiplicari tantum intentionaliter post primi productionem.
- 2 Non necesse est ut multiplicetur per species post illam distantiam secundum ipsos; ergo neque ante illam.
- 3 Odor non potest esse in simplici elemento; cum oriatur ex mixtione; ut nec color in aëre: ergo ille aër, in quo est exhalatio, non est medium.
- 4 Non potest educi ex potentia aëris & aquæ, cum sint naturæ odoribus contrariæ.
- 5 Si exhalatio contingat organum, non fit olfactio, quia non est medium.
- 3 Semper & tantum *intentionaliter* (& sic sine exhalatione;) sed & hæc opinio *rejicienda*; quia
  - 1 Odorum interventu multa fiunt, quæ non nisi à substantia præstari queunt; ut affectio cerebri, corruptio aëris, &c.
  - 2 Homines respirantes ut odorentur, ipsam plerumque fumeam excretionem ad sensorium attrahunt; licet ipsa immutatio fiat per species.
- 4 De *subiecto in subiectum*; at hæc opinio *explodenda*, quia Est contra naturam accidentis: sed fatendum est, manum posse recipere partes subtiles illius, cui inest odor.
- 5 Semper *Realiter* in exhalatione ad aliquam distantiam;



tiam; & postea *Intentionaliter* (sine exhalatione.)  
 Communis hæc est, nec tamen perfecta opinio.

Organum  
 verò sem-  
 per immu-  
 tatur in-  
 tentionali-  
 ter, quia

- 1 Aliter olfactus careret medio externo; quòd est contra Aristotelem.
- 2 Sensibile positum supra sensorium non sentitur.
- 3 Vultures olfaciunt ad tantam distantiam, vt olfactio tam accurata fieri non possit, nisi per species.
- 4 Ipsa exhalatio, licet contingeret organum, tamen per se non potest concurrere ad sensationem, quia est substantia, & sic non sensibilis.

6 Aliquan-  
 do

- 1 *Realiter* (in exhalatione, non in medio;) & *intentionaliter*.
- 2 *Intentionaliter tantum*; quia à natura satis concocta non indigent novâ resolutione.

Atque hæc opinio verior & accuratior videtur.

QVÆST.



## QVÆST. XIV.

*An Somnus sit affectio Sensuum ? Aff.*

*Oratio habita, disputationibus vespertinis, cum Opponentis partes supplerem, & Moderatoris munus annum deponerem.*



Robo — . At quid dixi ? Probo ? contra Aristotelem & Veritatem parentes Philosophiæ : quam deserere ingratum est, impium persequi ! Vereor sanè, ne si dominantis somni imperium negem, sentiam tyrannidem ; & vel insanis vigilijs, vel somno noctivago ferri videar. At animam non adeò improbus invasit sopor, quo vel per somnum cæco impetu Aristotelem temerarem. Ea tamen fortuna, quæ huic muneri me primùm præfecit, eidem nunc festina præripit : cùmque adhuc Moderari liceret, jubet Opponere, non sine augurio instantis fati, cui ut honestiùs occurram, victrici cau-

ſæ cedo & Ariſtoteli. Suadet hoc nox ipſa;  
ſuadent Sensus; & vltra vires ſuas Ratione  
ſuadent. Sine ſomno enim & ipſa ratio inſa-  
nia eſt, ipſa conſtantia vertigo; ſine ſomno  
omnes vigiliæ ſunt Siculæ; nec tam exan-  
guem injiciunt pallorem occulta ſcelera,  
quàm vigiliæ. Hæ formam invadant, &  
Venus Megæra eſt; oculique chryſtallini ni-  
mijs vigilijs ruborem attrahunt, ſuiſque re-  
ceſſibus deliteſcunt: quaſi pulchritudinem  
ſuam ſe amiſſiſſe erubeſcerent, vel præ dolo-  
re non lachrymas, ſed ſanguinem emiſſuri  
eſſent. Vigiliæ non intellecto murmure  
aures complent, vt non vltteriùs admittant  
voces, ſed emittant; & nimis vltra natu-  
ram violatæ non audiant, ſed loquantur. Si  
naſo vigilanti nocturnos odores quiſquam  
attrahat, naſutus non erit, ſed polypofus.  
Manus artifex, quæ velut instrumentum  
muſicum digitorum nervis, quaſi chordis,  
diſtenditur, delicatâ contactûs virtute præ-  
ſtat. Si tamen nimis vigil delaffetur, ſtupet  
non ſentit, &, quæ nervis pollet, enervis  
redditur. Molliffima lingua facili naturâ

L

volubi-

volubilis cùm amplissimum eloquentiæ  
cursum demensa est, ad extremum gaudet  
non facundiâ frui, sed silentio. Quid aliud  
exoptat ipse Sensus Cômunis, qui cùm fo-  
rensibus judicijs assiduè præsit, assiduè sibi  
vacationem postulat. Quid aliud exoptat  
fœcunda Phantasia? quæ quotidie concipit,  
quotidie parit, nec sæpius suscipit onus,  
quàm deponit. Quid aliud exoptat fides  
Memoriæ? quàm dormiendo oblivisci, ut  
fortius recorderetur. Quid aliud denique ex-  
optat imperatrix Ratio? quàm somno vin-  
ci, ut vincat omnia. Ecce imperium somni  
philosophicum; quo nil potentius, nil mi-  
tius agnoscit natura! Hôc vno Alexander  
se mortalem fassus est: hôc quisque se fœ-  
licem agnoscat. Quapropter negotiosam  
hanc contentionum provinciam tandem  
excutio; cùm scire malletm naturam Ætnæ,  
quàm onus. Ad te ergo, ad te confugio  
Philosophia, cui & vigilias persolvi, &  
somnum debeo; ut per illas te scirem, per  
hunc agnoscerem. Optimè fatetur som-  
num, quisquis patitur. Indulgendum est  
mihi;



mihi ; indulgendum est vobis, philosophi-  
cæ hujus deambulationis Comites Peripa-  
tetici , qui ita Sensibus indulstis , quasi  
Sensus etiam à seipsis percipi possent ; &  
maximè amicâ conjunctione Sensibus Ap-  
petitum adhibuistis. *Oculi* sphæras intelli-  
gentiâ nostrâ circumvolvimus , ejusque a-  
natomiam oculo subjecimus. *Auris* tym-  
panum non potuistis non audire. *Naribus*  
( præ amore vestro ) non indulstis , sed  
olfactui : cujus doctrinam , tanquam thu-  
ris odorem non-ingratum accepistis. Huc-  
usque progressi sumus ; & si ulterius per-  
gendum esset Saporum delicias mensam-  
que philosophicam apponeremus. Sed cum  
*nec gustum* , nec *tactum* adhuc consequuti  
simus , quid mirum , si moriamur , cum a-  
nimalia omnia istis sensibus destituta , &  
vitâ destituantur ? Cum tamen mors ista  
personata sit , non vera ; non mors erit ,  
sed somnus ; at qualis olim Endymionis  
fuit , quo philosophiæ magis incubuit. Et  
licet de *lingua* differere non liceat , illius ta-

men beneficio, hoc vnum proferam, cum  
somno & philosophiæ sit indulgen-  
dum, Amici, Precor vobis  
fœlicem noctem.

---

Libri primi

FINIS.

---

LIBER

---



LIBER SECVNDVS  
DE HABITIBVS  
INTELLECTVALIBVS.

L<sub>3</sub> LIBER

men beneficio, hoc vnum proferam, cum  
somno & philosophiæ sit indulgen-  
dum, Amici, Precor vobis  
fœlicem noctem.

---

Libri primi

FINIS.

---

LIBER

---






LIBER SECVNDVS  
DE HABITIBVS  
INTELLECTVALIBVS.

L<sub>3</sub> LIBER





LIBER SECVNDVS,  
DE HABITIBVS  
INTELLECTVALIBVS.

*Oratio habita, cū Aristotelis Ethicorum  
librum sextum interpretari inciperem,  
cło lccxx.*



Qvſque tandem, Stagirita, famæ  
tuæ patientiâ abutemur ? quo-  
vſque expirantis facundiæ bre-  
vis vis æternitatem tuam miſe-  
rè contrahet ? De te loqui an parū erit,  
quem loqui non magis poſſumus, quā  
ſuperare, niſi & immortalitatem tuam vi-  
ſoſcimus ſolenni infamiâ ? Ignoscas tamen,  
ob-

obsecramus, audaci consuetudinis religioni & impotentiae devotissimae, pietate insanâ te prosequenti; ignoscas, quaesumus, ut, per te, non ingrata — stet pro ratione voluntas. Ut eam tamen saniolem reddam, non ipsum intuebor Aristotelem, sed Aristotelica: sufficient mihi concreta encomia; & pro Ipso, operosam ejus imaginem, Intellectum, contemplantur. Sic Solis fulgor se videndum exhibet, dum per mitissima vndarum sophismata ipsum videmus, cum non videmus. Gaudeo verò foelicitate hâc Aristotelicâ de hoc ornatissimo monstro dicturus, quod idem sit & argumentum & velut numen: quô non tam correptum, quàm instructum me sentio; cujusque foecunditas numerosâ prole superbiens gaudenti literaturae dominatur. *Intelligentia* artifex curiosâ indagine primordia rerum perscrutatur, & reluctantis naturae apocalypsis est & exploratrix: sine qua intellectus cadaver est, & non--intellecta natura chaos. Primæva lux in antiquissimo mundi crepusculo catholicas illas & implicatas naturae fodinas



fodinas non ita perlustravit, ac ista vis: quæ  
etiam illustrionis Phœbi ignavum radium  
& obtusum dedignetur. Hæc, conjugator  
miraculo, intellectûs specillum est & oculus;  
immo quæ fugiunt oculum agili subtili-  
tate persequitur & penetrat. Inquietæ con-  
currentium atomorum agmina dissipat &  
sistit: dum cujuslibet separati ridiculam  
molem & obstinatam compagem otioso  
imperio contemplatur. Quid illas memo-  
rem cœlestes Intelligentias, seu potius Sisy-  
phos repetito volumine fatigatos, aut, si  
mavultis, catenatos Prometheos, quibus,  
molestâ immortalitate, infœlix cœlum fit  
Caucasus? Nostra interim Intelligentia risu  
excipiens numellas has & cœlestia patibula,  
Vtriusque orbis spatia liberrima speculatur.  
Tanti verò nominis æmula & libertatis  
Scientia fœlix, quæ cerum potuit cognosce-  
re causas, perverso virtutis artificio, diversa-  
ssimâ nobiliq; ambitione ad famam anhe-  
lat. Hæc nihil approbat, nisi quod prober:  
nihil statuit, nisi cum testis adsit immor-  
ta. Naturæ conscientia. Videor mihi vi-  
dere

dere Scientiam stabilem adamantino quadrato insidentem : dùm sententiam severam, quam literarum orbi imperatrix præscribit, lentâ stabiliunt maiestate. Veritas immitis & inexorabilis Æternitas. *Sapientia* verò augustissima non novam gloriam sed veram quærens, quod illæ divisim, vna præstat religiosâ imperij & virtutis avaritiâ. Cœlum fatumque & quicquid magnum est huic cedunt; numinumque catervæ non tam cœlo suo, quàm sapientiâ superbiunt. Orbibus suis intelligentiæ imperant : ipsis numinibus sapientia. Quæ dùm intuetur cogitabunda *Prudentia* rempublicam cœlorum linquens, artificem mortaliū monarchiam & fœlicitatem cautam meditat. Ne ergò vel inæqualis cura ipsam opprimat, vel nimis artibus illi illudat æquivoca mortalitas, comitibus velut Gratiarum satellitio stipata est, ut omnia rectâ, perspicaci & benignâ maiestate administret. Nec deest tamen, in quo bellissima *Artis* solertia se exerceat, quæ non tam edit opera, quàm creat miracula; cœlumque non imitatur,

tatur, sed fabricat; nec tamen ab Intelligentijs emendicaturum motus, sed cœlum automaton, & animata sydera. Hæc nunc artificij vidimus acta manu. Ineptè Anatomici cordis, jecinoris, & cerebri triumviratum celebrant, cùm penes Manum sit dictatura: quæ artem suam non extra se sic consulere videtur, vt non ampliùs, mendaci sermonis humilitate, manum operari, sed Cogitare dicamus. Quicquid molem jactat, patitur virtutem artis: huiusque triumphus est, quicquid immensum est. Cœlum & mare domuit ars nautarum: illius luminibus extremæ oceani spatia emetiendo; iisdemque spatijs monachas stellas explorando, meridionali cœlorum eremo latitantes. Atque hæc sunt virtutes Rationis: hæc Intellectûs Academia: quam vterius perlustrare, non progredi esset, sed regredi. Etenim & hîc auribus vestris resonat *Vocum Porphyrianarum* animata Echo. *Intelligentia Generis* amplitudinem refert: cùm humanum genus numerosum prodigâ beatitudine donaverit; nec quisquam ferè reperiatur, qui, hîc




rationis imperio, primordijs naturæ non dominetur. Contractior verò *Scientia* ostendit *Speciem*: quæ non voraci oculo pulchritudinem suam prodit. *Intelligentia* homines, *Scientia* viros indicat. Inter hos tamen quanta *Differentia*! quæ vnica & severa est *Sapientia*. Etiam & *Prudentia* paucorum *Propria*. *Ars* verò cui non facili benignitate *Accidit*? Expeditiùs occurrit artifex, quàm homo: magis que artibus, quàm coloribus distinguimur. Provoquant verò aspectum vestrum & hîc *Prædicamentorum Collegia*. *Substantia* & *Intelligentia* sunt fundamentum & gymnasium: sine illo corrui structura *Accidentium*; sine hoc *Literarum*. *Scientia* quantacunque est, *Quanta* est; nec magis certa, quàm finita. *Sapientia* non tam nominat, quàm efficit *quales* vnica *Græcia* olim iactavit: quasi reliquus orbis vel nullum vel tantum octavum protulisset. *Fœcunda prudentia* non sua solum, sed & *aliena* curat, non quòd curiosa sit, sed quòd pia. *Actio* & *Passio* non magis effectus *Artis* sunt, quàm emblemata. An reliquæ prædicamen-



camentorum appendices, seu *Gilberti Porretani aule* hanc *Academiam* ornent, vobis ipse edicat. Conspiciæ *Demonstrationes Scholæ* sunt illustrissimæ, quas æmulæ beant virtus & scientia. *Anima ipsa Theologiæ schola* est philosophica, quam superat *Bibliotheca* sublimis *Virtutum Intellectus*. Hæc cœlo proxima est, immò in hæc cœlum! Hic hospites Deos intueamini ludibundâ divinitate inerrantes! Hic varios intueamini discursus *Planetarum*! *Intelligentia antiquaria Saturno* æmulatur, principia rerum explorando. *Sapientia Iovem* superat & perficit. *Vis Martis ignea Scientiæ* cedit, cuius vis acutior & magis enthea. *Intellectus ipse Solem* refert, cum per Intellectum omnia videamus: sed & eundem longè superat, cum & seipsum intueatur, ipsumq; Solem sine Sole. Casta *Venus*, qualis cœlestis est, summa est *Prudentia*, *Ars* item quid aliud, quàm ipse *Mercurius*? *Luna Intellectus* non est, at ei cognata est, *Voluntas* est humili cœlo gaudens, quæq; dum castigato motu orbium intellectus circumvolvitur, meretur cœlum, quo fruitur. Virtutis hoc cœlum non cerebri somnium, sed

imperium est. Quod cùm vobis debeam,  
viri ornatissimi ( quibus etiam Aristotelem  
& capita hæc Aristotelica longè charissimam  
debeo ); vt & intelligendo & exprimendo  
sim, iudiciorum vestrorum quàm consona  
sit benignitas virtusque Politica, per  
quas hanc Cathedram & Philosophiam  
repeto, intellectûs virtutes gratissi-  
mas explorare gratissimus con-  
festim properabo.

QVÆST.



## QVÆST. I.

*An detur habitus principiorum? Aff.*



Eu, quantum est, quod nescimus! immò quantum est, quod novimus! Principia ignoramus, exploravimus tamen ænigmata. Quid hoc? Intellectus in intellectu? An Intellectus & Cœlum erit & Intelligentia? quàm propè ænigma solvimus? Si intelligimus, de cerebri cœlo sublunari, solvimus. Cœlum nihil videt; sol in cœlo omnia: intellectus nihil videt; Intelligentia in intellectu omnia. Intellectus est animæ Intelligentia: Intelligentia est anima intellectûs; & quasi numen; ideoque non tam perscrutandum, quàm implorandum. Quod si adfuerit & primo impetu nos solertes dederit, pro Sphynge & Oedipo erit philosophia; quæ sic totum solvit.

1 Intel-

*Intellectus*  
est vel

1 *Agens*, potentia scilicet, quæ non versatur circa phantasmata, sed circa intellectum possibilem; Cujus actus duo sunt;

1 *Productio speciei intelligibilis*, per quam repræsentatur intellectui objectum materiale.

2 *Illustratio phantasmatum* per eandem actionem circa intellectum possibilem.

2 *Possibilis*, potentia nempe animæ rationalis ei concessa ad intelligendum res omnes; Atq; iste *intellectus* appellatur *cognoscitivus*, estque primum principium proximum intelligendi, & *Subiectum habituum*.

*Species intelligibilis & habitus intellectualis*

1 *Conveniunt, quia*

1 *Difficulter sunt mobiles à subiecto.*

2 *Determinant potentiam ad operandum circa tale objectum, cum antea fuerit indifferens ad operandum.*

2 *Differunt,*  
nam

1 *Habitus*, ( utpotè *Intelligentia* ) determinat potentiam ad bene operandum simpliciter: *Species* verò *intelligibilis* non ita; quia intellectus informatus specie sæpe errat.

2 *Ha-*



2 *Habitus* determinat ad facile & delectabiliter operandum: species tantum ad simpliciter operandum.

{ 1 *Species* repræsentat.  
2 *Potentia* intellectiva percipit } *objectum*.  
3 *Habitus* facilitatem præstat.

*Necessitas habituum* intellectualium oritur ex natura intellectus; Nam

1 *Potentia* intellectiva, cum sit rationi subdita quoad exercitium suorum actuum, potest præsentem objecto operari circa aliud, vel operationem suspendere.

2 *Intellectus* habet aliquam difficultatem, quia indiget operatione sensuum ad intelligendum: qui, cum sint organicæ virtutes, non sine difficultate operantur.

3 *Intellectus* ex parte sua licet difficultate positivâ careat, negativam habet, quia non est ex se, sed exercitatione facilis.

4 *Experientia* testatur crebris actibus facilitatem comparari, quam non præbent formaliter ipsi actus statim abeuntes, sed quid aliud ab eis in potentia relictum; quod est aliquid

1 *Superadditum*; quia non semper inest potentiae.

2 *Reale*; quia realem modum operandi potentiae tribuit.

5 *Intellectus* non solum circa diversa operatur, sed & diversis modis; non tantum circa ve-

N

rum

rum vel falsum, sed & per assensum vel dissensum, & per assensum verum vel erroneum. Quare necessario indiget habitu determinante, ut debito modo operationem exerceat.

6 Duæ sunt intellectus operationes, *Apprehensio* & *Judicium*; quarum illa à *specie* dependet, hæc ab *habitu*. Cum enim *apprehensio* sit tantum *materialis causa judicii* (intellectus enim non judicat, nisi de re apprehensa) ideoque non sufficienter determinet intellectum ad judicandum: præter species aliquid necessario requiritur ex parte intellectus, à quo per modum *efficientis* determinetur ad judicium ferendum. Hoc, cum nec objectum nec species esse possit, cum tantum apprehensioni hæc inserviant, unicum superest, nempe habitus, à quo difficultas intellectus in judicando vinci possit.

7 Cum representatio rerum sit naturalis, & ex simplici comparatione speciei ad objectum desumpta, non dependeat ab usu, nec per illum possit crescere; (repugnat enim simplicitati specierum, cum simul totæ producantur, recipere magis aut minus): ponenda est alia qualitas, per usum operum & actuum frequentationem acquisita, quæ propriè est habitus.

*Dignitas habituum intellectus ex ipso nomine collucet; appellantur enim virtutes intellectus, ut enim*  
*& Morales*


# De Habitibus Intellectualibus.

91

- 1 *Morales* perficiunt actum in ordine ad ultimum finem, & sic sunt præstantiores intellectualibus: sic.
- 2 *Intellectuales* perficiunt actus humanos secundum aliquam rationem, ut est humanus, scilicet veritatem; licet non secundum adæquatam rationem; & sic sunt præstantiores ob dignitatem maiorem obiecti potentiæ apprehensivæ, quod est nobilius objecto appetitivæ.

*Numerus habituum* ostenditur ex illorum

1 Obiectis	1 sic, Intellectus infallibiliter percipit verum	1 Universalis	2 Per causam vel	1 Sine medio, per Intelligentiam.
				1 Superiorē, per Sapientiam.
	2 sic; Intellectus percipit objectum	2 Singulare	1 Agibile, interno actu per Prudentiam.	2 Inferiorē, per Scientiam.
				2 Facibile, externo opere, per Artem.
		1 Necessarium, scilicet	1 Principia, per Intelligentiam.	
			2 Conclusiones, per Scientiam.	
			3 Principia et Conclusiones, per Sapientiam.	
		* N 2	2 Con-	





sequentem accuratius intelligendam, *natura* primi habitus, scilicet *Principiorum* foelicius patebit. Cuius considerari debet

1 *Nomen*; appellatur enim *mēs* (mens) *habitus Principiorum, Intelligentia, & Intellectus*; quia nobilior virtus non alio nomine insigniri debuit, quàm ipsius potentiae. Duplicem verò modum observat potentia intellectiva in suis operationibus; vel enim

1 Procedit ex principiis aliquibus per *discursum*; vel

2 *Simplici* quodam *intuitu* veritatem percipit per solam terminorum notitiam. Atque hæc operatio dicitur *intellectus simillimus modo intelligendi Angelorum.*

2 *Objectum*; scilicet *veritas immediata*; hoc est, propositio, cuius prædicatum absque ullo medio inhæret subjecto.

3 *Actus* { 1 Materialis, *Apprehensio* terminorum.  
2 Formalis, *Iudicium*, ad quod prior suâ naturâ ordinatur.

4 *Modus tendendi in objectum* (à quo formalis ratio ejusdē habitus accipitur) estq; per immediatam comparationē ad ipsam veritatē rei; reliqui verò habitus per media procedunt.

5 *Definitio*; scilicet, *Habitus Principiorum* est virtus intellectualis, per quam potentia intellectiva determinatur ad assensum principiorum

piorum per se evidentem, facileque elicendum. ( Sic potentiae operandi difficultatem superat habitus. )

6 *Necessitas*, ad intellectus

1 *Indifferentiam determinandam*; quam habet, quia dependet à voluntate: quæ ut potest intellectum applicare ad assentiendum, ita potest distrahere & suspendere assensum; quam libertatem sensus non habet ( proposito enim objecto, sensus non potest non assentire ): atque ideò sensuum non dantur habitus.

2 *Imperfectionem tollendam*; quia intellectus in principio, ut experientia testatur, difficulter intelligit etiam universalissimas veritates.



## QVÆST. II.

*An habitus Principiorum sit acquisitus? Aff.*

**Q**Uod semel tantum agimus, vix benè agimus: magisq; impetus est, quàm artificiū. Fortis est, non qui fugavit hostem, sed qui exercitum: magisq; pugnâ, quàm victoriâ gloriatur. Hanc sæpè ignava

ignava tribuit fortuna : illa solius est virtutis. Sic pugnat intellectus ; non sic vincit. Natura intellectui orbem concessit : sed ecce bellum, non imperium ; nec sceptro vtendum est, sed ense. Intellectus solus intelligit orbem suum ; intellectus solus non regit. Hoc opus, hic labor est — : quem iustius præstat majestas, facilius industria. Intellectus ferrum est ; vsus verò & acies est & manus : quæ repetito conatu & subtiliori sic nodum scindet.

Sensus quæstionis est de modo generandi siue producendi habitum principiorum ; an scilicet simul infundatur cum ipsa anima ; an vt intellectum omni specie intelligibili alijs habitibus nudum accipimus, ita & nudum hoc habitu accipiamus.

Opinio 1.

asserit

*Eandem entitatem potentia, prout simpliciter est principium actuum cognitionis, esse intellectam : vt verò benè disponit animam ad hoc, vt per ipsam intelligat, & assentiatur, sic formaliter esse habitum principiorum. Hanc sententiam amplectuntur Philosophi aliquot clarissimi. Refutatur verò*

1 Authoritate Aristotelis : qui diversas esse qualitatis species statuit potentiam.

tentiam & habitum.

- 2 Ratione ; quia potentia ex natura sua est libera : habitus verò ex sua natura ordinatur ad potentiam illam dirigendam, eamque libertatem determinandam.

Opinio 2  
asserit

*Acquisitis speciebus* primorum *Principiorum* per abstractionem intellectus agentis, illicò *profluere habitum* principiorum ab ipsa natura intellectus possibilis, per quem possit de iisdem principiis iudicium ferre ; atque ita nec à nudâ fluere naturâ, nec per actus acquiri ; sed *præsentibus speciebus*, ante omnem iudicativum actum, *emanare naturaliter*. At refutatur ratione ;

- 1 Non minùs enim dependet potentia ab objecto in sua operatione, quàm habitus ; ab eodem enim objecto, tam illa, quàm hic specificantur : sed ad emanationem potentia ab anima non requiritur præsentia specierum ; ergò neque ad emanationem habituum.

- 2 Prima apprehensio fit per præsentiam specierum : cum verò primam apprehensionem non statim sequatur facilitas, manifestum est, speciebus præsentibus non necessariò habitum fluere.



Opinio 3  
asserit

A principio (cùm infunditur anima) habitum *esse naturalem*; sed refutatur


- 1 Autoritate Aristotelis. 2. poster. c. ult.
- 2 Ratione; Natura enim non confert nisi simpliciter necessaria; habitus verò non ordinantur simpliciter ad operandum, sed cum facilitate.
- 4 *Esse acquisitum*; & verè, probatur enim ex illius modo producendi;
  - 1 *Intellectus* enim *agens* illustrat & abstrahit species intelligibiles à phantasmate.
  - 2 *Imprimis species* in intellectum possibilem.
  - 3 *Intellectus possibilis apprehendit terminos*, ex quibus principia componuntur.
  - 4 *Iudicium* sequitur & assensus immediatus intellectus possibilis; & per talem assensum generatur habitus principiorum, quemadmodum per frequentem repetitionem ejusdem assensus perficitur.

Sic habitus principiorum potest dici

- naturalis
- 1 Inchoativè.
  - 2 Non formaliter.

Probabile est, quòd ponendus sit habitus pro  
O omnibus

omnibus etiam vniversalibus principijs : nam, licet intellectus, vt ijs assentiatur, non habeat aliquam difficultatem positivam, potest tamen dici habere difficultatem negativam, scilicet, non-facilitatem, facilitatem verò, per exercitationē, comparare. Quæ *Facilitas* est modus quidam, quo potentia redditur expedita ad operandum cum delectatione.



### QVÆST. III.

*An pro diversitate specifica Principiorum, diversitas habituum sit statuenda? Aff.*



**V**aria percipit intellectus non varius, atqui varijs modis. Oculum nobilitate superat, sed & sollicitudine. Oculus est intellectus corporeus : intellectus oculus incorporeus. Videmus naturæ beneficio agili, immò expeditiùs, quàm oculi ictu : intelligimus verò tam corporeo molimine, vt intellectus non elevare corpus, sed esse videatur. Cùm *Geometriæ* spatia emensi sumus, alio opus est intellectu ad ediscendum contextura

*Orbium*

*Orbium.* Cum *Grammaticæ* manu obstetricante balbutiẽm superavit infans lingua; novo indiget *Dialecticæ* organo, novâ ratione, vt fruatur ratione. Qui *Musicam* hospitio auris erudito excepit, novo eget intellectûs quasi oracoustico; quo *sphærarum* colludentium *accentus* inauditos percipiat. Sic cum prioris disciplinæ incunabula spreverit, ad novam repuerascit elementarius intellectus. Cui tamen, in tantam operum varietatem, varij subveniunt habitus non inexorabiles; immò quandoque facilitate parasiticâ ei famulantes. Horum ope & varietate indiget intellectus & fruitur. Quam foelicem inopiam voluit naturæ arbiter, vt modestâ beatitudine gauderet intellectus se ab anima, licet non à numine, emanasse. Hanc varietatem sic statuit natura, sic ostendit *Philosophia*.

*Sensus* quæstionis; An vnus sit habitus pro cunctis principijs, quemadmodum vna est potentia visiva pro omnibus visibilibus; vel, sicut scientiæ distinguuntur pro diversitate conclusionum circa diversam materiam, ita & constituendus sit alius habitus pro principijs *Mathematicis*, pro *Philosophicis*

cis alius, & sic pro diversis diverſi? Cujus difficultatis veritas his concluſionibus patebit.

**Concluſio**

- 1 *Eadem* eſt ratio formalis omnium principiorum *generica* ( ſcilicet *immediatus* aſſenſus ); non verò *ſpecifica*.
- 2 *Habitus principiorum* dividitur ( vt genus in ſpecies ) in *ſpeculativum*, qui appellatur *Intellectus*, & *practicum* qui appellatur *Syntereſis*; quia
  - 1 *Habitus principiorum non habet tantam extensionem à potentia intellectivâ*, vt poſſit ſub eadem ratione vniverſali objectivâ practicum & ſpeculativum comprehendere: cùm non tam latè pateat ac *intellectus*, qui ſe extendit ad omnes veritates.
  - 2 *Habitus principiorum* ( vt reliqui habitus ) ſpecificè diſtinguuntur per *objecta*, ſcilicet veritatem practicam & ſpeculativam; *qua ſpecie differunt*; cùm illa ex natura ſua ordinetur ad *operandum*, hæc verò non. Adeò vt manifeſtum ſit à diverſis habitibus apprehendi hoc principium ſpeculativum, Totum eſt majus ſuâ parte, & practicum hoc, Bonum eſt proſequendum.
  - 3 Pro *cuiuſlibet ſcientiæ principijs diverſi ſunt habitus conſtituendi* Hoc oſtenditur



tur ex natura

1 *Potentia*, quæ habet se *ut materia* per diversas formas determinabilis à diversis agentibus ; cum *habitus* habeat se *ut forma*, & objecta *ut agentia* : forma verò est magis determinata, quàm materia, nec potest nisi ad *unum actum secundum speciem* se extendere ; quia rationem habet unius determinati actus.

2 *Habitus*, qui ponitur in potentia ad superandam difficultatem ; ita *ut*, ubi occurrit nova difficultas, ibi novi habitus sint statuendi : sed circa principia diversarum scientiarum nova occurrit difficultas, *ut* experientia testatur.

3 *Habitus scientiarum* ; qui habitus specificè distinguuntur per *principia* ; ( in horum enim *assensu* consistit ratio formalis assentiendi *conclusionibus* ) ergò & ipsorum principiorum habitus. Assensus verò principiorum hujus & illius scientiæ specie distinguuntur, quia diversam certitudinem & evidentiam sortiuntur ; ergò non possunt sub vno habitu contineri.

Animadvertendum verò, Aristotelem 6. Ethic. cap. 3. *utrumque* habitum, scilicet speculativum & practicum comprehendere sub nomine *Intellectus* ;

vbi loquitur de ijs tantum *in genere*, quatenus scilicet *eodem* modo versantur circa *propria* objecta, nempe per *simplicem* assensum *sine discursu*.



## QVÆST. IV.

*An Experientia requiratur ad cognoscenda prima principia? Aff.*

**E**xperientia scala est naturæ : cuius infimus gradus est sensus, cuius summus est intellectus. Est mundi axis, à centro procurrens ad polos. Sapientem videtur imitari, dum ex minimis quæ percipit, maxima colligit. Vt medijs homo, ita & experientia, inter sensum bruti & Angeli rationem. Radius est solaris, à sole ad oculum protensus : nisi quòd descendat radius, experientia ascendat. Principium ejus est humillima prudentia, finis altissima sapientia : illa singula explorat, hæc summa. Atlas est philosophicus, cuius pes terram premit, sed sublimi ferit sydera vertice, immò cervice, cœlo ipso recondens, seu potius

tiùs concutiens illustre caput. In republica hac sublunari ita se gerit, vt meritò lovi sit à secretis, & vtrique æquè explorata sint rerum primordia. Scientiæ Fecialis est, rerumque genealogias repetere didicit vltra Deucalionem & Arcades. Huic vniversa natura & philosophia non magis nodosa est, quàm arbor Porphyriana. Sine experientia balbutimus, non philosophamur: hæc verò & alias expedit difficultates, & hanc, An experientia requiratur ad cognoscenda prima principia.

Sciendum ergò quòd *Principia* sint vel

- 1 *Communissima*; quæ non indigent experientiâ, (secundum aliquos) nisi in quantum apprehensio terminorum non fit sine sensu.
- 2 *Particularia*; quæ nobis plerumque sunt ignota, & ita dependent ab Experientia; quam alij tamen ad vtraque principia requirunt.

Actus cognoscendi triplex est

- 1 *Simplex apprehensio* terminorum.
- 2 *Complexa apprehensio* coniungens terminos sub forma propositionis.
- 3 *Iudicium*, quod fert intellectus de propositione apprehensa.

Nonnulli

Nonnulli verò putant *experientiam requiri*

- 1 *Tantum ad primum actum ; Alij*
- 2 *Etiam ad secundum, scilicet, apprehensionem compositam, non tamen omnem, sed tantum primam, quæ concurret ad generationem habitus ; quo genito, non amplius necessariam esse putant experientiam, Alij*
- 3 *Tantum ad tertium ; & hi distinguunt habitum in 1. Apprehensivum, & 2. Iudicativum, sed frustra, quia*

- 1 *Non ponitur duplex habitus pro apprehensione & iudicio conclusionis.*
- 2 *Apprehensio non est propter se, sed præcisè propter iudicium, cuius materia est quasi objectum ejus, ita ut unus habitus ab utroque generetur : nec apprehensio producit habitum, nisi adveniente iudicio.*

*Inductio* numeratur ab Aristotele inter argumenta probabilia; cognitio verò principiorum est summè necessaria. Sciendum ergò, quòd *Inductio* iudicanda sit *ex modo procedendi* ; nam

- 1 *Si imperfectè fiat ex materia probabili vel contingenti, est tantum probabilis, & ita ab Aristotele usurpatur, sed*
- 2 *Si sit in certa materia enumeratio tantum quorundam, ex quibus constat sic rem se habere in cæteris, necessaria est ; quæ evidenter probantur à posteriori multa principia scientiarum.*

Con-



Conclusio

1. *Non requiritur experientia ad primos assensus principiorum ex propria illorum conditione, quia*

1 Sunt per se nota lumine naturali.

2 Certitudine & evidentia superant notitiam experimentalem.

Conclusio

2. *Ad primam tamen principiorum notitiam requiritur;*

1 *Universalia, licet non tanta necessitate.*

1 Scilicet ad principia  
1 *Communissima, non simpliciter necessario, utiliter tamen, cum hac comparetur facilitas; & experientia deficiente non sit adeo firmus assensus.*

3 *Particularia; quia multa sunt, quorum veritas aut ignoratur, aut confusè cognoscitur.*

2 *Ad omnes actus, ut patet ex imperfectione intellectus, cuius lumen juvatur ex parte*

1 *Objecti, quo reddatur fortius; Experientia.*

2 *Ipsi potentia, quâ expeditius reddatur; Habitu.*

3 *Tantum ut medium extrinsecum, & solum quoad nos; qui scilicet experientia*

entiâ sensuum indigemus ad veritatem principiorum capiendam. Cum enim dicitur, quod principiorum cognitio sit immediata, intelligitur respectu medij intrinseci & per se, non cuiusque modi.

*Ordo mediorum, quibus principia cognoscuntur;*

- 1 Sensus.
- 2 Memoria.
- 3 Experimentalis inductio.
- 4 Habitus principiorum.

Ulteriùs verò animadvertendum,

- 1 Inter cognitionem terminorum & principiorum *non* intercedere aliquod *medium à priori*.
- 2 Intellectum *non* posse *definitè* componere vel dividere hoc vel illud, *nisi* adjuvetur *experientiâ*.
- 3 *Experientiam*, cum incerta sit & fallax, *non* posse esse *causam cognoscitivam per se*, sed posse esse *instrumentariam*; aut *sine qua non*.
- 4 *Experientiam* esse *necessariam* ad scientiam, quæ comparatur *inventiæ*; & ad aliquas quæ *doctrinâ* comparantur, ut ad medicinam & ad naturalem philosophiam: ad aliquas verò non, ut ad Astrologiam, aut primam philosophiam.
- 5 Ad cognoscenda prima principia *non semper* requiri *experientiam formalem*, quæ ex multis

ris singularibus cognitis constat ; sed *sufficere virtualem*, quæ licet sit vnius singularis perceptio, multis tamen æquivalet perceptionibus.



## QVÆST. V.

*An evidentiā sit de essentiā Scientiā? Aff.*

**N**Ox est ; ergò sol non lucet. Vbi sol lucet, nox non est : vbi Scientia lucet, obscuritas non est. Intellectus est oculus ; scientia visus est ; quod scimus, videmus, quod videmus, evidens est. Scientia Angelorum etiam sine oculis est intuitus. Scire Deum, non est causam ejus cognoscere, quæ nulla est : sed cognoscere, quòd causam non habeat, quod evidens est. Deum scit, qui ipsum intuetur ; immò non qui ipsum, sed qui opera. Ille nimij luminis caligine involvitur ; hæc oculis parent : Ita vt quandoque scire sit sentire. Colores visum excitant ; sed ipsos lumen. Res ipsæ scientiam

præparant, sed illustratio perficit. Cognitio obscuri est obscura, ut ridicula lux ligni putridi in tenebris; videmus eam, nec tamen alia videmus per eam. Scientiam tenebrosam Cupido refert; qui summæ fuisset pulchritudinis, nisi defuissent lumina. Sed cum Rhetorica sit tantum Color veritatis, ipsum verò Lumen sit philosophia; hæc evidentiam Scientiæ sic illustriorem reddet.

*Scientia definitio.* Scientia est cognitio vera & certa rei necessariæ per propriam causam.

1 *Cognitio* genus est; atqui cognitio duplex est;

1 *Actualis*, qui est assensus conclusionis;

2 *Habitualis*, habitus per eam genitus; atque hæc cognitio est, quæ in definitione intelligitur. Estque

2 *Vera*; sic distinguitur Scientia ab *Errore*;

3 *Certa*; sic ab *Opinione*, cui non repugnat subesse falsum;

4 *Rei necessaria*; sic ab *Arte & Prudentia*, quæ versantur circa contingentia;

5 *Per Causam*; sic ab *habitu intellectûs*, qui assentitur sine medio, & à *Scientia à posteriori*, quæ per effectum assentitur.

*Questionis status.* An particula [*Evidens*] addenda sit definitioni? quod affirmandum est. Imprimis verò distinguendi occurrunt isti termini;

1 *Cer-*



## De Habitibus Intellectualibus. 109

1 *Certitudo*, quæ est firma adhæsiō intellectus alicui objecto absque dubitatione vel formidine; est verò duplex

1 *Apparens*, quando intellectus adhæret ex ratione probabili;

2 *Vera*, cum propter firmam rationem, aut infallibilem. Hæc intelligitur.

2 *Necessitas*, in ordine ad propositionem (quæ hîc intelligitur) est determinatio intellectus ad veritatem, ut impossibile sit aliter se habere.

3 *Evidentia* est manifestatio veritatis sub claritate

alicujus luminis; Hanc habent

1 Principia, per se.

2 Scientia, participativè à principijs.

Evidentiæ variæ occurrunt divisiones, quas non negligere operæpretium erit; *Evidentia* enim est

vel { 1 *Visionis*; sic rusticus intuetur eclipsin;

2 *Intelligentia*; sic Astrologus eandem intuetur. Hæc intelligitur.

vel { 1 *Objecti*; hæc strictè principiorum est, quæ scilicet sunt per se nota.

2 *Cognitionis*, quæ est ipsa claritas perceptionis rem penetrantis. Hæc intelligitur.

vel { 1 *Illativa* ex forma syllogistica; sic argumenta sive vera, sive falsa, habent

bent evidentiam.

- 2 *Probativa*, tantum virtute propositionis evidētis & veræ. Hæc intelligenda est.

*Evidentia* ergo est manifestum iudicium alicujus rei, apertam illius cognitionem exprimens.

*Scientia* verò ipsa dupliciter consideratur

- 1 Communiter, ut abstrahit à suis speciebus.
- 2 Secundum suas species, & ita duplex est, Subalternans, & Subalternata.

*Subalternatio* fit ratione

- 1 *Finis* ; sic Militaris subalternatur Politicæ ;
- 2 *Principiorum* ; sic Medicina Philosophiæ ;
- 3 *Subjecti* ; sic Musica Arithmeticæ per numerum sonorum. Hoc ultimum genus verè, propriè & simpliciter scientiam subalternatam constituit.

*Scientia*

- 1 *Subalternans* explicat rem esse & propter quid fit ;
- 2 *Subalternata*, tantum esse ; sic Chirurgus (cujus scientia subest Geometriæ) cognoscit vulnera rotunda tardiùs curari. Sed Geometres, qui Chirurgum sibi subalternat, tradit hujus rei cognitionem ; quia scilicet hujus vulneris latera longiùs inter se distant, atque ita difficiliùs vniri possunt.

*Opinio* 1<sup>a</sup>. asserit Evidentiā non esse de ratione scientiæ in communi, aut scientiæ subalternatæ.

*Opinio* verò 2<sup>a</sup>. traditur per duplicem acceptiōnem,

1 *Scientia*;

1 *Scientia*; quæ scilicet consideratur vel

1 Quatenus per *lumen naturale intellectus* haberi potest; & sic evidentiæ est de essentia omnis scientiæ secundum Aristotelem. Cum enim principia sint evidentiæ, necesse est ut cognitio, quæ per illa habetur, sit evidens; Aristoteles vero hoc non expressit, quia necessario includitur in definitionis reliquis particulis.

2 Sub universaliiori acceptione, ut dicit assensum conclusionis habitum per demonstrationem ex præmissis, sive per lumen naturale, sive quocunque modo cognitis. In hac acceptione evidentiæ non est de essentia omnis scientiæ, ut videre est in *Theologia*, quæ est scientia, nec tamen evidens;

1 *Scientia* est, quia

1 Non est aliquis alius ex habitibus intellectus.

2 Demonstrat per principia infallibilia, ut potè quæ immediatè innuntantur testimonio divino.

2 Evidens non est, quia progreditur à principiis fidei; quæ, cum obscura sint & inevidentiæ, non possunt producere cognitionem manifestam.

2 *Scientiæ subalternata*; quæ consideratur

1 Sine subalternante; ut in eo, qui Musicam didicit ignarus Arithmeticæ; & sic subalternata non habet evidentiæ, nec est scientia: si principia ejus dependeant tantum à testimonio humano.

mano, cui potest subesse falsum; immò sic nec propriè est subalternata, nisi solum materialiter & in potentia, quatenus cum subalternante conjungi potest. Si verò principia subalternatæ nota sint ei qui eam habet, per experientiam; subalternata erit scientia (licet imperfecta) & evidens.

2 Cum subalternante; Et sic ratione continuationis habet evidentiam; subalternans enim reducit ad prima principia, quatenus sibi continuatur subalternata. Si verò subalternata etiam cum subalternante existens præcisè tamen consideretur sine consideratione unionis cum subalternante, neque scientia erit, neque evidens.



## QVÆST. VI.

*An formido sit de natura Opinionis? Aff.*

**Q**Uod Orbis sine Sole, id sine scientiâ animus. Qui nocte incedit, non tam pedibus, quàm manibus ambulat, nec tam ambulat, quàm titubat; veretur enim magis, quàm progreditur. Ignorantia nox est: opinio nox est, sed illustrata scintillanti lumine; quod viatorem non ducit, sed torquet.



quet. Opinio est cognitionis reatus, quem sequitur timor. Umbra non solis est, sed terræ: nec metus oritur à scientia, sed ab opinione; ut enim fortis non est timere, ita nec artificis. Scientia est intellectûs modesta fortitudo; Si verò opinio audacior evadat, non minùs timorem excutit, quàm veritatem. Est etiam quasi intellectûs phantasia, quæ agili fœcunditate & errore triumphat. Errant tamen multi, nec metuunt; atqui magis errant, quòd non metuant. Opinio est via lactea divisa & obscura; & vix adhuc constat an sydus sit, an meteoron. Ad Opinionis ergò naturam investigandam aliâ incedendum est viâ, nempe philosophicâ.

*Opinionis definitio.* Opinio est cognitio, quâ assentimur alicui propositioni non necessariæ per medium probabile, aut sine illo; Ergò

Non est 1 *Facultas imaginandi*, quia

1 *Hæc etiam in brutis est; opinio verò procedit secundum discursum rationis.*

2 *Sæpè opinamur contraria his quæ imaginamur; ut, imaginamur solem esse unius tantum, vel duorum cubitorum: sed opinamur esse majorem terrâ.*

Q

3 *Opinio*

- 3 *Opinio* est semper cum aliquo consensu.
- 2 *Scientia*, quia  
Scientia est rei necessariæ.
- 3 *Intellectus*, quia  
Opinio vel est per medium, vel rei non necessariæ.
- 4 *Fides humana*, quia  
1 Fides humana non habetur per medium probabile, nec sine illo : sed per testimonium fide dignum.  
2 Assensus intellectuales specie distinguuntur secundum formales rationes assentiendi: sed assensus vel sine medio, vel per medium probabile est diversissimum à testimonio.
- 3 Humana fides sæpè minùs certa est quàm opinio, quia  
Quodlibet testimonium non semper tantæ est authoritatis, quantæ est valdè probabilis ratio.
- 5 *Dubitatio*, quia  
Per hanc intellectus hæret inter utramque partem : sed per opinionem ad alteram determinatur.
- 6 *Habitus*, quia  
1 Aristoteles negat.  
2 Opinio ex sua natura est facilè mobilis, cum innitatur principiis tantùm probabilibus, quæ infirma sunt, ita ut adveniente

niente fortiori ratione, in aliam partem  
flecti possit. Cum verò est *difficiliter* mo-  
bilis, *accidit* non ex parte ipsius opinio-  
nis, sed ex vitio & *contumaciâ* volunta-  
tis, quæ oritur ex falsa apprehensione  
mediorum.

Sed est 7 *Dispositio*, sive affectio disponens intelle-  
ctum ad actionem intelligendi, per medi-  
um probabile, vel sine illo. Sic opinio, ut  
*difficile mobile* sumitur ex parte subjecti,  
aut ex frequentatione actuum, habet *acci-*  
*dentaliter statum* habitus, scilicet *radicatio-*  
*nem* in subjecto : si verò consideretur *diffi-*  
*cile mobile* ut sumitur ex natura causæ *in-*  
*trinsæ*, per quam producit & specifica-  
tur, ita opinio est *essentialiter dispositio*, &  
*difficile mobile*, sic ei non convenit, licet eo-  
dem tempore *accidentaliter* ei conveniat.

Animadvertendum verò

- 1 *Scientiam* provenire ex evidentia principio-  
rum ;
- 2 *Fidem* ex voluntate, per *testimonium humanum*,  
intellectum ad assensum rei *determinante*.
- 3 *Opinionem* ex ratione probabili *inflectere* intel-  
lectum, sed *cum hesitatione*.
- 4 *Dubitationem* *neutri* parti adhærere.

Opinio verò est vel

- 1 *Mediata*, per *medium* probabile; respondetque  
*Scientiæ*.
- 2 *Immediata*, seu *sine medio* ; ut, Omnis mater  
diliget

diligit filium suum; est sine medio, & non necessaria; respondetque *intellectui*. Est *necessario probabilis*, non *necessario vera*.

Est item *Opinio alia*

- 1 Perfecta, cognitio obscura, sed perfecta, cui tamen potest subesse falsum; Et hæc *eadem est cum fide humanâ, & sine formidine*.
- 2 Imperfecta obscura & *cum formidine*, vt opinio *vulgi*.

*Opinio* oritur vel ex parte

- 1 *Objecti*, cum scilicet est res probabilis.
- 2 *Modi assentiendi*, cum licet res sit necessaria, *medium* tamen est tantum *probabile*.

*Formido est*, assensus debilis & infirmus, seu potius *assensus debilitas*; Estque vel

- 1 *Radicalis*, quæ in eo solum consistit, quod assensui opinionis non repugnet subesse falsum. Hæc est *de essentia omnis opinionis*; & est *origo actualis*.
- 2 *Actualis*, quæ consistit in actuali dubitatione. Hæc tantum *accidentalis est respectu opinionis*. Sunt enim plures opiniones in *Dialectica*, *Philosophia* & alijs scientijs, quibus assentimur sine omni dubitatione actuali, quibus tamen intrinseca est formido radicalis, cum inquantur medijs tantum probabilibus.

*Formido radicalis est de essentia fidei etiam humana*; quia licet huius assensus multiplicatis testimonijs possit esse certus moraliter & per accidens: tamen per se secundum propriam conditionem humanæ authoritatis



thoritatis est *incertus*, & ei subesse potest falsum; Sic propositio hæc, Roma est, est *necessaria* per *testimonium humanum*, id est, *moraliter*; non naturaliter & per se.



## QVÆST. VII.

*An distinctio scientiarum desumenda sit ab objecto formali? Aff.*

**N**ihil in natura tam integrum est, tam unum, quod non divisum sit. Elementa minimè concreta jam tandem Chymicorum artificiosâ vi ferè elementa sua confitentur. Cælum ipsum divisum est, immò numen: in quo distinctionem invenit non ingenium, sed religio. Quid mirum igitur, si cælum animæ sit tripartitum? & scientiarum numen sit polyarchicum? Cùm ferax imperium hîc non ruina sit, sed triumphus! Amicâ ambitione sese amplectuntur scientiæ: nec tam ipsæ gestiunt res suas sibi habere singulas, quàm res ipsæ; quæ instructissimâ indole sci-

entijs suis se vltro subjiunt; quasi intelligeret, cui serviat, natura! Cœlum ipsum, quod multi petunt stultitiâ, serenâ modestiâ se sponte submittit Astronomo, se soli submittit Astronomo: quem ardentius ambit, quàm Luna olim Endymionem. Effrœnis Oceanus non alium agnoscit Dominum, quàm Navarchum. Promethei audaciam non vltra veretur aut moratur Ignis, sed ingenio liberrimo ipse se Vulcano tradit. Sic Aurifabro Aurum sese offert, quasi illius manum plasticam & intelligeret & agnosceret. Sic ipsa objecta vendicant & distinguunt scientias; quod ipsa scientia distinctiùs ostendit.

1 Distinctio (respectu scientiarum *inter se*) est duplex.

1 Materialis, numerica, quæ desumitur à subiecto; sic dialectica Petri est diversa numero ab illa quam Iohannes acquisivit, & illius albedo ab huius albedine.

2 Formalis, quæ est vel

1 Generica, seu secundum quid.

2 Specifica, seu simpliciter formalis; sic distinguuntur formaliter, quæ specie distinguuntur. Hæc præcipuè intelligitur; generica minùs,

minus; numerica nequaquam.

2 Distinctio scientiæ (*in se*) est vel

1 Extrinseca, quæ petitur ab objecto, quod est extra rem, seu scientias.

2 Intrinseca, quæ petitur ab ordine vel habitudine ad objecta: qui ordo est intrinsecus ipsis habitibus.

3 In objecto potentiæ vel habitûs sunt

1 Materia, ut in potentia visiva lignum vel paries cui inest albedo; & appellatur Objectum *purè materiale*. De hoc non quæritur.

2 Forma, seu ratio formalis, vel

1 Quæ percipitur à potentia, ut *Albedo* ipsa.

2 Sub qua percipitur & constituitur in esse subiecti, ut *Visibilitas*. Ex his confurgit objectum in ratione objecti, scilicet *albedo quatenus visibilis*. Ab hac objecti ratione formali sub qua sumenda est unitas & distinctio scientiarum.

4 Objectum contemplationis respectu

1 Potentiæ intellectivæ debet } *abstractum à*  
esse *Immateriale* } materia &

2 Habitûs scientiæ, *Necessarium* } mutatione.

5 Materia abstrahibilis est vel

1 Sensibilis considerata in

1 *Singulari*, ut hæc caro, hæc ossa, sensibilibus & singularibus accidentibus subiecta. Ab hac abstrahit *Naturalis Philosophia*.

2 *Communi*, similiter qualitatibus sensibilibus vestita. Ab hac abstrahunt scientiæ *Mathematica*.  
2 Intel-

2 Intelligibilis ; accidens materiale, non tamen consideratum ut accidentibus sensibilibus conjunctum ; ut linea nec singularis nec sensibilis, verè intelligibilis. Ab hac abstrahit  
*Metaphysica.*

6 Omne objectum cognoscitur sub aliquo lumine ; quod triplex est,

- 1 Physicum, seu exteriorum sensuum.
- 2 Mathematicum, interiorum sensuum, seu potentiae imaginativæ.
- 3 Metaphysicum, intellectus.

7 In Philosophia naturali considerantur,

- 1 Res naturales omnes.
- 2 Mobilitas.
- 3 Abstractio à materia singulari.

His præmissis ;

*Opinio*

- 1<sup>a</sup> desumit distinctionem à forma Quæ.
- 2<sup>a</sup> Supra hanc addit & *Abstractionem* ; & has duas sufficere ait.
- 3<sup>a</sup> Ultra has duas requirit etiam *diversum lumen* ; & hæc tria ait sufficere.

*Refutatur* verò opinio

1<sup>a</sup>, quia

- 1 Habitus distinguuntur ut potentiae ; hæc verò non à ratione formali Quæ ; ut nec potentia visiva à colore : tum enim diversæ essent potentiae visivæ pro diversitate colorum.
- 2 Circa eandem rationem formalem

*Quæ*



*Qua*, possunt versari diversæ scientiæ ;  
vt circa rotunditatem terræ versatur *naturalis scientia*, illam per principia motûs  
ostendens ; atque etiam *Astronomia*  
eandem probans, quia per interpositio-  
nem ejus eclipsatur luna.

2<sup>a</sup>, quia

1 Res non est formaliter scibilis per abstra-  
ctionem, ( licèt sit necessaria conditio )  
sed per principia.

2 Reperiuntur scientiæ diversæ sub eodem  
gradu abstractionis, vt Geometria & A-  
rithmetica sub gradu abstractionis à  
materia sensibili ; Et licèt reperiatur sub  
eodem gradu abstractionis aliqua diver-  
sitas, illa est tantùm accidentalis, non  
essentialis.

3<sup>a</sup>, quia

1 Illud quod cognoscitur lumine externi  
sensus est singulare, atque ita non est ob-  
jectum scientiæ : ergò ab externo sensu  
neque genus scientiæ neque species  
proximè desumi possunt.

2 Musica, Perspectiva & philosophia Na-  
turalis sub eadem specie collocarentur,  
quia remotè innituntur eidem lumini  
sensuum ; quod absurdum esset.

4<sup>a</sup> Opinio *rectius* sumit diversitatem ex  
*principijs*, quia

1 Ex his habet rationem formalem sci-  
bilis,

R

bilis, per demonstrationem.

2 *Habitus distinguuntur per actus, actus per principia; actus verò scientiarum sunt conclusiones demonstrationum, quæ diversitatem suam capiunt ex principijs tanquam ex medio formali assentiendi.*

3 *Ex his oriuntur certitudo & evidentia scientiæ, quæ sunt illi intrinseca.*

Principia verò sunt vel


- 1 *Incomplexa; hæc non intelliguntur: hoc enim esset sumere distinctionem à ratione formali Quæ.*
- 2 *Complexa*
  - 1 *Non communia* omnibus scientijs; sed
  - 2 *Particularia* vniuscujusque scientiæ.

*Sic vna scientia distinguitur ab alia per objectum formale; at per rationem formalem Sub Quæ: quia, per medium assentiendi conclusionibus, id est, per principia in demonstratione disposita.*

*Sciendum tamen, quòd apud nonnullos ratio Quæ pro materiali sumatur, sola verò ratio Sub Quæ pro formali; licet ab alijs aliter accipiantur, vt supra ostensum est.*

QVÆST. VIII.

*An Sapientia distinguatur ab Intellectu & Scientia? Aff.*

 T hominum, ita & literarum optimum regimen est Monarchicum: nec magis populo imperat Majestas, quàm cæteris disciplinis Sapientia. Magnum est scire: at mirum sapere. Numerosa fuit Dearum caterva; sed vnica Pallas orta est ex Iovis capite: cujus foetu, ventriculorum cerebri metaphora fit historia. Ut ergò Sapientia ex capite orta: ita, non otioso emblemate, reliquarum scientiarum caput est; quod quisquis negat, corporis & capitis quæ sint discrimina nescit, scientijsque caput negat & sibi: aut saltem scientias homunculis illis apud Indos poëticos non dissimiles reddit, quorum capita inter humeros in pectora ridiculè detrusa pro mammillis confusos & fallaces ostendunt oculos.

los. Sed caput suum exerit dominatrix Sapientia, suaque insignia portantem sic præmittit Fecialem Philosophiam.

Sapientia fumitur pro

- 1 Congerie scientiarum.
- 2 Excellentia cuiuscunque scientiæ.
- 3 Excellentissimâ scientiarum.

*Sapientia definitio.* Sapientia est habitus iudicandi de rebus per altissimas causas. Aristot Eth. 6. c. 7.

*Sapientiæ Causa*

- 1 Materialis { 1 In qua, est Subjectum, Intellectus.
- 2 Circa quam, objectum.
- 2 Formalis, ipsius Sapientiæ ratio formalis, seu essentia.
- 3 Efficiens, Actus quibus acquiritur.
- 4 Finalis, virtutis contemplatio propter seipsam; quia

1 Tractat de altissimis rerum principijs.

2 Non tendit ad operationem : nam ( vt ait Aristoteles )

1 Homines propter admirationem & causarum ignorance, hanc scientiam invenire cœperunt.

2 Cùm eis omnia ad hanc vitam necessaria suppeterent, hanc scientiam investigarunt.

3 Hæc non agit de operabilibus, sed de entibus maximè abstractis.



Proprietates Sapientiae sunt

1 Versari circa omnia ;

Sic Metaphysica ( quæ est Sapientia ) agit de omnibus rebus

1 Confuse & in communi, vt de

1 Rationibus Entis communibus omnibus Entibus.

2 Primis principijs.

2 In particulari de omnibus rebus secundum proprias differentias

1 Simpliciter, in rebus quæ abstrahunt à materia, secundum esse.

2 Aliquatenus, in rebus quæ abstrahunt à materia sensibili & intelligibili, seu quantitate.

3 Non in se, sed in causis suis ; quia de vniuersalissimis agit.

2 Versari circa difficillima, & à sensibus remotissima, sed iuxta ingenij capacitatem ; versatur enim circa vniuersalia, quæ difficillima cognitu cognitione distincta, non confusa.

3 Habere cognitionem certam, quæ oritur ex evidentia ; & licet difficillima, circa quæ versatur, magis incerta & obscura videantur : sciendum tamen, quòd duæ sint partes sapientiae (vt potè Metaphysicæ) quarum

1 Vna de Ente, vt ens est, ejusque principijs & proprietatibus agit ; Et quoad hanc partem Metaphysica est simpliciter certissima.

R 3

2 Alia

2 Alia de peculiaribus aliquot rationibus Entium agit; Et circa hanc etiam Metaphysica est certissima,

1 Quoad se, scilicet ex parte objecti; quia est immaterialis.

2 Licet non quoad nos ex parte nostri intellectus, quia agit de remotis à sensu, unde oritur nostra cognitio.

4 Habere aptitudinem maximam ad docendum, causasque rerum tradendas; quia docet per causas independentes; licetque *Dialectica* aptior sit, quoad methodum docendi, quam tradit; non tamen quoad modum; quia hæc, utpotè Metaphysica, tradit per causas supremas, à quibus ipsa *Dialectica* dependet.

Sic Metaphysica demonstrat per omnes causas; scilicet

1 *Finalem*, quia est nobilissima & prima.

2 *Efficientem*, quia de Ente primo agit & Intelligentiis; Et licet *efficiens* versetur circa *existentiam*, à qua abstrahit scientia, atque ita *actualis dependentia* à causa efficiente per se non cadat sub scientia; *habitus* tamen *intrinsecus* ad causam efficientem *consideratur*; nam ideò creatura probatur esse ens finitum, quia habet *essentialem dependentiam* ab efficiente.

3 *Exemplarem*; quia est optimum medium demonstrandi: Et Metaphysica ex se abstrahit à materia, & in rebus intellectualibus proprius reperitur.

4 Ma-

4 *Materialem*; quia

- 1 Materia in tota sua latitudine latiùs patet, quàm materia sensibilis.
- 2 Substantia spiritualis est causa materialis suorum accidentium.
- 3 Essentia ( secundum aliquos ) est naturalis causa existentiae, & natura personalitatis.
- 4 Causalitas potentiae passivae est materialis, & pertinet ad Metaphysicam.
- 5 Distinguit actum à potentia, & formam completam ab incompleta, & utramque à materia.

5 Dignitatem habere, ut 1. propter se, 2. sciendi causam appetatur; quia

- 1 Sapientia ( utpotè Metaphysica ) est maximè speculativa.
- 1<sup>o</sup> } 2 Naturalis foelicitas, quae maximè experitur propter se, posita est in aliquo actu hujus scientiae.
- 1 } 1 Agit de principiis aliarum scientiarum.
- 2 } 2 Considerat rationem Entis absolutè.
- 2<sup>o</sup> } 3 Habet se ut causa superior influens suo modo in aliud; Atque ita est maximè propter se, & alijs utilis.

6 *Praeesse alijs*; quia

- 1 Considerat primas causas rerum, praecipue finalem & ultimam.
- 2 Licet practica videatur princeps, Sapientia tamen ratio essentialis est contemplatio veritatis; usus verò ejus est illi tantum accidentalis. Sic Sapi-

Sapientiæ imperium est Speculativum directivè & eminenter ; non practicum, propriè & formaliter.

Est verò Sapientia *unus* habitus *simplex*, vt ex munere illius distincto patet ; quia

- 1 *Intellectus* percipit, *vera esse principia* ;
- 2 *Scientia*, *veras esse conclusiones* ;
- 3 *Sapientia*, *veras esse conclusiones propter principia* ; vt 1<sup>o</sup> Terram interponi inter solem & lunam ; 2<sup>o</sup> Lunam pati eclipsin ; 3<sup>o</sup> Lunam pati eclipsin propter interpositionem.

Non est ergo Sapientia *habitus* quidam *aggregatus* ex intellectu & scientia ; quia tunc procederet, vt *intellectus*, *sine medio* ; & vt *scientia*, *per medium* ; quod absurdum est.

Nonnulli dicunt sapientiam esse eundem habitum cum ijs, non formaliter, sed materialiter ; Si dixissent, esse eundem *eminenter*, propiùs à veritate abfuissent.

Versatur verò *sapientia* circa

- 1 *Conclusiones remotè & mediatè*, &, vt ita dicamus, materialiter, *dum* versatur *circa principia*.

2 *Principia*

- 1 *Aliena* ; quæ respectu sapientiæ sunt conclusiones ; Ipsaque principia Mathematica dependent à Metaphysica.
- 2 *Sua* ; sic *hoc suum principium*, [ Impossibile est idem de eodem & affirmare & negare ] probat *per reflexionem intellectus*, & *reductionem*



*etionem ad fontem*, unde dimanat, scilicet ipsum *divinum lumen*. Sic rectè colligimus ipsa prima principia esse vera, quia ostenduntur ipso *lumine naturali*, quod in huiusmodi modo assentiendi non potest decipi. Vnde Aristoteles (in principio scientiæ de anima) illam *scientiam* iudicavit esse *certissimam*, quæ ipsum *lumen intellectuale* contemplatur.

Inter *Intellectum* tamen & *Sapientiam* nonnullæ eminent differentiæ; quarum

- 1<sup>a</sup> } *Intellectus* assentitur principiis *lumine naturali* per simplicem terminorum apprehensionem *sine discursu*;
- 2<sup>a</sup> } *Sapientia* *discursu* utitur.
- 1<sup>a</sup> } *Intellectus* non addit propriè aliquam evidentiam aut certitudinem assensui principiorum, qui ex sola natura haberi potest; sed *facilitatem* in exercenda illa evidentia;
- 2<sup>a</sup> } *Sapientia* verò addit *evidentiam & certitudinem*, per *novum medium* assentiendi.
- 1<sup>a</sup> } *Intellectus* principiorum non attingit Deum & Intelligentias secundum proprias rationes, sed communes tantum entis & substantiæ.
- 2<sup>a</sup> } *Sapientia* tamen inchoativè & viâ generationis *dependet* ab *intellectu*, & principia aliqua, scilicet complexa, *sapientiæ*, etiam sine *sapientia* intelligimus, sed *melius per illam*.

S

Nam

*Nam* licèt multa sint principia nota per se de Deo & Angelis secundum se, tamen respectu nostri nihil est per se notum immediate per habitum principiorum, sed solum per sapientiam. Atque hinc est, quòd Aristoteles 6. Eth. cap. 12. dicat, beatitudinem naturalem hominis non in aliquo actu intellectus principiorum consistere, sed in actu & contemplatione sapientiæ;

Sic licèt *Sapientia* dependeat ab intellectu viâ generationis, viâ tamen perfectionis est illo nobilior; quia

- 1 Habet quicquid est in habitu principiorum; iudicium ferendo de principiis.
- 2 Circa alia etiam versatur, quæ ex principiis inferuntur; &
- 3 Nobiliori modo, scilicet, reflexivè.

*Sapientia* verò & *Scientia* quantum distant! versatur utraque circa conclusiones, at illa remotè & quasi materialiter. Procedit utraque per discursum, at illa tantum per nobilissimum, & quasi demonstrationis imperium. Reliquæ illarum differentiæ ex superius dictis facilè & abundè pateant; licèt *Sapientia* quandoque (ita quasi exigente communi modo loquendi) *Scientia* appelletur.

QVÆST.



## QVÆST. IX.

*An Prudentia sit habitus intellectualis? Aff.*

**N**Ec præfatione opus est, nec auspicio; cum pro utrisque numen adsit, Prudentia. Cujus æquivoca divinitas ambiguum videtur animam imitari: quæ agili immortalitate nunc corpora, nunc Angelos comitatur; ut inter Voluntatem & Intellectum Prudentia videtur interludere. Prudentia tamen prudens est, non versuta; & ut anima adest corpori, non ut sit corpus, sed ut dirigat: haud secus ferè voluntati prudentia non inest, sed præest. Principis est præcipere; quod non tam Velle est, quàm Intelligere: nec magis Lex, quàm Voluntas, rationem subsequitur. Sed cum prudentia ut cæteris actionibus, ita & Encomijs suis, modum præscribat, modestiùs & illustriùs laudes ejus, dum naturam, exprimemus.

Nam licet multa sint principia nota per se de Deo & Angelis secundum se, tamen respectu nostri nihil est per se notum immediate per habitum principiorum, sed solum per sapientiam. Atque hinc est, quod Aristoteles 6. Eth. cap. 12. dicat, beatitudinem naturalem hominis non in aliquo actu intellectus principiorum consistere, sed in actu & contemplatione sapientiae;

Sic licet *Sapientia* dependeat ab intellectu viâ generationis, viâ tamen perfectionis est illo nobilior; quia

- 1 Habet quicquid est in habitu principiorum; iudicium ferendo de principijs.
- 2 Circa alia etiam versatur, quæ ex principijs inferuntur; &
- 3 Nobiliori modo, scilicet, reflexivè.

*Sapientia* verò & *Scientia* quantum distant! versatur utraque circa conclusiones, at illa remotè & quasi materialiter. Procedit utraque per discursum, at illa tantum per nobilissimum, & quasi demonstrationis imperium. Reliquæ illarum differentiae ex superius dictis facilè & abundè pateant; licet *Sapientia* quandoque (ita quasi exigente communi modo loquendi) *Scientia* appelletur.

QVÆST.





## QVÆST. IX.

*An Prudentia sit habitus intellectualis? Aff.*

**N**Ec præfatione opus est, nec auspicio; cum pro utrisque numen adsit, Prudentia. Cujus æquivoca divinitas ambiguum videtur animam imitari: quæ agili immortalitate nunc corpora, nunc Angelos comitatur; ut inter Voluntatem & Intellectum Prudentia videtur interludere. Prudentia tamen prudens est, non versuta; & ut anima adest corpori, non ut sit corpus, sed ut dirigat: haud secus ferè voluntati prudentia non inest, sed præest. Principis est præcipere; quod non tam Velle est, quàm Intelligere: nec magis Lex, quàm Voluntas, rationem subsequitur. Sed cum prudentia ut cæteris actionibus, ita & Encomijs suis, modum præscribat, modestiùs & illustriùs laudes ejus, dum naturam, exprimemus.

## Prudentia sumitur pro

- 1 Divinâ sapientiâ ; & sic Deo tribuitur.
- 2 Instinctu naturæ ; sic convenit bestiis , & sic serpentes dicuntur prudentes.
- 3 Bonâ indole puerorum. Polit. 1. cap. 2.
- 4 Calliditate & versutiâ ; sic astuti appellantur prudentes.
- 5 Quacunque cognitione veri speculativâ & practicâ.
- 6 Practicâ tantum.
- 7 Omni perfectione intellectûs practici, scilicet pro omnibus inferioribus habitibus, qui consequuntur prudentiam.
- 8 Aliquibus motibus appetitivæ partis, qui sint vel causæ vel effectus imperij, ( quod est proprius actus ejus ) ut pro amore & electione.
- 9 Habitu intellectûs verâ cum ratione activo, circa ea quæ bona vel mala homini sunt.

## Assertio

- 1<sup>a</sup>. Prudentia est *habitus* sive virtus ; quia determinat intellectum practicum ad optimum opus circa agibilia.
- 2<sup>a</sup>. Est habitus *Verus* ; nam licet versetur circa singularia, quæ aliter se habere possint, atque ita circa quæ possit errari ; tamen ille error non accidit ratione prudentiæ, sed objecti contingentis. Et licet versetur circa contingentia, sunt tamen contingentia humana, quæ potest regere.

3<sup>a</sup>. Di-

3<sup>a</sup>. *Diversa ratione est virtus tum intellectualis, tum moralis;*

Aliqui sic; Moral<sup>is</sup> est {  
 1 Vt distinguitur contra intellectualem. Ineptè, licet verè.  
 2 Secundum connexionem cum moralibus. Nec sic sufficienter; quia non attingunt causam; quæ est vis ejus activa circa objecta omnium virtutum.  
 3 Directivè, quia dirigit omnes virtutes, quæ nihil agunt sine hujus decreto.

Alij sic; est {  
 1 Intellectualis ratione subjecti.  
 2 Moral<sup>is</sup> ratione Objecti, Agibilis, malè;

Objectum enim ejus duplex est, {  
 1 Materiale, quod est morale, agibile bonum.  
 2 Formale, quod est intellectuale, agibile quatenus verum per conformitatem cum appetitu recto.

Meliùs ergo sic;

Prudentia est virtus {  
 1 Intellectualis respectu {  
 1 Subjecti, Intellectualis.  
 2 Objecti formalis, Agibilis veri.  
 2 moralis, respectu Objecti materialis, Agibilis boni.

Verfatur tamen prudentia etiam circa bonum formaliter,

- 1 Non secundum se, ut est in intellectu ;
- 2 Sed ut movetur in suo exercitio ab appetitu per inclinationes virtutum moralium.

*Objectum* prudentiæ est *Agibile*, ideò inconstans & singulare ; quia, ut Aristoteles ait,

- 1 *Scientia* versatur circa *universalia*, quorum notitia comparatur per *demonstrationem*.
- 2 *Prudentia* circa *singularia*, quorum notitia comparatur per *experientiam*.
- 1 *Intelligentia* versatur circa *suprema* in ordine naturæ, seu *principia* prima.
- 2 *Prudentia* circa *infima* in ordine naturæ, quæ solo *sensu* fundamentaliter sunt cognoscenda.

Licet verò objectum prudentiæ sit singulare atque ita contingens, & contingentium non sit determinata veritas, habitus tamen prudentiæ verus est. Sciendum ergò, quòd *Veritas prudentiæ*

- 1 *Non est Speculativa*, quæ spectatur secundum conformitatem cognoscentis ad rem cognitam. Hæc enim nunquam est absoluta, nisi quando objectum est necessarium, à cuius conditione dependet ;
- 2 *Sed Practica*, quæ potest esse absoluta ( licet tendat in objectum contingens ) si recto appetitui adæquetur ; quicquid sit de conformitate ad objectum secundum se, & ex natura sua spectatum.



*Partes verò Prudentia sunt vel*

- 1 *Integrales*; non quòd ad ipsius prudentiæ quasi compositionem, sed ad actuum illius perfectionem requirantur.
- 2 *Subjectiva*, quæ sub prudentia tanquam species continentur.
- 3 *Potentiales*, quæ totam prudentiæ virtutem quasi absorbent.

*Integrales partes prudentia, quatenus*

1 Est habitus *cognoscitivus*, sunt

1 *Memoria*, seu *Præteritorum* —

2 *Intelligentia* ( non principiorum habitus ) per conversionem intellectus ad sensibilia phantasmata, *præsentium* —

3 *Docilitas*, per alterius doctrinam —

4 *Solertia*, per propriam inventionem —

5 *Ratio*, unius ex alio per *illationem* —

} cognitio.

2 Applicat cognitionem *ad opus*, sunt

1 *Providentia*, ordinatio idoneorum *mediorum* ad finem.

2 *Circumspectio*, accurata consideratio *circumstantiarum*.

3 *Cautio*, provisio *adversus impedimenta*.

*Subjectiva partes prudentiæ sunt prudentia*

1 *Publica*, quæ vel

1 *Regia*, sub qua *Legislativa*.

2 *Politica*

- } 2 Politica propria Subditorum.  
 } 3 Oeconomica.  
 } 4 Militaris.  
 2 Privata.

Circa agibilia tres actus rationis inveniuntur, *Inquirere, judicare, precipere*, ad quos perficiendos virtutes tot sunt adjunctæ prudentiæ, quæ

*Potentiales* partes prudentiæ appellantur, scilicet

- 1 *Eubulia*, seu consiliativa, quæ apta media ad agendum invenit.
- 2 *Synesis*, seu judicativa, quæ nempe de ijs judicat secundum leges communes.
- 3 *Gnome*, seu sententia, quæ scilicet de difficili-  
oribus & lege aliquâ non determinatis, secundum altiora rationis principia, non ex legis  
severitate, sed ex æquitate judicium fert; at-  
que ita est nobilior virtus, & perspicacitas ju-  
dicii.

*Actus* verò *præcipuus* prudentiæ est *Præcipere*; nec obstat, quòd *Prudentia* sit in *Ratione*, *Præcipere* verò pertinere videatur *ad voluntatem*: dicendum enim est, quòd *movere simpliciter* pertineat *ad voluntatem*; *Præcipere* verò importet *motionem cum quadam ordinatione*, & ideò est actus rationis; & principalis actus, cum consilium & judicium pertineant ad rationem speculativam, hic verò extendat se ad practicam; quia applicat consiliata & judicata ad operandum.

Prudentia

Prudentia est vel {  
 1 Infusa, de qua hîc non agitur.  
 2 Acquisita {  
 1 Perfecta {  
 ex parte {  
 1 Triplicis actus.  
 2 Boni finis totius vitæ.  
 2 Imperfecta, quæ deficit in imperio.  
 1 Vera {  
 2 Falsa.

Prudentia {  
 1 Infusa } est solum in bonis;  
 2 Vera }  
 3 Falsa sola & solum in malis.



## QVÆST. X.

*An Prudentia pertineat tantum ad rationem practicam? Aff.*

**H**omo est concretus Angelus, dum  
 ut Angelus contemplatur, dum ut  
 homo agit, per sapientiam scilicet  
 & prudentiam. Inter quas non dicam tan-  
 tum interesse, quantum inter Diogenem  
 & Macchiavellum: dicam, quantum ferè  
 inter Senecam & Tacitum; verè dicam,  
 quantum inter primævum Monachum &  
 T Politicum.

Politicum. Prudentia civilis est, immò divina : cùm illustria opera & exigat & præstet. Prudentia est anima politica, quæ tota est in toto corpore reipublicæ : vt, in qua parte non agit, pars illa non sit, sed cadaver. Prudentia solem refert, praxis lucem ; & , tanquam luce, praxi ducimur, luceque Philosophiæ sic ad praxin ducimur.

De *praxi* verò inter Philosophos lites acerrimæ ortæ sunt : dùm *alij* illam in *sola voluntate*, *alij etiam* in *intellectu* illam ponant.

Cùm verò dicimus Prudentiam pertinere tantum ad rationem practicam, *negamus* eam pertinere 1<sup>o</sup> ad *rationem speculativam*, 2<sup>o</sup> ad *voluntatem*.

*Praxis* à nonnullis sumitur pro

1 *Omni actu secundo ; malè.*

2 Actionibus voluntatis circa media & finem ; *malè.*

3 Actionibus voluntatis circa media tantum, seu pro electione ; *nec satis verè.*

Et *hi* definiunt *Praxin* esse actionem *alterius potentie ab intellectu*, & posteriorem intellectione, quæ vt recta censeatur debet esse consona rectæ rationi intellectus.

Actus verò voluntatis est vel

1 Elicitus, cuius immediatum principium est voluntas ; & hic actus est semper internus, & *intrinsecè* praxis.

2 Impe-



- 2 Imperatus ab alia potentia, quàm à voluntate, non tamen sine imperio voluntatis; & hic actus nonnunquam potest esse externus & sensui obuius, estque *denominativè* Praxis.

Alij dicunt *Praxin* esse actionem *intellectus*, atque ita reperiri

- 1 Per se, in *intellectu practico*, ut est directivus operationum.  
2 Per participationem in rebus ipsis, vel opere exteriori.

Similiter dicunt perfectionem

- 1 Speculativam esse propter se.  
2 Practicam esse propter alium; & sic praxis conveniet intellectui per subordinationem ad operationem, tanquam ad finem; non tamen primò invenitur in actu exteriori. Nam scientia habet suum esse per ordinem ad scibile; & tamen ratio scientiæ non primò convenit ipsi scibili; & aliud est dici tale *ad terminum*, aliud formaliter *in termino*;

Sic *Praxis* ab ijs dicitur operatio ex subordinatione, quam intellectus practicus habet ad operationem, quæ est complementum rationis practicæ.

*Differentia* verò nonnullæ inter *Speculativum* & *Practicum* in confesso sunt; scilicet,

- Finis { 1 Speculativi est *Contemplatio*.  
2 Practici operis { 1 Non semper aliquid operatum per habitum practicum.

2 Sed Operatio ipsa, vt cy-  
tharizatio, moderata co-  
mestio.

2. *Modus* procedendi est diversus, nam

1 Practicus intellectus procedit modo *com-positivo*, quo modo aliqua operatio sit fa-  
cienda.

2 Speculativus *resolutivo*, reducendo verita-  
tes ad prima principia.

3 *Objectum* diversum est; nam

1 Practicus intellectus versatur circa *obje-ctum operabile* modo operabili.

2 Speculativus verò, licet *objectum sit opera-bile*, non considerat *operabilitatem*; vt po-  
tentia visiva, licet coloratum quod intue-  
tur sit homo, non considerat hominem,  
sed colorem.

4 *Res* respiciunt intellectum

1 *Speculativum*, vt *mensuratum*.

2 *Practicum*; vt *mensura*.

His præmissis, veritas facilè pateat ex natura *Intel-lectus, Voluntatis, & Prudentiæ*.

*Intellectus* secundum doctrinam Aristotelicam  
est vel

1 Speculativus, qui, quod apprehendit, ordi-  
nat *ad solam veritatis contemplationem*.

2 Practicus, qui quod apprehendit ordinat  
*ad Opus*; Vnde apparet, *ordinationem intel-lectus practici esse actionem practicam*; & ita  
*actionem practicam esse in intellectu*.

In

In *Voluntate* item dari praxin, confitemur; in sola verò voluntate dari, pernegamus. Voluntati, inquit, primò, ergò soli, convenit praxis; cum voluntas sit quæ primò moveat ad operandum. Rectè dictum de praxi voluntatis: falsò dictum de omni praxi; quia non de praxi intellectûs practici.

Cùmque subijciant, *actionem practicam* convenire intellectui, non verò praxin; quæ fingunt approbant, sed non probant. Agnoscendum potius fuisset *actionem practicam*, seu praxin (rem planè eandem) duplicem esse, aliam *directivam* & cum imperio, aliam *solummodo imperativam*; quibus terminis iudico tum *veritatem* utriusque, tum *diversitatem* satis aptè exprimi; prioremque intellectui, posteriorem verò voluntati convenire. Neque obstat, quòd sint diversæ potentiae, ut nonnulli frustrà objiciunt: ut enim natura actionis *immanentis*, aut habitûs *virtutis* potest his diversis potentijs, nempe intellectui & voluntati convenire, sic & natura actionis *practicae*.

Sed & *prudentia* natura hoc probat. Cùm enim sit virtus *non moralis*, in voluntate non erit: cùmque ad *solam contemplationem* non tendat, in intellectu *speculativo* ponenda non est: cùmque tamen virtus sit *intellectualis*, in intellectu *practico* collocanda est; atque ita intellectui praxis necessariò inerit. Si quis verò, tantum distinctionis gratià, intellectûs praxin *actionem practicam*, praxin verò voluntatis simpliciter praxin appellaverit, per nos licebit.

Sciendum tamen *Prudentiam* habere se

I Etiam ad *Voluntatem*, materialiter, ut versatur

tur circa agibile bonum ;

2 Ad intellectum verò practicum, propriè & formaliter, quatenus versatur circa agibile bonum, sub ratione veri practici.

Denique ad Prudentiam requiritur rectitudo intellectus & voluntatis.



## QVÆST. XI.

*An Intellectus practicus determinetur ad verum per rectitudinem appetitus ? Aff.*

**Q**Uod in orbe cœlesti Sol & Luna, idem ferè in humano orbe Intellectus & Voluntas. Sol & Intellectus constanti radio effundunt lumen : Luna & Voluntas mutabili virtute excipiunt idem, & refundunt. Appetitus verò, ut inferior natura, vim illam catholicam & patitur & terminat. Appetitus rectus est prudentiæ famulus, ut comes ejus est Voluntas. Regis verò est non tantum subditis optima præcipere, sed & ab iisdem ad optima excitari. Ille illustrius res intuetur, at hi propius. Vix aliter Sol & oculus eadem conspiciunt. Integra voluntas



voluntas est rationis filiola, quæ quicquid pulchrum parens ostenderit, illicò expetit. Quo artificis desiderio, parenti, dùm auscultat, imperat. Equivocum hoc Voluntatis officium fida simplicitas Philosophiæ explicabit.

Curiosa ista difficultas patebit ex

1 *Motu potentiarum*; sic,

1 *Intellectus* movetur

1 Directè { 1 Ab Objecto, materialiter.  
2 A Seipso, formaliter.

2 Ordine retrogrado, à Volunrate.

2 *Voluntas* movetur

1 Directè { 1 Ab Objecto, tanquam à fine.  
2 Ab Intellectu, tanquam à proponente finem.  
3 A Seipsa efficienter.

2 Ordine retrogrado (quatenus dispositio appetitus efficit ut objectum appareat conveniens appetenti) ab Appetitu

1 Derivato iudicio in intellectum.  
2 Connexione & sympathia.

3 *Appetitus sensitivus* movetur

1 Ab Objecto.

2 Ab Intellectu.

3 A Volunrate, tripliciter

{ 1 Derivato iudicio in sensum.

2 Absque

- 2 Absque hoc iudicio, solùm imperio (politico scilicet; & ideò potest contrà movere).
- 3 Naturali connexionē.
- II Naturā Objecti, quod est**
- Finis* { 1 Non medius;
- 2 Sed *ultimus*, secundum *rationem* { 1 Non specialem, scilicet quæ sit illa res, quæ est finis; sic enim nobis non est naturaliter determinatus;
- 2 Sed *Communem*; sic est.
- III Ordine Operationum;**
- 1<sup>o</sup> *Intellectus* rectè iudicat de *sine*, saltem quoad communem ejus rationem, per ejus naturam *sine ratiocinatione*.
- 2<sup>o</sup> Hanc iudicij rectitudinem *sequitur* naturaliter *rectitudo appetitûs* respectu illius finis.
- 3<sup>o</sup> Quia ad finem tendit appetitus, *intellectus* movetur *ad ratiocinandum*, ut inquirat ea, quæ ad illum finem valent; (& sic, per appetitum finis, *intellectus determinatur ad ratiocinandum*).
- 4<sup>o</sup> Per huiusmodi ratiocinationem *determinatur ad rectum iudicium* de ordinatis ad finem desideratum.
- 5<sup>o</sup> Hanc iudicij rectitudinem *sequitur rectitudo appetitus* circa ordinata in illum finem.
- 6<sup>o</sup> Per huiusmodi appetitum *incipimus Operari*.

Hæc verò *confirmantur*, quia

- 1 Aristoteles dicit prudentiam esse habitum non solum cum recta *ratione*, sed etiam cum *rectitudine appetitus* (scilicet *rationalis*, id est, *voluntatis*.)
- 2 Rectitudo *appetitus* comparatur ad rectitudinem *rationis*, ut *finis* ad ea, *qua* sunt ad *finem*.
- 3 Corruptio *appetitus* determinat intellectum ad mendacia circa principia practica & conclusiones: ergò ex contrario, rectitudo ejus intellectum determinabit ad veritatem.
- 4 Licet non prius rectè appetamus, quàm intelligamus; appetitus tamen ritè instructus non prohibet, sed inclinat ad rectè & perfectè judicandum.

Animadvertendum verò, Intellectum

- 1 *Movere* voluntatem quoad *specificationem*;
- 2 *Moveri* ab eadem quoad *exercitium*.



## QVÆST. XII.

*An Prudentia cognoscat singularia? Aff.*

**P**rudencia perspicillum est, quo Democriti atomi fiunt corpora; nec  
V am-

amplius fallunt aciem, nisi quòd non amplius fallant. Immò Prudentiam hanc Lumen ipsum & Centrum appellemus Actionum Orbis : in cuius singula puncta feruntur radij. Creant Chymici in terræ centro Archæam quendam hominem Alchymisticum, à cuius Sphæricâ virtute in superiores tumescentis terræ partes effusâ propagines metallorum derivantur. Sed — bilem aut risum fortassè quibusdam moverint tam mendaces aretalogi. Hæc tamen ut res est ficta, ita facta alia est : omniumque virtutum Archæas est Prudentia : cui non minùs debent hominum actiones, quàm ipsi naturæ res ipsæ. Singulis se immiscet prudentia, sed prudenter ; nec ut exploret singula, sed ut emendet. Et, ut singula intuetur, sic sua : quæ sic intuetur.

*Habitus & potentia considerantur vel secundum*

*1 Se ; & sic versantur circa universalia, ut potentia calefactiva non circa hoc vel illud lignum, potentia nutritiva, visiva, appetitiva non circa hunc vel illum panem, colorem, cibum versantur.*



2 *Actus & Operationes, quæ sunt vel*

1 *Transcentes, circa singularia* ; nemo enim comedit nisi hunc vel illum panem; quia, Actus tales rem ipsam in seipsa, id est, singulariter existentem attingunt.

2 *Immanentes, specialiter Prudentia circa*

1 *Vniversalia, quia*

1 *Pars Prudentia est Legispositiva, atque ita circa universalia.*

2 *Artes etiam circa conclusiones universales.*

11 *Singularia, ut patet ex natura*

1 *Intellectus, (quem facilem reddit prudentia habitus) qui cognoscit singularia; nam*

1 *Potest distinguere illa ab universalibus.*

2 *Conficit propositiones de subiecto singulari, ut Socrates est homo.*

3 *Corrigit sensum circa magnitudinem Solis.*

4 *Est potentia superior sensitiva.*

2 *Prudentia, quia*

1 *Ratiocinatio potest esse recta circa singulare agibile; talis verò operatio pertinet ad prudentiam*

2 *Actio est singularium; prudentia verò est habitus activus.*

3 *Acquiritur experientia (sic juvenes possunt esse Geometrici, sed non pru-*

dentes) : experientia verò est singularium.

4 Per prudentiam *evitamus* omne peccatum in consiliando circa singularia.

5 Ad quod operandum virtus *moralis* inclinatur, illud operandum iudicat prudentia.

6 Prudentia habet se circa animam, ut *medicina* circa corpus : sed, ut ait Aristoteles, non est perfectus medicus, qui sistit in ratione universalis.

III Magis circa singularia, quàm universalis, quia

1 Prudentia finis est operari : ergò principaliter circa singulare versatur.

2 Singularia sunt *difficiliora*, quia

1 Mutabiliora.

2 Fortius pervertere } Ad ea ergò re-

possint iudicium } genda magis re-

quiritur pruden-

rationis.

tiae habitus.

Neque tamen *singularitate* objecti tollitur prudentiae certitudo ; est enim certitudo scientiae duplex, vel quæ posita est in

1 Cognitione solâ

1 Universalis ; sic eadem est cum certitudine scientiae moralis.

2 Particulari, quæ non excedit certitudinem opinionis, cum de futuris est, & absentibus,

bus ; & hæc non est propria prudentia.

2 *Veritate practica*, quæ consistit in conformiter se habendo appetitui recto ; Et hæc non consistit in sola ratione, & est propria prudentiæ, eique semper adest, etiam respectu singulorum absentium & futurorum ; Et licet actiones prudentiæ impediantur, illius tamen præcepta sunt semper consona appetitui recto.



## QVÆST. XIII.

*An Prudentia præstituat finem virtuti morali ?*  
Neg.

**R**atio est quasi finitus Deus ; Prudentia velut Angelus : hic Deo à secretis, illa Rationi à consilijs. Supremi Numinis imperium & imperio auscultat Angelus : Rationis item, humani numinis, mandata fœlici servitute excipit prudentia & exequitur. Rationis fines sunt tanquam poli : Prudentiæ media sunt velut axis ; quibus & sustinetur & terminatur orbis actionum. Metam ostendit ratio, viam prudentia : immò non ostendit tantum, sed & præstruit. Ratio

docet quò eundum ; prudentia verò quâ eundum. Et quoniam ratio ut omnibus, sic & nobis, præstituit finem, prudentiâ duce investigabimus, qualis sit.

¶ *Natura virtutis moralis* elucet ex illius

1 *Definitione*; quæ est, Virtus est habitus electivus in mediocritate consistens quoad nos, ratione definitâ, ut prudens determinaret. Eth. 2<sup>o</sup>. cap. 6.

2 *Causâ*, scilicet {  
 1 Efficiente, Actione repetitâ.  
 2 Materiali, Perturbatione.  
 3 Formali, Rectitudine secundum rationem, unde Mediocritas oritur.

4 Finali {  
 1 Remotâ, Foelicitate.  
 2 Proximâ, proprio honesto, quod à distinctis virtutibus quæritur; diciturque *Operatio recta*, seu *Bonitas rationis*.

3 *Finis Distinctione à Medio*; quòd sumitur  
 1 *Formaliter*, pro ipsa medij ratione; & sic est *bonitas rationis*, & *finis virtutis moralis*.

2 *Materialiter*, & sic est *res denominata media*, sive *res boni* bonitate rationis, & id, quod est *ad finem*; sic *medium* erit *quid materiale*; *finis* verò *quid formale*.

¶ Prudentia



**II** Prudentia non præstituit finem virtuti moralis quia


Includit consultationem, quæ non est de fine, sed de medijs.

Cæterum res tota patebit ex *differentijs* his inter Synteresin & Prudentiam.

- 1 } 1 Synteresis habet se ad *principia practica*, ut *Intellectus* ad *principia speculativa*. Vbi observare operæpretium est, Intellectum, scilicet habitum principiorum reverà sub se continere & habitum principiorum speculativorum & practicorum, scilicet synteresin, & tunc latè sed & verè sumi; aliquando verò habitum tantum speculativorum principiorum, & sic plerunque accipi.
- 2 } 2 Prudentia habet se ut *Scientia*: quarum illa versatur circa *conclusiones practicas* activas, hæc circa conclusiones *speculativas*, utraque verò applicat univèrsalia principia ad particulares conclusiones.
- 2 } 1 Synteresis dicitur non esse irascendum, plus quàm oporteat.
- 2 } 2 Prudentia per discursum ostendit, quæ ira sit moderata.
- 3 } 1 Synteresis dicitur medium virtutis;
- 3 } 2 Prudentia medium ad virtutem, & modum inveniendi medium ad virtutem.
- 4 } 1 Synteresis ostendit Quid faciendum;
- 4 } 2 Prudentia, Quomodo.
- 5 } 1 Synteresis dicitur Medium, quatenus opponitur extremo.
- 5 } 2 Pru-

2 Prudentia dicitur *finem materialiter*, dùm eligit illa, quæ sunt ad finem, & determinat rem in qua est finis, sive bonitas illa. Quæ differentiæ posteriores non sunt prorsus diversæ, sed diversi potius modi diversitates ferè easdem explicandi. Quare, ut res perspicuè explicetur,

6 { 1 Synteresis præstituit  
2 Prudentia invenit per media } finem.  
3 Virtus moralis attingit



## QVÆST. XIV.

*An Prudentia sit una tantum circa objecta omnium virtutum moralium? Aff.*

**D**Um prudentia & virtutes occurrunt animo, videre videor horologium Ethicum: cujus horæ sunt virtutes, index prudentia. In cujus medio, tanquam in centro, concurrunt virtutum lineæ: dùm index ipse, prudentia, rationis viribus, velut rotulis, circumfertur. Virtutes Musæ sunt, prudentia Apollo: illæ vocem adhibent, ut hic modum. Prudentia est corporis politici

litici medicina, quâ varij affectus, tanquam humores, ad amicitiam temperamenti reducuntur. Vna est virtus, & quâ plures virtutes vna fiunt. Hæc vis est & miraculum inconfusæ mixturæ! Quæ sale condimus, non amittunt saporem, sed perficiunt; ijsq; potius immiscetur, quàm ab ijs immutatur sal omnium ciborum vnum condimentum: sic & virtutum omnium condimentum est non mutata prudentia. Sed vt salem hunc aptius percipiatis, philosophiæ cibos sic vnà apponimus.

Maxima difficultas hujus quæstionis posita est in distinctione objectorum virtutum moralium; videtur enim, Quod vel objecta illarum sint formaliter distincta, & tunc diversæ etiam erunt prudentiæ: vel objecta non erunt distincta, & sic nec virtutes morales erunt distinctæ.

Sciendum tamen distinctionem objectorum virtutum non evertere prudentiæ vnitatem, quæ partim illustratur, saltem probabiliter, partim verò confirmatur his rationibus;

I Est idem objectum prudentiæ, scilicet verum in materijs omnium virtutum; & hæc veritas est eadem secundum speciem, quia consistit in convenientia intellectus cum re; quæ convenientia semper est eadem, licet res sint diversæ. Ratio

tamen hæc non admittitur, quia

*Tunc, nec plures essent scientia speculativa; Scientiæ verò non distinguuntur ex veritate, sed ex objecto & modo tractandi.*

2 Est vnum objectum sub vna ratione formali, nempe bonum humanum, *quatenus humanum*; sed & hæc ratio à nonnullis minùs admittitur, quia

*Non satis ostendit quo modo prudentia sit vna, cum versetur circa objecta specificè distincta.*

3 Est vna scientia medicine corporalis contra varios morbos; ergò & vna erit prudentia contra vitia per virtutes. Sed & hæc illustratio à nonnullis non admittitur ob dissimilitudinem non minorem inter medicinam & prudentiam; quia

*Per medicinam acquiritur vna sanitas, per prudentiam verò plures virtutes.*

4 Fortiùs verò confirmatur prudentiæ vnitatis auctoritate Aristotelis. Eth. 6. cap. 13. qui contra Socratem asserit, *virtutes non esse prudentias; nec tamen sine prudentia*; prudentiam vnam esse circa omnes virtutes satis innuens.

5 Metaphysica est vnus habitus respectu principiorum & speculativorum objectorum: sic Prudentia vna est respectu practicatorum & finis universalissimi: qui est principium in operabilibus.

6 Aristoteles, 2. de Anima. dicit *sensum communem* idèò esse vnum respectu sensibilibus diversorum sensuum, quia comparat inter se eorum objecta; Sic per prudentiam comparamus obje-

cta



cta virtutum & circumstantias.

7 Est unus modus iudicandi de agilibus per consultationem, inveniendō mediocritatem in materia, & convenientiam mediorum.

Circa Operabilia verē objecta virtutum notandum est, longē diverso respectu esse objecta virtutum & prudentiæ. Objecta sunt virtutum, ut inclinant appetitum per passiones genere diversas; objecta verō sunt prudentiæ, ut sunt ordinabilia ad beatitudinem: sic secundum hanc rationem, non secundum distinctionem suam, sub prudentia cadunt.

Denique animadvertendum, quod licet propter distinctionem factibilium sint plures artes; secundum distinctionem tamen agibilium non sunt plures prudentiæ: cum artes assumant sibi particulares fines, prudentia verō unum.



## QVÆST. XV.

*An Actio & Effectio contradistinguantur? Aff.*

**S**umus Aristoteles scrutando cacumina recti,  
In duo divisit practica Mentis Opus. Cujus  
Actio & Effectio non inconcinne Academicam referunt & Civitatem. Illa prudenti otio multa agit: hæc curâ artificum multa.

ta edit. De illius conatibus quid sensibus occurrat? de huius, quantum! subtilius illa operatur, hæc astutius; quasi illa concipiat tantum, hæc parturiat. Actio tamen est anima effectiois, ut anima est corporis quasi actio. Immo & actio est velut corpus, cum cito dispereat; dum effectio immortalis, velut anima, posteritati suæ interest, sibi que condit monumentum. Per actionem tamen eligimus, quæ per effectioem exequimur: per hanc rectum, per illam rectè operamur. Per utramque verò, & nos sic utrumque præstabimus.

*Aristoteles varius est in assignando discrimine inter Agere & Facere; vulgò tamen distinguuntur ut actio immanens & transiens.*

Distinctio

1<sup>a</sup>. est a  
fine.

1. *Post actionem nihil remanet*, nisi ex accidenti; quia, opus non est finis actionis; ut si post actionem viri magnifici supersunt erecta moenia, aut constructa templa, non est necesse ut remaneant; quia, finis magnificæ actionis est id honestum, quod in actione includitur.

2. *Post effectioem aliquid remanet.*

2<sup>a</sup>. a prim.  
cipio.

1. *Actionis enim principium est prælectio ad appetitum mentis pertinens;*  
ideò

ideò Aristoteles 2. Phys. text. 58.  
dicit actionem soli homini compe-  
tere, quia eidem soli competit præ-  
electio.

2 *Effectio* principium est simplici-  
ter intellectus.

1 *Agibile* ergò est *Eligibile* (A-  
ristot. 6 Met. cap. 1.) & singu-  
lare, & materia morum; & E-  
lectio est propria actio pru-  
dentiae.

2 *Factibilia* sunt cetera omnia,  
quae non pertinent ad pruden-  
tiam & à nobis fiunt.

3<sup>a</sup>. *A modo operandi*; quia ut docet Aristoteles  
1 Moral. Nicom. cap. 1.

1 *Actio* fit cum perturbatione, & intrinsecus  
absolvitur;

2 *Effectio* extrinsecus & sine illa.

*Definitio.* Actio est operatio humanae libertatis,  
quae versatur in attinentibus ad hominum mo-  
res, ex ratione & praelectione prodiens, gratia  
ejus boni, quod in operatione includitur; Sic  
est in

1 *Ratione*, ut in dirigente.

2 *Prælectione*, ut in exequente

3 *Appetitu*, ut in obtemperante.

*Definitio.* Effectio est operatio ab intellectu arte  
directo per phantasiam & vim movendi in ex-  
ternam prodiens materiam, gratia ejus operis,



quod elaboratum remanet.

*Habitus Effectivus* habet *conditiones duas* ;

1 Vt consideret *particulare*, & ens per se *artificiale*, cuius principium est in solo efficiente, per quandam rationis molitionem & solertiam.

2 Vt non *respiciat*, in tali operatione, quam efficit, *rectitudinem* vel bonitatem ipsius operantis, sed *absolute rectitudinem ipsius operationis secundum se*, sive sit transiens, vt ædificatio ; sive ( secundum aliquos ) immanens sit, vt congrua locutio ; Et ita *Logica non est ars* hoc modo intellecta, quia considerat objectum *universale, & demonstrabile, & naturale.*

Aliquæ operationes sunt

1 Purè

1 Activæ.

2 Factivæ.

2 Quasi *mediæ ob similitudinem cum actione & effectione*;

Sic ( secundum nonnullos ) *eadem operatio miscendi venenum alicui*, vt

1 Eligitur à medico, est actio.

2 Miscetur, est factio.

QVÆST.



QVÆST. XVI.

*An Ars sit habitus intellectualis? Aff.*

**A**rs est intellectus materialis, Natura Mercurius, & velut brutorum anima, quæ, quasi vna cum sit, varias tamen partium delineationes subit. Non alium authorem agnoscunt vniversæ Metamorphoses Ovidianæ præter Artem. Natura rebus humanis dominatur: Ars verò ludicrâ omnipotentiâ versatiles Deos transformavit. Miraculorum mundi heptarchia Artis imperium confitetur: nec minus debuit Mausolus aut Diana Arti, quàm Pietati. Monumentum vtriusq; pietas fuit; Ars verò Epitaphium. Arti debemus nos nostraque--: sine qua nec cibo, nec vestitu, nec apto sermone frui liceat. Natura America est; Ars Europa: vixque magis Americanum Animus ornat, quàm artifex Annulus labiorum appendix. Ars verò Europæa  
sic

fic corpus ornat, quasi corpus animæ æmulâretur; immò, quasi anima non tantùm in corpus, sed & in vestitum diffunderetur. Vt verò Artem ipsam intueamini, omni illam ornatu spoliabimus, nec minùs nudam, quam Naturam ipsam, expone-  
mus.

Conclusio

1<sup>a</sup>. Ars est virtus, quia

1 *Perficit* subiectum cui inest, scilicet *intellectum factivum*, ejusque opus bonum reddit. Hoc verò

Opus  
duplex  
est,

1 *Interius*, scilicet *Ratiocinatio ad judicium* de factibilibus; *cujus* operis bonitas est *veritas*, ad quam Ars determinat intellectum factivum.

2 *Exterius* (ab interiori opere natum regulari), *cujus* bonitas oritur à priori bonitate. *Sic* etiam Ars *reddit* intellectus factivi opus bonum & bene se habens.

2 *Determinat potentiam suam*, scilicet intellectum factivum ad verum judicium de factibilibus.

2<sup>a</sup>. Ars non est virtus hominis, quâ homo;  
quia

1 Non

## De Habitibus Intellectualibus. 161

- 1 *Non reddit hominem optimum simpliciter ;  
nam homines mali possunt esse optimi ar-  
tifices.*
- 2 *Non respicit optimum opus : quod non est fa-  
ctibile, sed vel agibile, vel speculabile.*
- 3 *Virtus alicujus non debet attendi secun-  
dum partem ignobilem ; sed vel secun-  
dum totum, vel partem principalem. Ars  
verò tantum perficit intellectum facti-  
vum.*

Sic Ars est virtus *non hominis, sed intellectus factivi*  
in ordine ad objectum illius artis, ut ars architecto-  
nica intellectus architectonici.

Ars est virtus { 1 Quatenus facultatem bene operandi  
præstat.  
2 Non quasi Actum tribueret potentia  
bene utendi.

Bonitas { 1 Artis respicit ipsam operationem ;  
2 Moris, ipsum appetitum.


Ars est virtus ut determinat intellectum ad verum  
judicium : sed indiget virtute ulteriori quoad o-  
pus exterius, quia ita se habet ad opposita.

Atque hinc est quod aliqua artes prohibeantur ; sci-  
licet non propter se, ut determinant intellectum, sed  
per accidens, ut *is abusi possumus ;*

Hinc etiam est, quod Ars appelletur potentia ab  
Aristotele ; nempe, quatenus in ordine ad opus ex-  
terius habet se ad opposita : ut medicus potest sanare  
& interficere ; Et sic indiget aut prudentia, aut virtute  
moralis.

Y

QVÆST.



## QVÆST. XVII.

*An Prudentia distinguatur ab Arte? Aff.*

**P**rudentia & Ars sunt mens & manus, quæ conspirantibus ministerijs animæ famulantur. Imperij & obsequij vtriusque amicas vices intueamini. Prudentia imperio utitur; ars verò fruitur: immò licet illa fidè, hæc tamen viam Mercuriali digito solerter indicat. Nonnunquam tamen Ars vix magis oculata est, quàm Hermes ligneus, qui callem non videt & indigitat. Instar Polyphemi est, fortis at sine lumine: sic viribus non indiget, sed duce. Ars equo non dissimilis, prudentia Equiti: consilium enim prudentiæ est, frænum artis. Iudicium sic cohibet phantasi-  
am: quæ rarò mala est, nisi cùm incerta est. Prudentia vsum respicit: Ars verò, velut lepus, cursum non terminum cogitat; immò nihil aliud ars cogitat præter opus suum: ut qui speculum intuetur, licet prospiciat,



spiciat, non prospicit tamen ultra seipsum  
& parturientis vultûs blandam sobolem.  
Si verò Artem & Prudentiam Philosophiæ  
speculo objiciamus, imagines illarum sic  
distinguet & reddet.

Prudentia & Ars differunt

1 *Objecti* { 1 *Extensione*, quia tota materia artis  
subest fortunæ: sed prudentia agit  
de animalibus, virtutibus, &c.  
2 *Formalitate*; nam licet idem possit  
esse & agibile & factibile, tamen agi-  
bile, quatenus tale, non est objectum  
artis. Domus est factibilis ut extrui-  
tur, est agibilis ut eligitur ad talem  
finem.

2 *Subiecto*; quia perficiunt diversas partes mentis  
activam & factivam.

3 *Fine* { 1 Prudentiæ enim finis est *Honestum*;  
2 *Artis Vile*; nam omne artefactum est  
gratiâ alterius.

*Adjuncto* { 1 Prudentia necessario connexa est  
virtutibus moralibus;  
1<sup>o</sup> { Ars autem non.

2<sup>o</sup> { 1 Artifex utitur tantum rationatione;  
2 Prudens consilio; quia idem est con-  
siliabile (ut Philosophi loquuntur) &  
eligibile.

- |                                      |  |
|--------------------------------------|--|
| 1 <i>Indep-<br/>dentia</i> ;<br>quia | 1 Ars non respicit finem<br>sui ipsius gratiâ; ideoque<br><i>indiget virtute</i> , scilicet<br><i>prudentiâ</i> ordinante arti-<br>ficiû ad debitum finem.<br>2 Prudentia verò, vt virtus<br>nobilior, respicit fi-<br>nem (Honestum) sui-<br>ipsius gratiâ. |
| 2 <i>Directio-<br/>nis</i> , quia    | 1 Ars dirigit <i>effecti-<br/>onem</i> ,<br>vt res facta sit bona; se-<br>cundum bonitatem Ar-<br>tis.<br>2 Prudentia <i>electi-<br/>onem</i> in-<br>terio-rem, vt sit medi-<br>um honestum, ad hone-<br>stum finem.   |
| 5 <i>Perfetti-<br/>ne</i>            | 1 Cum Prudentiæ dictamē<br>semper ordinetur ad bo-<br>um; secundū eius dicta-<br>men <i>semper</i> est operandū;<br>2 Non verò semper se-<br>cundum dictamen Artis;<br>quia intendit rem, quā<br>vti possumus ad bonum<br>aut malum finem.                   |
| 3 <i>Simplici-<br/>tatis</i> , quia  | 1 Vna prudentia commu-<br>nis est omnium agibili-<br>um.<br>2 Plures autem sunt artes<br>speciales   |

speciales nullam habentes inter se connexionem, ut architectonica & coriaria.

- 4 Imperij; quia { 1 Prudentia habet rationem *praeceptivam*;  
2 Ars autem *non*.

- 5 Firmi-  
tatis; quia { 1 Ars potest amitti per *oblivionem*; cum respiciat tantum cognitionem;  
2 Prudentia *non nisi per imprudentiam*, quia respicit appetitum; postea verò possit supervenire oblivio.

- 6 Imperfectione; quia { 1 Artis error semper est *involuntarius*;  
2 Prudentiae error est *voluntarius*.



## QVÆST. XVIII.

*An Artes Liberales sint propriè dictæ Artes ?*  
*Neg.*

**H**omo est mundi systema & commentarius, dum eundem contrahit & explicat. Haud secus enim vel cœlum Angeli, vel terram homines exornant; quàm ejusdem hominis animam eclipticam illustrant scientiæ, impotensque corpus Artes reficiunt. Hæc divina est artificis humanitatis œconomia; quâ pijsimè cautum est, ne qua pars corporis subsidio ingenij destituatur. Ars oleum est, quo invngitur palæstrita; scientia palma est, quâ excitatur: hæc fortem reddit, ut illud agilem; Sic Simia à Leone distat. Scientia solem refert, quem intueri vix possumus, at per quem omnia: Ars verò viam lacteam imitatur; quam videre licet, at per quam alia vix videre licet. Scientia medicus est,  
Ars



## De Habitibus Intellectualibus. 2167

Ars chirurgus : hic manum exercet, & ille mentem. Scientia est Literarum Summus Pontifex ; Artes sunt eidem famulantes Iesuitæ : qui ut reverà haud aliud sunt, quàm Pontifex multiplicatus ; sic ferè & Artes sunt Scientia. Scientiæ verò artificio, & Artes & Scientiam sic accuratiùs distinguemus.

*Artes liberales* sunt 7. Grammatica, Rhetorica, Logica, Arithmetica, Musica, Geometria, Astronomia ; & dicuntur *liberales*, quia ordinantur ad opus rationis & *anima*, quæ est libera & domina corporis.

Ars propriè dicta est, quæ respicit *opus externum* ; & talis sola est *Mechanica*, & hæc sola definitur ab Aristotele definitione Artis.

Occasio erroris hæc in re. Aliqui putarunt Artes liberales

non esse { 1 Prudentiam, quia non respiciunt bonitatem operantis ; rectè.  
2 Scientias, quia ordinantur ad operationem.

1 Alij ergò ( pro opinionum varietate ) putarunt Aristotelem nominasse *habitus tantum notiores* ; sed non admittenda hæc opinio, quia de alijs alibi Aristoteles non tractat ;

2 Alij, quòd Ars liberalis sit *principalis*, & *sextus habitus* ; sed nec hæc opinio admittenda, quia contra Aristotelem & rationem.

3 Alij

- 3 Alij extendunt definitionem Artis ad Mechanicam & Liberalem.
- 4 Alij putant operationem *immanentem etiam* cadere *sub Arte*, quatenus tantum in tali operatione nuda operationis bonitas respicitur, non verò operantis.

## Decisio

- 1 Ars liberalis *non est Ars*, licet respiciat *solum operationis bonitatem*; quia hæc proprietas distinguit illam duntaxat à prudentia, non à scientia.
- 2 Ars liberalis *non est Ars*, licet ordinetur ad operationem, seu *praxin*; quia etiam in speculativis est aliquid per modum operis. Est enim

Practi-  
cum du-  
plex

1 *Perfectè*, quod *immediatè* versatur circa operationes *singulares* dirigendas. Sic *Prudentia* & *Ars* sunt practicae.

2 *Imperfectè*, operationem considerans *in communi*, *universales* regulas illam dirigendi tradens; Et huiusmodi est *Synteresis* circa principia practica, & *Artes liberales* quæ sunt *scientia practica*, seu *imperfectè* practicae; In his enim sunt duplices actus,

scilicet, { 1 Docemur } in Musi-  
quibus { 2 Operamur } ca, Logi-  
ca, &c.  
3 Ars

3 Ars liberalis non est Ars, nisi secundum quandam similitudinem; quia, ut Ars propriè dicta introducit formam in materiam externam; ita Ars liberalis introducit formam suam in operationes animæ; secundariò verò etiam in materiam externam, ut Logica syllogismos efficit in votibus & scriptis. Et sic

4 Ars liberalis aliquo modo est Ars, scilicet secundariò, ut patet exemplo ultimo allato.

5 Ars liberalis est scientia; quia


1 Est circa subjectum universale, demonstrabile & naturale; ut in Logica

1 Objectum est ordinatio operationum intellectus.

2 Principia sunt, per se nota, ex quibus conficiuntur demonstrationes; Sic, syllogismum primæ figuræ evidenter concludere, ostenditur ex illis principiis, Dicitur de Omni & Dicitur de Nullo.

3 Passiones sunt, ut manifestum est ex singulis illius partibus.

2 Est habitus speculativus tradens universales regulas; nec tamen est Intellectus, nec Sapientia.



## QVÆST. XIX.

*An habitus contemplativus sit nobilior practico? Neg.*

*Oratio habita, cum Opponentis partes sustinerem, & Auditoribus meis Numerique philosophico valedicerem.*

**M**Agnum est, hominibus præesse: at majus est, Dijs tantum interesse. Summa Actio Regia est, humana tamen: infima verò Contemplatio humana est? immò supra hominem! Princeps est meteoron politicum, quod sublime est, sed caducum: qui verò orbem contemplatur stella est, nec magis alta, quàm fixa. Erravit cœca antiquitas, dum Alexandrum Magnum nominavit: nominasse debuit Aristotelem Magnum; Alexandro orienti tam fulgidè præluxit Meridianus Aristoteles. Ille Asiam, hic Naturam subegit: ipsumque mare, quod Alexander timuit, intellexit & contempsit.



tempfit Aristoteles. Magnum non est, quic-  
quid superare possumus. Non tentavit mare  
& vicit. Scientia victoria est; vt mirer cur  
historia non celebraverit Aristotelis Cogita-  
tionum stratagemata! Quid te appellem  
Eudæmon Seneca! præter quem, non alium  
agnoscit Genium Roma! Qui, contempla-  
tione triumphis Romæ tuæ altiori, quàm  
proximè à Dijs ipsis abesse videaris, quasi  
vix aliud inter te eosq; interesset, nisi quòd  
ipsi in cœlo forent, in te cœlum. Qui sic  
miracula refundis, quasi amicis tuis Nu-  
minibus vices rependeres. Hoc est com-  
mercium animæ fœlicis, quæ sibi est fo-  
rum suum & Eremus! Contemplatio est  
animæ perspicillum, cuius termini sunt in-  
tellectus & Deus, anima & fœlicitas. O  
quali motu in quietem hanc feror, quæ nec  
modum novit, nec errorem! Molestum  
est, bellum etiam philosophicum gerere;  
jucundum est gessisse: in illo gloria posita  
est, in hoc fœlicitas. Illud est juvenus ani-  
mæ, hoc senium: quod rarò triste est, nisi  
præcesserit ignava juvenus; quod nun-

quam jucundum est, si præcesserit. Priusquam nos ipsos exerceamus, contemplationi incumbendum est : post exercitationem verò contemplationi indulgendum. Beneficium divinum est Excitata industria : sed ipsum cœlum est industria Emerita. Percurrimus Intellectum, rationis ænigma ; cùm ipse sit & oculus, & perspicillum & objectum. Ipse enim est qui intelligit : ipse est, per quem intelligit ; ipse est, quem intelligit. Hic vera est *Guiana* & montes aurei, quos non promissimus & perfodimus. Ignota ferè diu latuit hæc *America Philosophia* : cujus jam habuistis etiam sine *Columbo* apocalypsin. Vidistis & vindicastis pentarchiam Habituum ; quos dum intellexistis, comparastis : nec magis victoriâ lætor, quàm commilitio. Militastis fortiter strictâ acie & denso agmine pro Literarum republicâ contra grassantem ignorantiam. Tandem licet receptui canere : tandem licet me mihi reddere. Dehinc veritate fruar sine hoste, nec Philosophiæ bellum expectabo, sed amplexus : dehinc frui licet delicatâ

licatâ Contemplationis indulgentiâ. Cujus  
liberrimam solitudinem illiberali rixarum  
foro anteponendam esse, non in-  
quis argumentis, sed silentio  
Peripatetico sic probo.


Libri secundi  
FINIS.



Z 3







*Oratio habita cū Aristotelis Rhetoricorum librum secundum auspicarer;*  
CLO LCCXVII.



**D**E Perturbationibus dicturo  
( Auditores humanissimi ) ignoscatis oro, si non nihil perturbatum intueamini Oratorem.  
Exordium negligere, contra artem est, quam doceo : exordio uti, ultra meam, quam didici. Ab Aristotele initium sumere, esset ignotum laudare ; & quasi infinito, cui desunt termini, terminos ponere : à Rhetorica verò incipere haud facilius foret ; quæ Eloquentiam dirigit, sed & superat. Parcite ergo si Eloquentiam laudaturus, initium dicendi à perturbationibus desumam : præsertim cū, qui Aristotelem dignè laudaverit, dignus sit ipse, cui post Aristotelem secundæ defe-

deferantur. Tantæ ergò provinciæ, immò  
 Orbi, angustia nostra nimis impar. Lachry-  
 mas effudisse fertur Alexander, quòd alius  
 non superesset Orbis subjugandus, lachry-  
 mas meherculè ( mirum dictu ) sine sale,  
 insulas enim, risuque excipiendas : præser-  
 tim cùm adhuc superesset Aristoteles alter  
 Orbis, immò quasi vterque Orbis. De cu-  
 jus animâ, seu potiùs eruditione, si loquuti  
 fuissent, qui spiritum Vniuerso vnum tribu-  
 ère, vix reclamante Philosophiâ, asserere  
 potuissent Cœlum animatum. Minus ( fa-  
 teor ) Aristoteli, quàm animæ suæ & Natu-  
 ræ quisque debet: quas tamen, licet non ac-  
 ceptas illi ferat, perfectas referat; & dehinc  
 non tam Naturæ studio, quàm Aristotelis  
 incumbat. A quo principia etiam Metaphy-  
 fica ( cùm à natura non possint ) quasi de-  
 monstrationem mutuantur. Vnam tantùm  
 Scientiam adhuc describendam posteris re-  
 liquit, Scientiam scilicet Scientiæ Aristote-  
 lis; quæ non immeritò nec inconcinne *A-*  
*ristotelographia* appelletur. Ex illius verò Sci-  
 entijs fœliciter varijs, animus est, immò  
 offi-

officiū, apud frequentiam istam, eam laudare, quæ laudare docet: ut non tam eloquentem, quam gratum me exhibeam; nec tam accepisse artem, quam reddidisse ostendam. Cuius artis vires dum sæpè meditor, planè obmutesco: nec magis arte quam stupore vincor, quòd Aristoteles noster & sapientissimus extiterit Logicorum & Rhetorum felicissimus! Logicam non contempsit potius, quam coluit, quia nec illa illum; neq; enim ingenium colit Logica, sed fodit. Imperavit Logicæ, non servijt. Evagatur verò Eloquentia liberiùs, vtpotè quæ nec virium suarum agnoscit terminos, nec gloriæ. Ferum illud Turcarum genus in exemplum provocemus: cuius ipsa barbaries Eloquentiæ maiestatem serenissimam confitetur. Testem appellemus Galliam feritate olim desævientem, quæ cùm vix passa est Romanorum jugum, Eloquentiam passa est, cui ad aram Lugdunensem sedulâ superstitione sacra peregit. Testes appellemus gentes plurimas, de quibus Pyrrhus triumphavit, sed quas vicit Cineas. Vbi enim de-

fecit vis & metus, foeliciter prævaluit elo-  
quentia: quæ sanè in omnia est potentissi-  
ma, nisi in laudes suas; neque tamen tam ex-  
ignara impotentia, quòd non possit, quàm  
ex confirmata prudentia, quòd seipsam no-  
lit decantare. Sapientissimi semper Orato-  
res; reliqui homines bruta animalia, ho-  
mines verò ipsos foelicissimi Oratores sub-  
jugârunt. Victoria Orphei de feris & saxis,  
vel fabula fuit, vel vaticinium præpotentis  
facundiæ. Tonitrua *Hyperboles* è constipan-  
te verborum, velut nubium, agmine pro-  
rumpentia, Cujus aurium, tanquam aëris,  
excavatos orbes (non-interrupta *Allegoriâ*  
comitante) horrendo fragoris mugitu non  
adimplêrunt? Quid *Metonymias* etiam sine  
Oratore animatas infantia mea elinguis ef-  
formare conetur? Mitto *Ironiæ* simulatam  
irrisiõnem: mitto foelicitatem foetûs illius  
diversissimi, admirationis & risûs. Melli-  
tissimam verò *Metaphoram* non possitis non  
degustare: cujus concinna pulchritudo, so-  
nora suavitas, Nectarea dulcedo, tenerrima  
molitudo, ( addam, parcite audaciæ tropi )  
subti-



Subtilissimus odor, quasi singulis sensibus  
 humanissimè se exhibere non dedignantur.  
 Quid vobis *Synecdochen* memorem?  
 quæ gratissimâ innocui sophismatis reci-  
 procatione fraudem suam compensat, nec  
 semper exhibet partem pro toto, sed sæpè to-  
 tum pro parte reddit. Hanc ergò, *Tropum*,  
 (quasi vnicum) appellabo, & universæ  
 Rhetoricæ compendiosum emblemata. Neq;  
 tamen hîc sistere libet; quia nec Rhetorica  
 hîc sistit. Ulteriùs progredi ultro vos alliciet  
*Epizeuxis*, fœlix, fœlix illa repetitio, quæ  
 decies repetita placebit. Huic succedet *Ana-*  
*diplosis*: Anadiplosis, quæ humanissimè vos  
 compellans attinget, & attrahet; & quasi  
 gratissima Echo dimidiatorum verborum  
 extremitates amabilissimè repetet. Occurret  
*Climax* aliquantulum pertinacior, & lasci-  
 vâ quadam procacitate adblandiens ulte-  
 riùs attentionem vestram provocabit, pro-  
 vocatam delectabit, delectatam admiratio-  
 ne quadam percellet, admiratione percul-  
 sam retinebit. Occurret *Anaphora*,  
 occurret *Epistrophe*, suavissima *Epistrophe*,

amabilis Epistrophe: &, ut utramque complectar, *Epanalepsis* occurreret. Vultis principium repeti? hoc præstat *Symploce*: vultis clausulam repeti? hoc præstat *Symploce*: vultis utrumque repeti? hoc præstat *Symploce*. *Epanodos* regredi videtur, non tamen regreditur: immò in delicias vestras non recedet, sed procedet ultrò. Atque ecce profiliit *Paranomasia*, quasi sub linguâ nata, quæ subsequi debuit: in quâ utendâ quisquis non parcissimus est, nimius est. Elegantia sanè apud veteres non incompta: apud nos verò istâ Literarum severâ vicissitudine, non tam ingrata, quàm inepta; ut hanc, non injuriâ, Rhetoricæ crepundia appellemus. Postremus locus, postrema elegantia, postremum decus *Polyptoto* debetur; quod casum casui, tempora temporibus, quasi altera Fortuna, sed mitiore imperio, aptissimè connectit. Omnia tamen hæc schemata, schemata tantum corporis Rhetorici: adhuc superest succus & sanguis; adhuc superest robur laterum; adhuc superest justissima *Exclamatio*, quæ affectus con-

citat & percellit, auget & delectat. O fo-  
 cilsimum Exclamationis incendium! O mi-  
 tissimam violentiam, non sine exclamatio-  
 ne nominandam! O victricem clementi-  
 am, à qua discedere non licet! At quid dixi?  
 An hîc sistendum? Revocat me *Epanorthosis*,  
 immò corrigit; neque enim illa, neque  
*Aposiopesis* reticenda: cujus laudes — . Sed  
 nimîa admiratione corripior, dùm tuam  
 intueor majestatem, dominatrix *Apostrophe*,  
 quæ omnium Figurarum regina incedis!  
 Videor tamen audire inflammatam *Prosopopœiam*  
 elatis cervicibus & corrugatâ fron-  
 te temeritatem meam sic increpantem; An  
 nostra ergò Majestas posthabenda? an quia  
 imperium nobis præripis, præripis & me-  
 ritum? tantillam putes *Prosopopœiæ* forti-  
 tudinem, quâ solâ armatus Marcus Tullius  
 Cicero toties in reipublicæ eversores Cati-  
 linam detonuit? quâ solâ eiecit? quâ solâ  
 interfecit? Parce, parces tibi, miserrime Ora-  
 tor, temeritatem & insciam tuam pariter  
 lues. Per *Apostrophem* homines vocales fi-  
 unt, per *Prosopopœiam* parietes ipsi, qui



pro maiestate nostra violata testimonium  
 amplissimum perhibebunt. Increpatione  
 ista ( Auditores ) agnosco me non medio-  
 criter perculsum: revoco sententiam meam,  
 immò deprecor, nimis inconsultam: & per  
 me posthac in ambiguo sit, utriusque & me-  
 ritum & præmium. Nunquid tamen <sup>amici</sup>  
 prædicare dubitavero? num quia aliarum  
 maxima gloria, illius nulla? an quia postha-  
 benda est, ideò irridenda? Nunquam, nun-  
 quam ferenda est illa illius calamitas; ille  
 illius elegantiae contemptus; illa illius mo-  
 destiae iniusta labes. Priores Figuræ confi-  
 dentes sunt, forsan nimium: hæc verò ve-  
 recundæ dubitatione secum prius deliberat.  
 Huic succedit <sup>ἀπαρξὸς λόγου</sup> quæ penè præire me-  
 reatur. Quæro enim à vobis ( Auditores )  
 num sapientis esse non fateamini in rebus  
 dubijs nil temerè aggredi, in rebus dubijs  
 sibi non confidere, in rebus dubijs alios  
 consulere. Profecto scio sapientiam ve-  
 stram responsuram, & insignis esse mode-  
 stiae & prudentiae summæ. Non nemo ta-  
 men sic forsan dicat, cum magis sapien-  
 tia



tiae sit graviter respondere, quàm subtilissimè dubitare, cur *Prælepis*, cuius præcipuè respondere est officium, Addubitationi non præponatur. Cuiquam sic aliquantulum perverse objicienti breviter dico, Responsio vel prudentissima quaestioni suæ præire non potest, eam sequi debet. Iam verò, humillimo obsequio, *αὐτοχρηστὴς* accedit, quæ etsi non subtilis sit, non robusta, non elata, ut primum locum sic sibi vendicet: quia tamen modesta, utpotè nihil nisi permissione vestrà aggressura, ultimum saltem locum ei concedatis. Concedatis, oro, mihi quoque interrogandi veniam, num fortissima ista elegantiarum fecunditas, non flexanimam pariat audientibus voluptatem? Nullas enim credo tam effrænes *Perturbationes*, quæ artem & imperium Eloquentiæ non fortissimè, non mitissimè sentiant? Si enim Iunonis armata injuria *Ira* *irascatur*, & in furorem sit adaugenda, contemptu & eloquentiâ incitantibus, *Ignescunt* *Ira*, & datus dolor ossibus ardet. Si tamen inflammati Cæsaris temulentus furor ad mollissimam

leni-

lenitatem, & cicurem mansuetudinem sit re-  
 vocandus, victi Ciceronis invicta Eloquenti-  
 ria de victore ipso triumphabit. Cum quis  
 illigatos *Amores* Pyladis & Orestis suavissi-  
 mis facundia illecebris expressos audiet;  
 amabilem Pyladis amorem, amabilem O-  
 restis insaniam adamabit: immò insaniam  
 merebitur Orestis, quisquis amorem Pyla-  
 dis non mirabitur. Nil admirari, vnicam  
 felicitatem agnovit poëta: hujus tamen  
 amoris felicitatem non admirari, Non sani  
 esse hominis, non sanus juret Orestes. Cum  
 fratrum Thebanorum regna infelicitè al-  
 terna numerosa facundia plenè exprimet,  
 Nec furijs post fata modum, flammisque  
 rebelles seditione rogi — : tam dulces furias  
 & prophana *Odia* odio non-prophano quis  
 non persequetur? Quoties ego (Auditores)  
 Æneam *Timore* perculsum ad Polydori tu-  
 mulum apud Maronem legi, fateor me sic  
 exhoruisse, ut maluerim Polydorus esse,  
 quàm Æneas, & ipso tumultu, quàm horro-  
 re opprimii. Cujusmodi tamen metum  
 quàm facile executio, quoties Capanei in-  
 tueor

tueor *Confidentia* Papiniano eloquio ipsum  
Iovem superbificè provocantem, cuius sa-  
crum fulmen & meruit & contempsit. Vul-  
tis *Pudorem* artificiosè depictum intueri?  
Maronianum Silenum intuemini, qui de-  
spumatâ suâ ebrietate, à pueris se vinctum  
reperiens, procaces illorum lusus humilli-  
mâ verecundiâ sic paucis corrigit; Solvite  
me pueri; satis est potuisse videri: quibus  
crimen pudendum ipso pudore, quo agno-  
vit, delevit. Impudentiam Rhetorica non  
agnoscit, neque corona hæc maximè inge-  
nua; eam igitur perturbationum hyperbo-  
len cum Aristotele non imprudens præte-  
reo. *Gratia* verò & *Misericordia* jucundum  
pietatis certamen ineunt; hæc ex sapientio-  
ri doloris sensu, illa ex liberiori celeritate  
opem subministrans: ad quas utrasque ex-  
citandas mitissimæ Rhetoricæ misericor-  
dia opem & artificia mira exhibet. Ad ex-  
tremum agminis procedunt *Aversa* pertur-  
bationes, atque harum maximè furiosa. *In-*  
*indignatio* sese exerit: quam in Ajace indigna-  
bundo, apud Nasonem, exclamantem au-  
diatis,



diatis, — Et mecum confertur Vlyſſes : Ec-  
 cete, ne, dum ſtudemus prudentiæ, veritati  
 obliſtemur, ſi Ajacis ſagum & Vlyſſis (non  
 togatam dicam, cùm Græcus fuerit, at) pa-  
 catam prudentiam ſpectemus, arma fuerunt  
 digna magis, quàm apta præmia : vt non  
 indignè indignatus fuerit ob contemptam  
 fortitudinem Telamonis filius. Subſequi-  
 tur involutâ facie *Invidia*, quæ ſuum magis,  
 quàm alienum ſupplicium eſt : ſed corri-  
 genda hæc inſequenti *Æmulatione*, quæ vt  
 vltima eſt, ſic plerunque optima. Contemp-  
 tum enim, æmulationis exceſſum, contem-  
 namus, ſaltem non agnoſcamus. Vltimam  
 verò (lectiſſimi Adoleſcentes) vobis com-  
 mendatam velim : quam & concitabit  
*Rhetorica*, & inſtruet. Qui verò duodecim  
 hiſ affectibus dominabitur, anhelantem  
 Alcidem cum laboribus duodecim & leo-  
 nina pello ſecurè aſpernetur. Victoria con-  
 ſtabit arte & induſtriâ : ad quas, poſt tot o-  
 rationis incendia, vos inflammare, vitupe-  
 rare ſollet ingenium vel meum, vel veſtrum.  
 Si quis tamen Imperatorem quærat, quem  
 foeliciter



feliciter sequatur; si artis præcepta spectet,  
 Aristotelem habet, qui ut ætate sic & inge-  
 nio longissimè antecessit: si spectet cetera,  
 Cicronem habet, Senecam habet. Illius  
 eloquentia juvenis, hujus matrona est; ille  
 facundiam ostendit & ostentat; hic illà fru-  
 itur potius, quàm de illà gloriatur: ille reti-  
 arium agit, adversarium implicans; hic  
 myrmillionem, ictu trajiciens. Ciceronis  
 imperus etiam imperu adamandi: Senecam  
 verò tanquam animam amo, quia & ille  
 animam, cui & infligit vulnus, & modelam  
 adhibet. Si coram populo perorandum sit,  
 eloquatur Cicero; si coram senibus Seneca:  
 cujus ipse stylus & senium præ se fert, &  
 prudentiam. Cicero est Senecæ quæ Co-  
 lor; Seneca verò Ciceronis Emphasis, im-  
 mò Ingenij Epiphonema. Cicero est cor-  
 poris sani Sanguis defæcatus, Seneca ipsius  
 Sanguinis ipse Spiritus. Sed cum in medio  
 posita sit virtus, in virtute felicitas, felici-  
 tatem si vultis assequi in Eloquentia sum-  
 mam, naturam sequimini, Et, ut in sangui-  
 ne defertur Spiritus, sic feliciter in Cicere

*Seneca fluat.* Et ut *foelicitas* ista incorrupta fervetur, consulo vobis (*vberimæ spei Adolescentes*) ut, in oratione componenda, non eam ex alienis durissimè ferruminatis sententijs, sed ex ingenio vestro *foelicius* conficiatis; sic integra, sic una, sic vestra erit. Araneam imitami, quæ opus suum ope suâ conficit. Vndè forsan Latini (si conjectura nos non fallat) eodem nomine, Araneæ, & artificem & opus appellârunt. Artificium bombycis imitami, qui author est & opus; creatus est, & velut creat, & quasi contemptor univèrsi, cœlum suum sibi conficit. Sed vereor, ne bombycem ipse nimis imitatus sim, & ita sim orationis filo, etsi non serico, irretitus, ut meipsum facillè expedire non queam; &, dum Eloquentiæ artem prædico, vereor ne prudentiam Oratoris, saltem gratitudinem, requiratis. Vestram igitur benignitatē prudentissimam (*viri gravissimi*) compellabit oratio mea, & agnoscat: ut, cum à beneficio vestro initium duxerit, cum ejusdem gratissimâ recordatione desinat. Qui Aristotelem

lem laudavit, laudavit Eloquentiam, qui  
 Eloquentiam beneficium vestrum, cui &  
 patrocinium acceptum refert, & referre  
 conatur gratias: quas si dimidiatas O-  
 rator vester rependerit, ære ve-  
 stro per Synecdochen se  
 totum exolvit.

FINIS.



Bb3









MVSEVM  
BRITAN  
NICVM

ERRATA.

Pag. 6. lin. 2. pro panè, lege, penè. Idem occurrit p. 10. l. vlt. & p. 11. l. 4. Pag. 9. l. 12. pro, falicitate, l. foelicitate; nisi malis legere cum hodiernis Criticis, felicitate: Idem ferè occurrit, p. 11. l. 15. & p. 16. l. 12. Pag. 15. l. 16. pro, habent, l. habeant, p. 18. l. 2. pro, iuformentur, l. informantur. & l. 6. pro, plerumque, l. plerunque. & l. 10. pro, nihlkanimatum, l. nihil perfectissimè animatum. p. 36. l. 7. pro, numquid, l. nunquid. p. 87. l. 8. pro, Intellectus in intellectu, l. Intellectus in intellectu. p. 91. l. 5. pro, vt est humanus, l. vt ejusmodi actus est humanus. p. 97. l. 2. 4. pro, frenquentem, l. frequentem. p. 99. l. 18. pro, varsteatem, l. varietatem, p. 108. l. 25. pro, addidenda, l. addenda. p. 118. l. 6. pro, effronis, l. effrenis. p. 140. l. 20. pro, mensura, l. mensuram. p. 150. l. 21. pro quid, l. quod. p. 152. l. 4. pro, differentia, l. differentia.

